

Дойнъ кодуљ

Выль воён  
да Рёштвоён!



12. 2000



Культураын Россияса заслуженнй уджалысь, Коми Республикаса народнй писатель Геннадий Анатольевич Юшков.

Снимок С.Сухоруковлён.



# Войыв кодзув

БЫД ТӨЛҮССЯ ЛИТЕРАТУРНО-  
ХУДОЖЕСТВЕННОЙ  
ЖУРНАЛ

12

НОЯБРЬ  
(ӦШЫМ)  
2000


ПЕТ҃О 1926 ВОСЯНЬ



ЛЭДЗОНЫ:

КОМИ  
ГИЖЫССЯСЛОН  
КОТЫР

КОМИ  
РЕСПУБЛИКАСА  
ПЕЧАТЬ  
УПРАВЛЕНИЕ



## ТАЙЁ НОМЕРЫН:

Геннадий ЮШКОВ. Сылланкывъяс .....	3
Юрий ВАСЮТОВ. Шыр кывтö-катö. Повесть .....	7
Анжелика ЕЛФИМОВА. Кывбуръяс .....	45
Геннадий ГОРЧАКОВ. Сюсь зонъяс да наян понъяс.	
Пьеса-майд .....	49
Андреян ТУРЬЕВ. Кывбуръяс .....	68

## МИЯН КАЛЕНДАРЬ

Илля ВАСЬ. Кывбуръяс .....	69
----------------------------	----

## МЕДВÖРЬЯ ГИЖÖД

Н.И.КОЗЛОВ. Кудинса Одиссей .....	72
-----------------------------------	----

Йёзёдома «Войыв кодзув» журналын 2000 воын .....	78
--	----



# СЕВЕРНАЯ ЗВЕЗДА



**Ежемесячный  
литературно-художественный  
журнал**



**Учредители:**

**СОЮЗ ПИСАТЕЛЕЙ РЕСПУБЛИКИ КОМИ**

**УПРАВЛЕНИЕ ПЕЧАТИ  
РЕСПУБЛИКИ КОМИ**



**РЕДАКЦИОННАЯ КОЛЛЕГИЯ:**

Главный редактор

Михаил  
ЕЛЬКИН

Альберт  
ВАНЕЕВ

Виктор  
НАПАЛКОВ

Ответственный  
секретарь

Алексей  
ОДИНЦОВ

Зам. гл. редактора

Александр  
ПЕТРУНЕВ

Владимир  
ТИМИН



## Сыланкывъяс

### Вёлі яғын вота пув

Вёлі яғын вота пув,  
Кёнкө матын чегис ув.  
Лэпті юрёс — тёдтём пон,  
Тёдтём пон да тёдтём зон.

Ой-ой, ойöstі,  
Быттьё кытқо дойöсъті.

Поныйс бёжнас луг да лег,  
Зонмыс нюмдіс меным сэк.  
Муртса съёлём личалі,  
Асьсо нюмён видзали.

Ой-ой, сулала,  
Ловзыла да кулала.

Мися, мунас, а оз мун,  
Кутё кутшомкё на дум.  
Эз по нином лыйны шед,  
Пұвтö вотышта по тэд.

Ой-ой, зев ёд сюсь,  
Синмыс быттьё чöдлач тусь.

Сёрни сорён ёйёмоз  
Кыкён тыртім ёти доз.  
Лёсиявлім и син на син,  
Сідзикён и тёдмасим.

Ой-ой, вёлёма  
Ме кодь ётка съёлёма.

Воча муса лоан кор,  
Олан гажыд оз и ор.  
Сыкёд ме да поныйс и —  
Куимёнбось ёні ми.

Ой-ой, кисьтö пöсь,  
Регыд лоам нёльбонöсь.

### Рытыс шоныд, рытыс лёнъ

Рытыс шоныд, рытыс лёнъ,  
Күсö кыыслён вöнь.  
Синва петö, кётöдö...  
Кодкё, кылö, вётöдö.

Мун-мун, бурён мун,  
Коркёяид на эз вун!

Лоёмыд тай мича зон,  
Сёмын аслыд тёдан дон!  
Медтой эсько ылодны,  
Ныв съёлёмтö сылодны!

Эн-эн мелиась,  
Нином тэныд корсыны тась!

Оти пёлос тэнад мог,  
Тэысь сёмын курыйд шог.  
Ола сэсся юрён-а,  
Кодкё зонмыд сюрё на.

Ньёж-ньюж! Ок ёд лют!  
Китё мышку саяд кут!

Синтё быльёдомыд сэн,  
Ньёти ме ог эски тэн!  
Коди кытён гусяид,  
Сийё мед и мусайд!

Чёв-чёв! Кад эз вёв!  
Кадыд вёлі сизим пёв!

Войис кольё тэкёд тан,  
Дыр-ё менё сүлодан?  
Чайтан, бара окалан?  
Отчыд мед и шогалан!  
Ок-лёт! Мун да вод!  
Окасьомсыд эсько вот!..

## Аттё жё нин Марья

Аттё жё нин Марья,  
Синмыд оз и мудз!  
Кытё колё — карья,  
Кытё колё — нюдз.

Аттё жё нин Марья,  
Пыді коми вуж!  
Мичаник да сарья,  
Кывтё шуны қуж.

Аттё жё нин Марья,  
Менам зарни кум!  
Да вот ичёт дарья  
Овлё сылён нюм.

Аттё жё нин Марья,  
Кулан да, оз вун!  
Татён вот и арья,  
Некытчё ог мун.

Аттё жё нин Марья,  
Вылын кутан лов!

Окыштан кё паръяс,  
Нином оз и ков.

Аттё жё нин Марья,  
Йойтала нин со!  
Мусо гиръя-гаръя,  
Оз кё менам ло!

## Ловъя юрён

Он и бёрд, да синваыд  
Войтён тюрё.  
Коркё шогсыс мынла ог  
Ловъя юрён?

Вёлі зон, да йойталі,  
Чайті, дурö.  
Ачым сийös кёдзёді  
Ловъя юрён.

Оломуыс нин, буракö,  
Таысь пурö.  
Оз и индыв мусаöс  
Ловъя юрён.

Кодкё войнас волысыыд  
Эськё сюрö.  
Асьтö жё ёд уськёдан  
Ловъя юрён.

Ни оз ышёд кодавны  
Вина-сурён.  
Сізд нин пёда курыйсыс  
Ловъя юрён.

Быттьё вёрын веськалі  
Кадъя нюрё.  
Ог и вермы петавны  
Ловъя юрён.

Эськё лёсяліс кё морт  
Мелань бурён.  
Помёдз эськё радейті  
Ловъя юрён!

## Сё майбырой, Анна

Сё майбырой, Анна,  
Вёломуыдкё, тан на!  
Мися, гашкё, мунін нин,  
Мый ме шулі, вуні нин.

Чёв-чёв, Ёльёксан,  
Быттьё усин вёлökсянъ!  
Эн на менё сулывлы,  
Нином на эн шулывлы?

Веж петаной, Анна,  
Зыксö энлы пан на.

Чайтан, тэысь кёдзалі,  
Кодқо бёрся кочалі?

Чөв-чөв, Ёльёксан,  
Быттьё усин волёксянь!  
Кытён волі юрыд нö?  
Кытён волі бурыд нö?

Ен сыкёдён, Анна,  
Ва моз эг ёд ям на.  
Ачыд тёдан, визулыд  
Кучкó ёти из улö.

Чөв-чөв, Ёльёксан,  
Быттьё усин волёксянь!  
Бёрынас век казялан,  
Шыдтö кор нин азялан.

Шёвк тупыльёй, Анна,  
Чорыд жё тэ сямнад.  
Колё менё шогёдны,  
Став олёмös кокёдны.

Чөв-чөв, Ёльёксан,  
Быттьё усин волёксянь!  
Эн нö менё колльёдлы,  
Юрсиös эн мольёдлы?

Му югыдой, Анна,  
Менам шондібан на!  
Шудыд сетсьё кыкёнлы,  
А оз ториён быдёнлы.

Чөв-чөв, Ёльёксан,  
Быттьё усин волёксянь!  
Мунам кё тась мунам-а,  
Он кё-й, ставыс вунёма!

□ □ □

# Шыр қывтö-катö

## П О В Е С Т Ъ

РОЧ КЕРКА дорын бара «чери кутшъяс» паныдасисны. Юрсиктсиянь жо катомаёс татчо. Тöдса йоз, электромонтеръяс, Веня да Модь. Найё сидж жо ноксисны пыж бёжын ёшалыс мотор дорын.

— Искраның вошиш? — юаліс Райрыб съодасьом гежёд пиняссö петкодлігмоз, то ли нюмъётны көсийис, то ли дозмыны.

— Некыңд ог адзой, Фёдорович, — ёттиштш вочавидзисны кыкнаныс согласа двойни моз.

— И ва выло талун, дерт жо, энё петалой.

— А кыдзи, Фёдорович? Мотортогыс?

— И мый жо тані ті вочаның, кык ёрт?

— Дозмёр кыям.

— Гашкё, чоң түяның воштінның искрасо?

— Тöрыт уджаліс-а... — вузаліс асыныс Модь.

— Этайё сюмысысь, — Райрыблон киас волі стартёр көв, — ме аддзи нин эг оти моторысь искрасо. — Борисов матодчис мотор доро. — Видлам?

— Оз ков, Фёдорович, — вира сингъясон видзодліс Веня нимаыс Лейтенант выло да быттың сылы жо и шуис: — Но ми и збыль сомын ворын кыйсям.

Ме матодчи жо на доро, да синмой кышаліс пыж пöвъяс вылыс дзирдалыс зарни тусъяс, чутён-чутён пыж кузаяс разаломаёс, некымын пёк чир посни молльён гузякыліс-бовъяліс пыж бёжо öксюм гудыр ва вылын.

— А чими пёкыс дерт жо кисис дозмёр бёжысь? — юалігмоз, но век дозмытона на тувъяліс кывъяссо Райрыб.

— Мыйкё од сейны жо коло, — Веня волі варовджык кыла да сийоджык сёрнитіс. Тайё волі монтёръяслон бригадир, зев зіль да сюсь морт, сиктын сийос быдён төдісны, пыдди пуктісни и удж вылас, и гортас. Миян газетын петавліс нин сы йылысь некымын юёр. Нималіс сийо и чери доро ветлысьяс пöвстын.

— Миян эсько сейыштны жо коло да... — бергöдчис миян капитан да мёдöдчис неыджыд кыр йылын пукалыс керкалань. Веня öдйöджык ордйöдіс Райрыбос да котёрён гуркнитіс-пырис керкаас, быттың аттьоаліс öздöс тасъяссо, да котёрён жо и петіс сэтысь киас ва пузьöдchan чайникöн.

Дерт жо бара номсöдісны миянос чери-яйён да водка дозйён.

Кор кыйсысь-электрикъяс казялісны, рыбинспекторкод налон сёрниö оз суюсыны ни милиционер, ни газетын уджалыс, кодъяссос кыкнаныс бура төдісны, повтöма пондісны юасыны, мыйла ми көвъясим понлы витöд кок моз чери видзысьлон пыжо. Торйён нин быттыкё дозмёма волі Веня. Некор на по тадзи эз вöвлы-а.

— Райкомсянь миянёс мёдёдісны,— шмонитышты мёвп воис меным, но ушлой Лейтенант пыр и содтіс:

— Дзик тіян вösна, кык друг. Юёр воома: «чери кутшъяс» Мозын Ыылын лэбалоны.

Кык электрик быттöй кывъяссö курчисны: водзмёстчыс йöz, коммунистъяс...

Коло татчö содтыны, райком кылыс сэки повзьöдчана кодь и вölі. Райком, коло гёгöроны КПСС райком (Сöвет Союзса Коммунист партиялён районса комитет) сiйö кадö юралiс район-он. Став оломнас веськёдлiс, стöчджеука кö, сылон Первой секретарь, дерт жö и мукöд уджалысыас отсöгён, кодъяс вölіны сэнi тырмымён жö, мед став оломсö кутны зэлыд вёжжи улын.

«Повзьöдчана» кывсö гижи да со кутшöм серпас воис юрö. Коммунист партияад ме пыралi жö. Газетад пондi ноксыны-тижны да шуисны, газетыс по партиялён, и сэнi уджалысыслы коло жö лоны коммунистöн. Кытчö воштысян, быть лои пырны, сэнi мырси-вердчи да. А серпасыс со кутшöм. Колльöда вölі ассым шуринос армияö. Тöдöмись, пасыыштiм курыдторйён морт оломын татшöм тшупöдсö. Гулькнитi румка-мёд и ме. Кор призывникъяс пондалiсны сёвны автобуссö, мед мунны кöрт туй станцияö, а вölі нин кыз лым, ме матöдчи автобус дорö, мед сывыйыштыны медбörъясы шуринкöд. Сэки военкоматса офицер, пöвöднö код нин, йёткис менö ыджыд вынён бöрвыв, да ме тымбыльтчи лымайö. Усигён аддзылi, тайö офицерыс лёк ногён тойлалiс гажмыштöм рекрутъясöс автобуссö. Чеччи ме да бара матöдчи сэтчö, кёсий вölі отсавны офицерлы, мед оз жö дойдав том йösö: кутшöм нö лоö том йöзлон командир дорö видзöдласыс, кор онi нин на пиыс öти петкёдлö ассыс мисьтöма. Ачым служитl армияын, гёгöроа. Чайтi, офицерыд менö тöдлýтöг йёткыштiс, ме сылы абу тöдтöм морт. Но сiйö аддзис менö да лёккись горёдчис: «Ак, бара тэ?!» И öлыштчöмён кучкис меным, позьö шуны, зургис пельпомö. Ме бара уси. Дзоңь юрён мейсъ джуджыд мыгöра, кабырыс нöш кодь, кыдз сыкёд водзасаян. Ме и кежи. Колльöдчысыас пöвстись тöдсаяс висьталiсны, магазиныс по кык сuleя босытöма тайö офицерыс, юёмäось по со сэнi, орчча керкаас куимён, асным по аддзылiм. А онi по öти призывники нырас кучкёма, вир ульгö мортыслён, армияö мунысыслён. Аслам служитiгöн меным удайтчылiс жö аддзывны кодалысь офицеръясöс, быдторийыс оломад овлö, но танi... да тадзи...

— Сюран тэ аски! Юёрта кытчö коло! — кёсий ме повзьöдны сiйöс. Но сiйö, вölöм, сюсъджык мейсъ. Дерт жö, менам сёйöм бурмис нин аскиöдзыд, да и жаль вölі мортыс, мыла юёртны военкомыслы сылон тöрытъя «удж» йывсыыс. Но сiйö юёртöма ме йылысь да и вылöджык на. Асывсяныс и корисны менö райком бюро вылö. Сэнi пукалiсны нин тайö офицерыд и ачыс военкомыс. Гижомаёс ме вылö кабала.

Пондi висьтавны ставсö, кыдз вölі, но райкомса Первойис Вахтенко, кодöс неважён на вайöдiсны юравны миян районён, крапкис-шуис:

— Тэ гёгöроан, кёni пукалан?

— Кытчö коринныд, сэн и пукала,— шуа.— Ёртъяс дорын. Ti коммунистъяс, и ме тшотш коммунист. Абу мёй ёртъяс?

— Тэнид ме ог эски. Эска райкомса членлы,— индö военком вылö райкомса медыджыд чинаыс.

— Но ѿд сійё эз вёв сэн! Кыдз вермас тёдны, кор ачыс нинём эз аддзыв?

— Он кө тэ ланьт, ме звёнита милицияö и тэ регыц гёгёрвоан, коді мый аддзыліс да кёні тэ пукалан,— пондіс кыпёдны сёрни горсо Вахтенко. А менам съёлёмой пузьёма жо нин.

— Он кө меным ачыд эскы, юав бюроса членъяслысь, гашкё, найё эскасны?— век на чайта корсыны правда, ѿд пызан са-йын пукалысьяс пёвстын эмось меным зэв матыса йоз, отикод вешиг гётырпунымос ётлаын бёйим. Сійё и кывлысис медво-дзын:

— Гашкё, прёща коран?— юалё менсым.

— Кодлысь? Тіянлысь али этайё майорыслысь, коді лябысь баба моз сітан вылас оз ёшы?— инда мекод орчён пукалысь военком вылёт, сійё ичёт да виньёр, полысь синъяса, военной морт вылёт оз и мун.

— Ачыд тёдан,— шуыштіс менам бур тёдсаёй да сэсся эз нин кыпёдлы синъяссö ме вылёт. Дорыйны менё сувтліс на совхозса парткомысь секретарыс, небыд кыла ётка олысь ань, но Вахтенко друг сувтіс вёсныздык пипу кодь тушанас да сэтшом жо вижоват чужомнас, поткодіс гызынын пондом сынёдсö, баксысь баля кодь вёсни гёлөснас ордіс:

— Вётлыны коло партиясыс! И удж вывсыыс.

— Тіян киын властыс. Ачыс Андреев менё вайёдіс редакцияö, бур удж вылысь нетыштіс сэкся Первой секретарыс, коть эг на ме вёв сэки партияас. Позьё шуны, ки пёлёт кыскис. Мёд ки пёлёт и ёлыштны позьё. Бур тай ті ёртъяс...— помавны эз ләдз районса медыджыд коммунистыс ичёт тшина коммунистлы, шуис медбөрья кывсö:

— Вётлам. И некутшом удж сэсся ог сетёй!

Но эз вётлыны менё сэки ни партиясыс, ни редакциясыс. Сёмын повзьёдлісны. Выговор шлëпкисны и ставыс. Кодлыкё ѿд коло уджавны. А повзьёдчом — райкомлён уджаланногыс. Дас кыкодз выговорыд лоліс.

Уна ѡні сёрнитёны сы йылысь, коммунистъяс пё торкисны олёмсö миян му вылысь, ме шуа, миян странаусы. Ме ног кө, збыль коммунистыс вёлі эз на пёвстын, кодъяс «торкисны», мёд ногон кө, веськодлісны, а на пёвстын, кодъяс вёчисны олёмсö. Кодъяс ѿд уджалісны ас юрён, найёс вёлі лыйлёма, сісьтомуа тюрмаясын, конлагерясын, виёма ловнаныс. Коть коджо збыль коммунистыс и веськавліс юрнуёдысьяс радас, век ачыс поліс-вичысис, оз-ё веськав «вёрёгас», кыдз веськаліс недыр мысти и менам матыса ёртёй, дерт, эз дзик сыйыс, мый сэки лысътіс кывлыссыны тайё бюро вылас. Сы вёсна и ыджеудан улоусъяс вылындык улоусъясын пукалысьяслы. Сы понда и райкомыс кывсис повзьёдчанінён: сэні сегалісны выговоръяс, удж вылысь вётлан индёдъяс.

Со мыйла ёна повзьёдіс райком кылыш. Шмонитны тайё кылён некыздзи эз позь. Кык лун мысти тати кывтігён монтёр-кыссысысьяссо ми эг нин аддзылой. Ог чайт, мый найё тадзи повзисны сёмын Райрыбыс, ѿд пель пёлён ме кывлі, Мозын йылын «чери күтшъяслён» кыйдёссын эм пайыс и чери видзыссыктырлон.

Роч керкаусы ми петім пажын бёрын. Верст вит-ё-квайт катім

да бара сувтім вör керка дорö. Керкаыс суаліс неыджыд ю вомдорса нöрысын.

— Улыс Пузла,— гёгөрвоöдіс Райрыб.

Кывлі, дерт, и тайё ю йылысь. Улыс Пузла, позьё шуны, медбörбя ыджыд дзуыс Еджыд сариdzысь катысь чими черилён, кодлён роч нимыс съёмга, артмёма, дерт жё, съём коми кылысь. Да и кыдз вермис лоны мёд ног, кор коми йöзыс важён олісны и Двина, и Печора, и Мозын юяс кузя сариdz бердöдзыс. Со весиг сариdzбердса öти сиктлон на нимыс кольёма коми вужъя — Койда. Кой — кыйсянін, кыйдöсайн. Тайё сиктын оні на йöзыс олёны сöмын кыйсöмён. Тані и пансьё чими-съёмгалён кельёбыс, мед катны Мозын йылодз, Пузлаясöдз. Дона тайё чериыс, сыла да пошти съёмтöм да лытöм, чим гёрд яя, вомадpunktan — сылö. Конкё шуёны на вый чериён. Сэтшöм и эм, быттьё вый пунктan вомад. Сы вöсна и оз позь сийös кыйны йöзлы, сийön озырмöдчö государство. И мыйла сöмын тайё чериыс катö миян юö? Став шум-зыкыс ю бердын олысъяслон тайё чери вöснаыс. Коркё вöлі сийö зэв уна да зэв гырысь, кык пудъяöдз, а оні кык-куим килограммасы гырысъён нин кажитчöны. Вежон чöж нин со ми катам чими чериа ю кузя, а ва вылö чеччылёмсö сылысь эг на аддзылой. Арнад, дерт, шоча петавlö, но нырсö лэптылас на. Лöнь ва дырийыд ылодз тыдалö петалысълон гыыс. Быть и казытыв челядьдырся кадтö.

Бутрасям ми, а ва пыдёссыс быттьё пасытöм морт ньёв моз вывлань качöдчас син водзаным да бок вылас кыдз тай бузгысяс ваас! Ми, челядь, полім, мед эськё эз крукас миян вутыр-кыснанö татшöм дивöыс. А öтчыд и крукасис. Тöкötöй неминуча оз ло. Воккöд ми берег дорті сир вылö кыснан кыскам пыжöн. Вок шюö: «Сибдіс. Бörвыв сын!» А сэсся кыдз тай нетышштас кодкö кыснансö, воклон кыснан везийыс пиньсыд мыніс, но кокас на тшöтш домалöма вöлі да тöкötöй асьсö ваас эз нетышшт-шыбит. Кытгчöкө кутчысыны удитіс Сандыр. «Васаыс кё-а?»— повзис сийö. Мультыкасöй ва улас да миянöс пыжнас тшöтш ва катчöсис катöдö. А сэсся кыдз тай чеччыштас! Чими! И сьблёмлы колö, и ловным полö. «Мед эськё мынас!»— кевмыся ме ва кёзяинлы, а вок усыпань вылö нин усис да горзö ме вылö: «Лыаланыыс сын, лыаланыыс!» Ме пыж нырас öпаснöй пельсъясöн вöлі сына. Пыжным эськё и матöдчис лыа кёса дорас, но вутырö шедöм зверыд сидзи пондіс чеччавны да тракийысыны, вок некыдз оз лысът чеччыны ваас, мед сэсся котörtны лыа выйтäыс да сидзи кыскыны. «Мед мудзас, мед мудзас»,— сöмын и дольö Сандыр. Сид эз и мудз чими чериыд, нöшта öтчыдысь тракнитіс да и павкнитіс бöжнас, уйис йираз. Вутырыс вöлёмкö, чегöма. Вок бöрддзис, а ме Петыр-Павелöс казытыла, мый мынтöдіс этатшöм, гашкö, и кык пудъя, «васаöс».

Татшöмъяссö оні ю йылö катны оз лэдзны, ю вомас на и кыйёны, сариdz дорас. Вердöны чöсқыд черинас ресторанъясын, граница сайё нüёны, озыр йöзös чöсмöдöны. Кодкö, дерт, и тані сейö, коді кыдзи күжö судзöднысö.

Чайті, Улыс Пузла вом керкаын кöть олö Райрыблöн öти отсасысь. Эта кузыта туй катим да участокса инспектор эз паныдасылы. Мися, гашкö, кöть тані кодкö видзö, мед кöть тані эз кыйсыны йöзыс, ю вом йираз, кытгö, Райрыбон висыталом серти, чукортчö по чими чериыс ыджыд кельёбö да сэсся сэтысянъ

зырдö кульмыны қыкнан Пузлаас. Но паныдаліс миянöс районса тöдса хиург.

Тöда вöлі, Хиург, тадзи кута шуны сiйös и водзö, кыйсöö кёнкö Мозын йылын. Быд во сэні кыйсöö-олö. Кывлі весиг ассяныс, ола по палаткаын, кыйсöö сöмын спорт ради спиннингён. Прöстöй йöз быттьёкö оз чери кыйны, вöравны со катоны Мозын йылö, сэні по вöрса кыйдöсис озырджык. Гусьён, дерт, локтöны, дзебесясымён олöны и мукöдис. А Хиурглы торъя кабала се-тöмаöсЬ по, мый сылы кыйсыны позьö. Кабаласö эг аддзыв, но сiйö быд отпуск дырий пöшти кык тöлөсь чöж (войвывса отпускыц кузь), олö Мозын йылын. И оз, вöлöм, сöмын спиннингён кыйсы: керка дорас косымисны гырыссы синма кулёмъяс. Гашкö, полисны чина войтыр, мед Хиург «öшыбкаён» эз вунды коркö мыйкö налён нярмём вир-яйыссы, гашкö, мыйысъкö мёд-торыссы, но век жö сёкыц гёгёрвоны: некодлы оз позь кыйсыны, а сылы позьö. Да буретш сэні, кытчö чукöрмё медуна чериыс, кодös кыйны некодлы оз позь миян Законъяс серти. Ме шуа, Мозыныссы. Сöмын аслыныс чери видзыссыасы, велöдчöм ихтиологлы позьö кыйны некымынöс наукалён опытъяс могыссы.

Позьö кö и позьö, меным мый. Ме таыссы ог кывкут. Ме сöмын пасыя блокнотö, снимайта фотоаппаратöн керкасö да сетьсö, гижа та йылыссы газетö. Лэдзас кö, дерт, редактор. Хиургöс районын ошкёны. Унаös мёдар югыдö эз лэдз мунны кадыссы водз. Кужысъон нималö Коми му пасыта. Весиг аслас Питерö оз ветлыв, кöні по чужлöма да сэні рöдвуж на эм. Кывлі, чöсмёдлö кыйöм черинас пыралыссыасöс, интеллигент тэ кöть бич.

Но мый кыйсис сiйö буретш Улыс Пузла вомын да оліс эз палаткаын, а шоныц керкаын, тайö лои меным выльторойн.

Оліс тані Хиург эз öтнасöн. Сылён вöлі сойтыссы-отсасыссы, том морт, мичаник ныв кодь сöстöм чужёма да сьöд шöвк кудриа. Вöлі и нянь сёйыссы — ар кыка-куима руд ош, буретш чери ням-ляліс. Зон, кодös шуисны Володяён, ноксис биштур вылын öшалыссы пöрт-чайник дорын, а вомсö век паськёдлышсы, мургигмоз очсалыссы Миша нима ош лачыц гыжъяснас парсаліс кырсысö пожöм пулыссы, кытчö сiйös и домаломаöсЬ кöрт чептöн. Кывлі, эм по Хиурглон ош, велöдö по сiйös морт дорын овны, но чайта, вердöм кындзи сыкёд некутшöм велöдан удж эз мун. Сiйö кажитчис вывтi гажтöмён да шогён. Сьöд моль кодь ичöтик синъяснас сiйö видзöдис ме вылö, быттьё кöсийис шуны: «Регыд кула...»

Пöшти татшöм жö видзöдлассыс вöлі и ош кöзяинлён: вöвлöм едкыц син колькийс рудвиж, чужём баныс ропкыссыёма, кыдзи тай пиньтöм пöльлон, кузь чуньясыс, нöшта на вöсняммёмаöсЬ, лутшъясыс мыччыссыёмаöсЬ эрдö, быттьё артмёмаöсЬ гёрдъяс, небыдик кыла сёрниыс нöшта на ньöжмёма. Мозын йывса «курортыс» таво кежлö абу зэв пöтöса вöлöма, тыдалö.

— Меня нельзя называть браконьером,— Хиург вöлі роч да сёргитис, дерт, рочён. Но сылыссы сёргиссо ме оні комиöда, гижа комиён да.— Ме кыйдöсис ог вузавлы, сiйён ог нажöвиччи.— Гранъя стöканъяссо ва сора спирт кисыталiгмоз сiйö висътасис лабутнёя, быттьё быд кыв шуис водзвыв мёвпыштöмён.— Со, пызан вылын ставыс, сёйой, меным абу жаль. Тадзи жö ме верда йöзсö и гортын, коди кöть оз пырав.— Пызан вылын вöлі сола чими чери и чими пöк, дозмёр яй да нöшта на мыйкö.

— Сiйётö эсъкö сiдз, Хиург ёрт,— водзö нүöдис керкаö менам пыртöдз паном сёргиссо Райрыб,— но йöзлы вомас кляп он сюй...

Вежон сайын нин помасъёма олан кадыд, мый урчитёма кабалаас. Да и гижёма сэтчö: «Чими чери кыйны оз позь». А тi...

— Тэнад гётырыд дзоңьвидза? — эз лэдз помавны Райрыбос Хирург.

— Э-э... кхе, кхе...

— А вермис кувны. Вермис, эз?

— Нно... кхе, кхе... — Райрыблён, мыйлакö, вошиш кылыс.

— А тайё том мортыслыс батьсо ме мёдёдi Мёскуаö,— Хирург индiс водз чуньнас миян Лейтенант вылö. Сылон и збыль батыс неважён воис Мёскуаись, кён вöчомаёс зэв сьёкыд операция сювъяас.— А тайё газетса шырыслыс,— индiс ме вылö Хирург дöзмёмпрысь нин,— ме мездi жё, но писо нин. Сiдз, абу? — юалiс на строга кодь менсым.

— Сiдз вöлi.— А мый меным шуны, кор тайё збыль. Ичёт на, ар даса вöлi пиёй, штанга лэпталомыс ли мый ли грыжа мыччысис кынём горулас. Больничын и вундiсны. Ме нин вунёдлi, эз кё онi казытыв ачыс докторыс, кодi вöчома тайё операциясö. Да и сэки эг тöдмавлы. Вöчисны и вöчисны, вундiсны. Врачлён сiйё и могыс, веськёдны, бурдёдны. Ме — гижыс. Сiдзкё, гижны колё. Лейтенант — милиционер. Сылон аслас жё могъяс. Колё-ö сiйён нöшавны мёдёс: кодi кодлы бур вöчис? А лёк кё артмис?.. «А мыила тэ гётырёс менсым тёкётё эн ви?!»— кёсий друг гораа юавны Хирурглыс. И бур врач ёшыбитчыны вермё. Некымыныш шыёдчылiс висыс гётырой сы дорö, гырк пытшкös по ёнакодь доймё да. «Сöмын абу вöрк»,— шую хирург да оз кёсий водтöдны больничай. Но казялi ме, коньёр гётырой дзикöдз нин лябмис да аснауён ыстi карё. Сэнi видлалас врач да шуас: «Пыр жё кырлавны. Вöрк... Лун куим кё сёрмин, зарниёй, садьмин сöмын мёдар югыдас нин».— Со кыдзи донъялас карса хирург, сöмын чунь помнас тшукöдчылас да. А тэ песлалан, песлалан, тёкётё сöпсö абу писькёдёмьц... Вомёй вöрис, а кывиё эз шу. Яндыси. Друг да дойда йоз дырийыс Заслуженней врачöс. Весиг на и жаль лои ачыс, кыдз и домалём ошкыс сылон. Стöканыс спиртыс эз юсы, чими чери-пöкыс эз сёйсы, юмов чайыс курыдён пуксис горшö...

Пыж дорö лэччигён некодi эз колльöд. Райрыб тшёктiс мотор сайё пуксыны менё. Водзын по коськъяс абуёс, юыс ты кодь, катам по Опонь керкаöдз. И ми мёдёдчим водзлань.

Катны лунын да тыын кодь лöнь ва кузя гажа сылан кодь. Танi юыс векняммёма нин сэтчöдз, пöрасны кё öтар-мёдар берегсыыс пүяс, вермасны тупкыны ва туйсö. Юрё воис ичёт дырий кывлём майд:

**Шыр кывтö-катö**  
Катша кёя пыжа,  
Мой лапта пельса,  
Вурд бёжа зiбъя,  
Низь бёжа паруса.  
Кыркötш дортi сыныштö,  
Лыа дортi зiбыйштö.  
**Шыр кывтö-катö...**

Кутшöм стöча тэчлёмайтась коркё сылансö, образъяссö босыт-лёмайтась асланыс жё олёмайтась: мой лапта пельса, вурд бёжа зiб... А онi мотор, мотор, мотор... Кутшöм образ сылы бörтjan, гижыс

mort? Коло кө, ньёжмёдышт, коло кө, одёбты... Пыж мёдёдчис кык пёв одйёджык, шыльгө и шыльгө быттьё вёрса ты вывті. Кузякодъ тадзи нюжёдчö Мозын йылыс. Кыйсыныгтö танi ачыс Енмыс тшёктис. Быд йирö позьё шыбитны куломтö кузяла көттө вомлала. А йириңясыс эмөсь вит-квайт метр пыданаодз. Вылыс Пузлаодз да Визинга юёдз каттёён и весъкалёны дона чери кельбяяс бордтöм «чери кутшяслён» ботан-куломъясо...

Бёжала ме пыжён и дивуйтча: тóрыт лунтыр коськъяс да коськъяс. Дi кост Бергёдана коськ «штурмуйтгён» токтёй эг гумссый. Эг удит ме пыж нырсö кутны зiбийон, пыжыд зурғысис из берегас, быгзысь вассö нин гумовтис пыжным, вомоналис векнүйдикинсö да. Но эг тай пёрой. А онi со рёмпöштан вывті быттьё катам. Сiдз жё и олёмас олiгён миянкод. Тэ быттьё век кытчёкё катан: то лыа пузлао дзужгысълан, то изиё люкасълан, то визув коськ паныд одва-одва йёткысян, а волас кад да сёмын любуйтчан-олан, шыльган со татшом лоңь ты вывті. «Ой, олём, олём...», абу сiдз-тадзысь шулома поэт...

Водё мёвпаломысь дугёдис Райрыб, тшёктис тшукны изъя доросас.

— Кötöдлам и асынам. Мый висыталас вавис,— быттьё сёмын аслыс сёрнитис Райрыб, но ставлы кывмён.— Чöвтлам ваас гоз сеть. Кывтгён и кыям. Гортё гёснеч,— киргыштис кынмём горшнас да пондис на сiйос кыздыны. Кашкё и кашкё, пом абу. Водзджык нин ме казялi, чери видзысь ёна висьё. Оз сёмын киргы горшыс, ёнакодъ на и кызё-ватшкё кос кызомён, быттьё век кынмома. Шойччигён узыны оз лэдз, корскё и корскё. Жаль весиг мортыс. Мыйла танi уджалё? Век ва вылын, век кёдзыд. Дзикодз од торксяс татшом удж вылад. Оз мый шоныдджыкин сюр? Али яндысьё велёдчом морт видзны асысö? Менам со ёрт школалын жё велёдьссыён волi да онi пывсян ломтысь комхозлён öтувъя пывсянын. Абу на и öтнас сэтшомыс районлон шёр сиктын. Уна лыда ичёт котельнойясын высшой образованиеа вит ломтысьсысь. Нином яндысыны, воан кё пикё, учитель чиньид оз сорась и пывсян ломтысьсон мырсыны.

— Мыйла нё Хирургыслысь эн босыт кутшомкё таблетка?— жалыс петис и Лейтенантлён.

— Нином, зонъяс, нином... Кха, кха... Асынам на кыям... Гёснечтöг гортё огвой... Хи-хи... Кха, кха...— Райрыб олис аслас мёвпяясон. Гёгёрвоны сiйос волi сьокыд. А мый ми лоам жё «гёснечаёс» да гортё огвой дзик тыртём ведраясон, кыдзи онёдз на найё трина-тронакылисны пыжын, шонтыштис миянлыс ловнымёс Лейтенанткод. Мый кёттэ эн шу, а гортын миянёс виччыссыёны тыра дозийон. А Райрыб ачыс тёдё, мый вёчё. Пыж нырын сулалыс, сiйё онi қажитчис меным Вой саридзса корабль нуёдьс капитанён. Лэптöм воротник саясянь дзириштавлiс лэдзём пельяса шапка кымёс вывсыс лым кодь еджыд «ка-пустаис», морёссо кресталём ной шальыс тёдчёдис, мортыс кынмё, эз на шонав рудов енэжсянь гусьён мыччыссыльс кёдзалём нин шондi улын. Кияснас оласыштис-шонтыссыштис капитанным да Лейтенанткод кыкён пондисны войтны кулём. Ме отсаси пельисон пыж бёжын. И друг Райрыб гораакодъ матъкис. Мый лоис? Некор ме эг кывлы ссыянь «Но, гута гачё!» кынди чорыдджыксö нином. И со... Вёлёмкё, ваас сеть нин кодлонкё куйлёт. А сетяс пырома чери: комъяс, кебөсъяс. Но найё дуксъомаёс нин, сисёс. Кыйсысыссыс вунёдома сетьяссё.

— Но, ме петкода тэныд, Опонь!.. Ме тэныд петкода!— татшома дўзмомасо Райрыблыс мэг на и аддзыв. Сий матькомон матькис, шуаліс сэтшом кывъяс, пельто орданаёс, мый ковмис менем пелынам резышти чужомасо вайон, мед лоняс. Кывыйд тані абу нин отсасысь. Но Опонь, тыдало, быткис съёлёмсө и Лейтенантлыс: «Лывны коло татшомъяссё! Лывны!»— пестіс жо ырзьом съёлёмсө милиционер.

Татшом сетьсө ми қыподім некымынёс. Сісі чери дукыс сэтшом зывоқ, быттың законы гудрасян, лоловны он вермы. Сетьястө черинас и ставнас лои, дерг, шыблавны берегө, кывтігөн по сотам найёс, косьмасны да, а Опоњёс нэм кежлө по вётла Мозын йылысь, мед и вётон оз аддзыв сэсся, дыр на видчис Райрыб. «А ме сийёс судо сета!»— көсйисис Лейтенант.

— А висьмис кө?— ог эски ми, мед ваюм куломъяс йылысь вундіс кыйсысь.— Мортыслы, гашкө, отсөг коло? Катамой ёдйоджык!— тэрмода ёргъяссо.

— Тодам ми Опоњёс. Горшыс, гашкө, «висьмис» да котортіс болгаръяс доро,— некызд оз бурмы съёломуыс Райрыблон.

— Ас кинам лайла ме сийёс!— Лейтенант оз жо ёвсы.

Опонь, кодос сізд видісны Райрыб да Лейтенант, ас керкаас эз вөв. Пыжсо волі домалома пыж кузяис жо куръяо. Керка пачыс көдзыд. Сідзкө, гортас эз нин вөв некымын лун. Опонь кыйсьомон жо оло. Тода ме тайо мортсө. Первой классо отлаын пыралім велодчыны. Но сий сэтчо и колис. Нөль классо помаліс сәк, кор ме сизимёдёс. Некытчо сэсся эз велодчыв. Вөр-ваын кыйсьомон и вердчис. Заготконторакод договорнад былдаоджык пистан вөрас-ваас. Со и кажитчома сылы тані, йоз син водзысь бокө. Судодз нин воліс браконьеритомсыс, но воис пукаланінсыс да сэтчо жо и кутчысис. Оз од куж мөд уджсө нокны.

Час-мод-кимод виччысылім ми Опоњёс, гашкө по воас на, но весьшоро, сізд и мододчим водзлань. А Райрыб гижодтор пызан вылас колис: он кө по усайысь пыр жо, дойда ыджеид штрапён. А тэрмасим си вөсна, коло волі вөодчыны по пемдитодзыс Кос вож вомодз. Водзын сомын сий оти керкаис и эм.

Пемдігас буретши и воим Кос вож вомо. Миян гортсиян татчодз лыдьёны сточ 300 верст. Пуяс косто дзебсьюма челядьлы ворсан чом кодь неыджеид керкатор. Керъясысь жо, дерг-а. Син пола кодь ёшиня и. Вадорас пыж гажтомуало. Сідзкө, и тані «чери кутшыя» постысьюмай.

Медводзын чомио пырис Лейтенант. Райрыб некор оз тэрмась сюйни юрсө шоныдін. Сылон синмыс вожа, воас вөр керка дорад да век мыйкө кыйодё-корсю, то сэтчо вежалас, то татчо нырсө сюйлас. Эм кө тані чери кыйысь, кутшомкө да пас коляс кыйсьом йывсыс. Сийёс и корсю век чери видзысь медыджеид инспектор көк ув му выланым, Удорааным.

Кор чомио пыри ми, Лейтенантлон киас волі нин ичот калибра винтовка. Узьлан лабич вылын юрсө ёшодомон пукаліс... райисполкомса юралыссо вежысь Сапожков, коді, кыдзи менем волі тодса, веськодліс районын вөр-ва видзан комиссиян, кывкутіс видз-му овмосон да вөр-ва вөсна төждысысьстав котырнас. Со, мися, кутшом йоз отсасьоны миян Райрыблы тышкасыны «чери кутшыяскод», татчодз весиг локтомуай. А миянлы оз и висьтав капитанным. Дерт, районса ыджеид чина морт эз вөв отнас. Сыкод орчон суаліс сылон шоперыс, кыз рушкуа Сысой Мить. Сысойыс сылон нимтысян ним. Шуас ёртыс, райкомса шопер, «лөк сисой»,

сідз и ляскысяс нэм кежлас. Весиг серамöдз овлö йöзён сетöм нимтö новлomyд. Вöзыйис яс öтчиd öти сиктын pöч машинаас: босыт pö менö, Митрей Сысöевич, нүöд районöдзыд. Орчöн суалысыяслы серам лöö, а шопер сідз дöзмас сійöс «ыджdöдомыс», оз и босыт тыртöм машинаас некодöс. Со öні тайö Сысöй Митьыс и суалis Лейтенант водзын да вензис сыкöд:

— Позяна кабалатö ми вермам босытны кор кöсъям,— шопер сёргнитis эз сöмын ас нимсяныс.— Да тэ тöдан, кодi тэ водзын пукалö? Зырымбель! Быдöнлы колö ыджыdö да джуджыdö пуксыны...

— Меным öткодь, кодi торкалö Законъяс,— Лейтенант быттьö эз и казяв сійöс чирыштöмсö, эз дöзмы Закон видзысьöс кывйöн увтыртöмьис.— Шуи конфискуйта, сідз и лоас. Ti со весиг онö тöдöй, кодлон тайö винтовкаис, непöштö...

— Кодлон, кодлон... Профсоюзлон... лыйсян кружоклон. Шуома, öшöд тувъяс, кöн öшалis!— шопер кöть мырддяс милиционер киысы малокалиберкасö, но мöдис кучкыштis ки лапöс дornас сылы чунь лутшьяас да öдöй тай эновтchis кыв шутöг.

— Сідзкö, петинныd пасö лыйсыны 300 верст сайö? Тайöс, дерт, позьö,— милиционерлон сёргниас тöдchis сералöm.— Тадз и гижам.— Лейтенант перийис бокас öшалысь планшетысь кабалатор, гижантор да пуксис кык пöвийис тувыйштöм пызан сайö. Улöс пыдди вöлi пес пекыль, векныыдик да дзирнясысь, эз лэдз прамöя гижны, и Лейтенант эновтchis.— Гёгöрвоой, ме ог вермы бöр сетны винтовкасö: некутшöм кабала, кодлон по сійö, тiян абу. Сідзкö, сійö некодлон. И тайö тшöктö меным, Закон видзысьлы, мырддыны тiянлысь винтовкасö, а сэсся корсыны, кодлон сійö...— И бара босытchis гижны.

— Винтовкаис менам,— вомсö восытis Зампред.

— И Тiян эм?..

— Абу... но ме верма петкöдлыны, воа да.

— И сэки, кыдзи нималана мортöс, Законъяс тöдисьöс, Тiянöс мыждасны чорыдджыка. Тайöс шуа ме, Закон петкöдлысь. Мый ti,— индiс кыкнаныс вылö,— торкаланныd чери кыян Правилöя, катомныd кыйсыны Заказникö, кывкутö миян райрыбинспектор...

— Тэ ачыд абу жö чуль-чалтöг вильыd,— сюйсис Сысöй Мить.— Миянöс кыйны али мый сöмын катiн?

— ...а мый тiян ружьеныd абу регистрирутöма,— быттьö эз и кывлы шоперöс, водзö лыддöдлiс-велöдiс олöма нин йöзöс том милиционер,— извинитöй, сійö нин милициялон удж. Та вöсна стöча мед вöлi: кодныdлон винтовкаис?

— Менам тай, мися,— выльöн на юрсö лэптis Зампред.— И некутшöм протокол гижны оз ков, лейтенант. Чайта, гёгöрвоин?

— А менам эштis нин, со кызвöй.— Лейтенант матöдiс кабаласö стенын öшалысь карасина семилинейной лампа дорö да пондiс лыддыны: сідзтö и сідз, сэктö и сэк, сэнтö и сэн, сiйötö и сiйö, милицияса лейтенант — ним, вич, ов,— конфискуйтö сылысштö и сылысь ичöt калибра винтовка си вöсна, мый сылон абуöс сiйöс видзöм вылö колана кабалаяс. Конфискуйтigöн вöлiны найötö и найö: миянöс да тшöтш и Сысöй Митьöс пасйöма.

— Кырымась, Фёдорович,— медводзöн мыччис ручкасö Райрыблы, кодi протоколсö гижигöн на сöмын и пырис да öнöдз дöска дорын учитель моз ветлöдлiс öдзöс дорсянь да пызан дорöдз: куим воськов сэтчö, куим воськов татчö. Но пельясыс вöлiны чошöс.

— Энлы, Лейтенант... энлы, мися, тэрмась... кхе, кхе. Ми, ачыд тёдан, тшыгось... да и узъны водан кад нин... узътёмөс ми... Асывнас нинём лоö казытывны, рытсо кё он аддзыв. Сідз, абу, муса пи?.. Кхе, кхе.

— Сідзкё, тэ, гижысь-сёртыс,— шыёдчис ме дорё Сельёв пи дўзмана горён. Сылы эз кажитчи Райрыблён сёрниыс. Казяліс, кёсйёны мырдьыны сылыс правояс. Тані оні сійё медся ыджыдыс!— милиционер. И сійё вёчас ассыс могсö. Тайё тёдчис сылон став вёрасас. Сетчыны эз кёсий. А мый понда и зурасисны кузь туй помын Райрыб да Лейтенант. Кутшомкё винтовка понда, малокалиберка понда, мый дзик на неважён новліс пошти быдён, коды эз вёв дыш, мед сёмын ньобныс деньгаыд вёлі. Колана кабала сы вылё милиция сетіс ёна юасытёг. Но коркё, тыдалё, казялісны жо кодъяскö, бырё пёткаыс вёрссыс, торъя нин тар, и дзик малокалиберка вёсна. Пукалё кызд пу вылын тар кельёб да ёттыён-ёттыён көть ставсö котшкод, бура кё лыян, мукёдыс оз и лэбзыны. А прёбүйт вёралан пищальён матёдчыны на дорё, оз ёд виччысыны лыян метьёдз. Бёр босъталісны милицияю миянлыш винтовкаяс, эз весиг вештыны донсö. Но ми, сиктса войтыр, век тёдім, кодъяскö лыйсьёны ёнёдз. На пёвстын, дерт, районон веськёдьыссыяс. И некоді найёс некор эз тшапкыв киодныс. А кодкё кё «вунёдліс», коді веськавліс Закон видзыс киё, чина морт ваясь петліс косён. Сы вёсна ме и лэдзыси йойё:

— Районса юралысса войтыр тёдö, мый вёчö, кутшом ми найёс велёдьыссыяс,— шусис менам.

— Закон водзын ёткодьось и юралысса, и куралысса!— Лейтенант сідз видзёдліс ме вылё, голёснас ыркнитіс да, быттьё ме и эм мыжаяс.

— Но, но, лейтенант, вывті эн мёд, пёнимайтан кё...— доймис, тыдалё, и шопер, начальниксö дорыйны эз дугды нин.— Лои мёдёдчома тэрмасьомён, со и эг удитёй пыравны начальникид дорё... пёнимайтан кё...

— Нинём ме ог кёсий пёнимайтны. Тэ со и гижсян актас, кызд свидетель,— мыччис кабаласо Сысой Митьлы Лейтенант.

— Важён нин кёсий да мыйкё дыр нин эн во,— шпынъмунис Сысой Мить да пукис жо лабичё, видзёдліс Райрыб вылё да, тыдалё, казяліс: сійё керкаас кёзяйныс, а сы водзын сулалё дона гөсyt, бёр чеччис, тшапаліс көрт пач вылыс пузъодчан чайник да уйкнитіс-петіс ывлАО.

Чёв усьём чом пытшкёссо пельёс-пельёсёдз эз нин вермы югъёдны весиг стеклода карасин лампайс. Арся ывлайыс удитома нин куньны синъяссö, юр тёрмён ёшины быттьё қажитчис юланьё пемыд розъён. Чөвлуныс волі сэтшом мустём, быттьё быд боксянъ жмитіс морёс күдтö. Менем эз понды тырмыны сынёдыс, да ме петі жо ывлАО. Ме бёрся сёрсъён-бёрсъён гузъысисны и мукёдыс. Сэні трачкёдчыссы бипур дорын позис на мыйкё аддзыны, көтү дзик орччон сулалысса пашкыр коз пүяс тупкиснырытъя югъёдьысса вортасас колыштём югорсö да съод сатинён моз гёгөрыс ёшаліс пемыд. Тайё пемыдас и пырис винтовкай киас милицияса лейтенант. Здук мысти нин петіс сэтысса да пукис жо би дорё, пуксигас вашнитіс менам пельё: «Дзеби. Мый вылё ме татчö локті? Милиционер ме али абу?». Воча кыв пыдди ме и кори сійёс пуксыны орчча, веськылладорам. Шуйгаладорам пукаліс Зампред. Сійё и юаліс менсым реғыд:

— Кывлі, карё мёдёдчан овны?

— Корёны тай. Мунны ковмас,— ме и збыль вёлі лёсьёдча сэтчо семьянам мунны. Корё карса редактор асьсо вежысьёс пыдди.

— Мунан, керкатö вузалан, и тэ — киысь кералём чунь. Некор нин татчо бёр он во,— ыджауда ышловзис Зампред, быттьё жалитис менё.

— Ме некор керкаös ог вузав некодлы, ни Удораös мёд му вылö ог веж!— мыйлакö, дöзми ме да весиг сувтлі, но пукси бёр, казялі, колö шуны мыйкö талы мортыслы и шуалі:

— Сöмын тиян кодыслён аслас пельös абу и оз ло некор, тi — «варягъяс», кёвъяланның-ветлöдланның районысы районö, сиктысь сиктö, карысь карö, вöчны ыджаудтор он күжöй, а юрнүöдланның, веськöдланның, мыйён сöмын и тшöктасны вывсянъ: талун — совхозён, аски — леспромхозён...— менё быттьё кодкö пычкис, петö и петö сьёлём дойысь чёжсöм орыс, разъсё и разъсё кывиö менам. Унатор висьталі...

— А ме нö мый,— эз петкöдлы некутшом дöзмөм тайö «варягъис», кöть и казяліс менсыым сукмөм вирös, кор сэсся лёни.— Ачым Емва вылысь,— быттьё мойд панис нориника, ас йывсыыс пондiс висьставны.— Вöр-ваыс миян... тайö жö вör-ваыс. Чимиыд катö и. Гашкö, и озырджык да мичаджык на. Велöдчи карын да ас сиктö локтi. Агрономён. Кöсий бергöдны мусö-васö, лёсьёдны чужан сиктаным ичöтик рай кодбöс. Томён на и бöрийисны колхозö юралыссын. Кымын узьтöм вой колис, сöмын ачым тöда. Та вöсна весиг сёрён нин и семьяös лёсьёдi. Партияд пыри да, бура уджала да, колхозö менам медбуръяс лыдын да, быд боксянъ аддзёны: гöрд пызан саяд йöз син водзö пуксöёдёны, ордентö ляскöны морёсö... Быттьё дасытисны гортысь нетшыштны дiнён и вужйон. А сэсся и пондiсны... Корасны райкомö: мунны по тэнiң ковмас орчча колхоз кыпöдны. Он мун, уджtöм колян. Öтилаын, мёддаын... Коймёдас дыркодь олi, керка аслым зымнитi. Черыд öшиö жö менам киясад. Том на öд вёлi. Но ни керка, ни карта эз кутны. Чиган доддын моз сиктысь сиктö и ковмис кысмасыны. А сэсся öтүйтисны став орчча сиктъяссö öти колхозö да шуисны: юрав! А недыр мысти и совхозö вуджöдiсны колхознымöс. Нöшта на сиктъяс содтисны, киссöм колхозъяс, дасысь унджык лоис. Уджdon абу омоль. Шоныd нужника патера лои медводдзысь. Челядь велöдчöны öти и сiё жö школалын коймёд во. Депутатö бöрийисны Москваö, обкомса членö. Мый сэсся колö? Со, мися, выльён на меным олöмыс воссöю: и сиктса йöзыс пыдди пуктöны, и обкомса секретарь киён мекöд видзакайтчö... А корисны öтчыд обкомö да и шубöны: «Удораö колö мунны. Сэнi киссö видз-му овмös, колö кыпöдны, а некодлы». Ог, мися, мун... Билетös пуктi пызан выланыс... Гортö вои, быттьё нöйтöм. Гötтöр повзис... Аскинас ачыс Первой локтöма, патераö пырис, билетös пызан вылö жö... Тайён по оз шыбласыны, ачыд шыбельö колян... И со, ме танi. Чайта, татчо нин и дзебасны...

Жаль лои мортыс. Абу и овлöма аслас вöля серти. «Эк, тэ, пешка!»— кöсъя на солалыштны дойсö Зампредлышь да ачым ас йылысь мёвпыштi. Абу нö пешка жö ме? Эз мырдöн сюйны гю вöйöм культура керкаö директорён том мортöс? Эськö эг на и вöв партиеч да. Да и газет удж вылас ачыс жö райкомса секретарыс пöшти ки пöллöдö вайöдiс. Кужан по тижны, сiдзкö и уджав районлы пöльза вылö. Ми сöмын пешкаяс... Со кöть Райрыбös босьтам: кымын во челядьöс велöдiс, висьмис да оз шоныдiнысь удж сетны,

а көдзыц төв йылө, кизьёр ва вылө. А сылы эськө курортö быдво, кыдзи райкомса уджалысыас ветлөны... Да, пешкаяс и эм ми, пешкаяс, көтү и партиечясын жё лыддысыям... Сідз жё и тайё «варягыс». Ветымыныс на, а быттю поль нин, юрсиыс еджыд, чужомыс чукрассыма кос тшак моз... Весиг Лейтенантты жаль лобома Зампредыд. Сійё од кызвіс жё сійос. Асывнас сеңіс винтовкасö бёр. Воам по горто да сәні аддзысыам. Со кыдзи на овлө, кор нормом съоломтö ректан медводдза паныдастысылы. А, гашкө, милиционерлы и мёттор на мёрччис: ыджақаслы паныц сула-ломыц некор на некодлы бурсо эз вайлы. Сюркняліс пеляс дай...

Асывнас Зампред да Сысой Мить кыттісны. Но Кос ю вомён помасис водзö мунан туйыс и миян. Моторон катны водзö он лыб. А зіб помыс верст дас, кыдзи тані шубоны, кык чомкост, катны эз көсісь збой Лейтенант. Сідзкө, менам татчодз катломой да сы мында лун бовъяломой лоис волосьтö петалом кодьон. Райрыб вёчис ассыс удж, Лейтенантты мойвиис жё туй помас портны олому милиционерлыс могсо, а ме... Менем коли сомын гижны мый аддзыл. А Кос ю вом сайын лолаліс Тиманлон Чотлас чульк. Конкө сылон пöttшва дорын матын и сула-пёрсө «менам» коз пүй, код горулын 300 во сайын узъомаёс Макар да Марья. Чотлас чульк, гашкө, и сулалас на нёшта 300 во, но коз пу оз нин. Оз коль и налон пасиёдныс, мый збыль найё воліны сәні, узисны...

Ми узим шоныц керкаын, ыджақад чина «чери кутшкод» орчён. Некутшом протокол Райрыб, дерг, эз гиж, көтү пыжё найё сөйтісны чери тыра некымын бак.

Нином он вёч. Кытчос йёткыс им и ми. Медводз, лэптім төрттүйт вайталом сетьяс.

— Ми оні асыным «чери кутшъяс», — шуа ме, кор некымын кебөс да ком пондісны вегляссыны пыж нырын. Но Райрыблы тайё эз кажитчи:

— Рыбинспекторлы позьё неуна кыйыштны, — вомаліс сійօ менсым китшкөмөс, — весиг чими чери: ёти-кө, сёйом вылө, мёт-кө, төдмалом могыс, эм-ё чериыс ваас, кульманінъясас, уна-ё пёккис.

Куломъяс кийём борын миян лои төдмалома: чериыс кульмана йиръясын пёшти абу. А чими чери абу кольёма и ёти, мед веськавны райрыбинспекторлён пурт уло, мед лыддыны, уна-ё пёктусь тавося кульмыс чими черилон. Лои чөвталома куломъяссо мукод йиръяссо. Но и сэнъясын аскинас тыдовтчис сэтшом жё серпас.

— Оз вермы лоны, мед кыйисны ставсё, — оз эскы Райрыб йёзлес мыйрдьом куломъяслы. — Коло ас синмён видзодлыны. Энё полой, черитог ми ог кольёй. Чайта, Опоньлон конкө дзебасын кыбан-завод выйим. — Пажын кадыс буретш суси сылон керка дорын. Корсисны да аддисны од Райрыб да Лейтенант кыбан «коза» да азьлас, боръяыс весиг кык на. Ягыс корсим сира кос пожом, кык воропа пилаён пёрдім да тшытшлім метра джын кузьта кымын пекильяс вылө, поткодлім да тэчим пыж. Пыж ныро биасим. Петім ва вылө. Ме пыж бёжын кык лопта пелысөн сомын веськода, а найё кыкён, пыж ётар-мётар бокас кузь зібъяс помё тувъялом азъласъясон видзодёны ва пыдосо. Пыж гёгрөныс юғыдсыс-юғыд, метра кык судта ваясъ быд из торыйс чурвидзё. Но и тшыныс сира пожом пескыдлон. Кор толыс паныц, синъястё куньны ковмё... Некымын ком да налим кыбисны кыйсян одо пыром чери видзысъяс. Аддзыломаёс ёти чими чери да сійօ

асынысö «кыйома». Чимиыд оз сувал ваас ком, сир либö налим моз. Вирдалö югыд би улын. Бытшыны сийös ыджыд и кужанлун колö. Кöть Лейтенант, кызды меным қажитчис, и сюсö морт, но и сийös нютыштöма\* чими чериыд, абу удитöма мортыд бытшыны. Вензыштисны кык ёрт, кодныс мыжка таысь, да тайён и помассис войыс.

— Вомдзалаомаöсь миянös «чери кутшъяс», — шоғо усьёма Лейтенант.

— Нином, ёртъяс, энö полой, черитöм огö кольой, — öзтö водзö вылö шоғо усьытöм Райрыб.

«Мый шуас гöтыр? — морöс пытшкös гыжъялö жö кодкö. — Мозын йылын-ö тi волинныд? — юалас, мудера куныыртлас син пöвсö да. Оз мой тöд, пыж тырён кылодöны черисö сэтысь, асыныс «рыбъясыс» и. Быдöн на пиысь ыджыд пыжён сэтчö катö да тыртöмён некодi оз кывт бöр. Тöвбыд кежлö чери кылодас. Эз нин öти на пиысь шедлы «прöверка» киö. Унакöд та вöсна и торйöдчыны ковмылс Райрыблы. Но мый вöчан, ставсö öд он вöтлы удж вывсыс. А нянь дорын уджалысь, шулöны, няньтöг оз ов. Сiдз артмö и танi. Да и удждоныс чери видзан контораас уджалыссяслöн абу мужик мортлы семья вердмён. Черис жö и пыкдys. Сы вöсна и Райрыб, тыдалö, век гажа син-пеля, киргана сёрнинас малалö миянös:

— Черитöг ог кольой, эн полой... Ставсö эз на кыйны... Мича Ичмоня йирын эм на гöрдьд...

Но и Мича Ичмоня йиряясьысь гöрд чери миян кулёмъясö эз öши. Кыбан-завöд кытчöк бара дзебисны, а узымöдчыны пондим да Райрыб öлдiс: «Висьтала, мыйла шуёны Мича Ичмоняён». Быттöкö ми ог тöдöй.

А узымöдчим зэв тшötшкös да югыд яг нöрысö, коркö геологъясöн тэчлüm керкаторий. Майдыс вöлi татшöм.

Коркö-некоркö, зэв нин важён, некодi нин оз помнит, корджык, Мозын ю кузя пышийомаöсь йöз. Гашкö, найö, кодъясöс шуёны чудьясöн да кодъяс дзебисны Степан Крапыс, гашкö, бöрынджык Алексей сарён скоморокъясöс бырдигён да Никон Патриархкöд вичко юкигён, гашкö, таысь на водз, новгородса öксияслöн-ö, скандинавияса ушкуйникъяслöн-ö (еджыд ош куысь вурöм пыжъясöн локтысьяс), али нöшта на кутшöмкö «урочъяслöн» (тадзи шуёны бокысь воём йöзöс карельяс) татчö зырсöмьс, но йöз пышийомаöсь и кольомаöсь ас йывсыныс пасъяс. На пиысь öтиöс, гашкö, и кöйылi ме аддзывны Мозын йылö тайö катлiгён, ог тöд. Но пышийыссяс вöлöмäöсь. Татшöм öти котырён юрнуöдöма Мича Ичмонь, код киын и вöлöма тайö йöзыслöн став озыргуныс: зарни да дона изъяс. Но Мича Ичмоныд доймома-ö öти тышын, висьмома-ö тöдтöм висьмöн, бурдöдны абу вермомаöсь, да дзебомаöсь тайö гулыд пожома яг вылас. А сыкöд тшötш по гуаломаöсь и котырлыс став озыргуныс. Висьталоны, став котырыс та бöрын гуё жö пырёма.

Уна ва кывтис сийö кадсянь. Но öнöдз на татчö волыссяс пöвстись унаён корсысылöны тайö озыргуныс. Волисны и учёной-этнографъяс. Аддзомаöсь йöзлön оланiнъяслыс колясъяс, кöлүйтторъяс. Но ыджыд озыргун оз аддзыны по и геологъяс, кодъяс быдсяма аппаратнас «видбöдасны» му пыр. Быдсяма кöрт трубаяс колялomаöсь яг тырыс, сöмын помыс тыдалö. А öти трубаис петö

\* Нютыштöма — фига; нютыштöм — петкöдлöма фига.

лоз ва. Тайёс ми асынм адзылім. Китё кө мыськан тайё ванас, кучик вылад мёд «кучик» быдмас. Ваыс косьмас да тэ быттьёк пырыс тыдалана кучик кепысь сюйомыд киад. А юыслы лёксой тайё «кепысь вёчыс вавыс» по нином оз вёч. Тадзи висыталіс ачыс Райрыб. От тёд, збыль-ё сийё, но меным, мыйлакё, оз эскыссы. Ме весиг киёс эг лысът «кепысявны» тайё ванас. А кык ёрт менам весиг мыссисны сийён. Гебийс по оз коть претшки. Шонёдіс, буретш, да ригтъяснас гебийд ёнакодъ на и дозмодчис.

Сідз по и онодз на куйлоны тайё дона изъясыс му пытшкын.

Гашкё, сідз и эм. Лөнъ на талун Мозын йылын. Но быдёнлы нин тёдса, кутшом гырысь озыргунъяс дзебсясъёны сылон гырк пытшкын: зарнизд и алмазыд, лименъ руда — бокситыд, и марганецыд, и, дерт, кёнкё, нефть, мусир, а гашкё, и мусыслон вирыс да. Уна экспедиция воліс сийёс корсыны. И ставыс «секретын». Но мый эм тані мусирыс, сийёс дзебны йоз пельсь эз вермыны. Уна-ё, сийё мёд сёрни. Воас кад, тёдмалам.

— Но, а асыссо Мича Ичмоньссо и оні на йозыс адзывлёны, — помаліс ассыс мойдсö Райрыб.

— К-кыздзи... адзылённы? — тыдало, личкис нин менё унмой да, гашкё, мися эг гётгрво ме майдысьсё, юалі.

— Сідз и адзылённы, ловъяос моз. Ортсо, дерт, — кха, кха, то ли кызоктіс, то ли сероктіс менам чуймом вылёт Райрыб. — Но узбей нин. Коло пемыднас на чечыны тавой... Ми адзысьлам на сыкод...

— Мича Ичмоньсқод? — абу жё на унмовсюма Лейтенант.

— Мортыскод, коді адзысыльма сыкод... Кык час од коли узны, ёртъяс. Витын чеччам. Петалі тай да тюксей лэбом кывлі: тюк, тюк. Коло шойчыштны. Найё кывтчёс лэбисны...

Эз кё тырны миян чери дозмукъяс, эз съектаммыны ёна и пётка мешокъяс. Дерт, кызд шуласны, «вирсляім» нин, катіғон лыйим некымын чојж, да кык электрик миян дырий лыйисны чукчи да миян пыжё шыбитісны, гөснеч по. Капитанным сийёс эз косод, а миян нё мый, ми абу көзянъяс. Видзёдысьяс сомын. Виччысим «тюксей усьём». Тайё чоҗыс оти и сийё жё кадо локто лунвылыс и мунё сэтчо: тулысын Микола праздник асылө медводдза кельбюяс тюксыны пондасны ва вылын, арнас — Звиженньё асылө, Крест лунён на шуоны Енлы эскысъяс тайё праздникиссо. Буретш аски и вёлі тайё луныс. Тюксей «усьё» веңджык омоль поводя дырий, кор зэр либо лым, тёла. Но овлё и, торйон нин тулысын, жар шондіа лунё. А овлёны и сэтшом тулыс-аръяс, синнад он адзыив тюксейссо, либо одва сомын адзылан лэбомссо. Тюксей кызызын туйсё лэбб дас километр вылнаті, вермас лэбны водзё тэнад сикт дорё ләччывтог. Со мый вёсна унаён ветлёны сикт дорысь ылоджык да олёны ю либо вад дорын некымын лунён сийёс виччысигмоз. Небыд да шоныд вольпассыд да нёшта гёттер боксыд съокыд чечыны ывлана выв югдігас. А чоҗыс сийё сомын сэки и пуксылө ваас: Коть и овлё быд ногыс, весиг лун шорын шыбитчас ваас кельбюис. Мойвиліс адзыывны татшомтор. Состом лозоват енэжыссь одва-одва кылыштот: тюк-тюк... Нином оз тыдав. Сэсся мыччыссь съод чут. Сийё век ыдждё, тюк-тюкыс век гораммё и тэ адзан нин, кыздзи сё, а гашкё, и унджык лыда тюксей кельб вёчёны ыджыд шумён кытшов да бузгысъёны ваё. Тэнад коть съоломыд тарзьё, найёс оні кожодны оз ков, кытчодз оз «көдзавны». Повзбодін — сэсся он адзыив, бёр каясны енэж иираз.

Найё, тыдалё, абу на сэтшом мудзось, кыдзи миянлы кажитчö.

Важён тайё чёжыс волі — съод кымёр. Вермис лэбны некымын лун кельёб бёрся кельёб. Бёрья кадё кык-куим, а то и ёти асыв петкёдчылас, он удит, сэсся и бёжсо он аддзыв. «Кос» чёж моз — горда, жыдач, сювчёж, вөзь, көрөг — тюксей, а сыкёд тшотш и кутлас да ватар, оз кольччы миян ваясö позысыны, лэбё Войсарицса диясадз. Яйыс тайё чёжыслён, торъя нин тулысын, зэв госа да мукёдьыс весиг оз сёйны сийос. Но арся чёжыд пияндыхык, абужык сыла да чёсқыдджык. Да и йойдхык быттьёко сэки да вермас уна веськавны кыйысы-лыйысылы. Шуам, лэбигас кё ляян кельёбас да усяс инь ныршикыс, то бёрсяныс став кельёбыс шыбитчас сы бёрся ва вылас. Ляяс налы пищаля морт, найё лэбзыбыласны, но бара локтасны сэтчö, кытчö усис наён ныршикыс. Овлё сїз, мый татшом кельёбась лунвылö оз лэб сэсся ни ёти бордяя. Пищаля морт этш оз тёд ни потёслун. Некутшом кадё оз овлы ю вылын «тажаджык», кыдзи тюксей локтigён: водз асывнас быттьё биа-тшына кось мунё ва вылын.

Казялi, Райрыб абу нин сэтшом бур лыйысысь, кыдз вузалiс асысö миян мёдигён на пыжё пуксигён. «Свинечён кёдзё ю пыдёссö», — тадзи донъялiс сылысь лыйсян кужанлунсö Лейтенант. Ачыс, дерт, сюсъджык волёма, кыдзи ме чайтi, кор лыйис чери кутшилы, но «лыйис» сы пыдди кебёс чери. Но и сылон «автоматыс» унасыж жё сынёдсö сёмын розявлiс, гашкё, пищальыс эз вёв аслас да, сы вёсна. Аслад, шүёны, и бипурын гармёдчан бедь бурджыка лыйё. Менам пищальёй дзик на пошти выль да эг жё на си дорё велав, тёдмавтём ань моз оз жё на волі кывзысь. Ляям, ляям куимнанным, а усьё кё лэбзысыс кодкё. ёти ли кык сёмын. А ляям со кыдзи: Лейтенант удитас лэдзны «автоматыс» кык-куим зарад, а то и витнансö на, лэбись кельёбсö кё водзджык казялам, Райрыблон кыкнан стволсыс ыпнитлас би ньёв. А ме удита сёмын ётикыс пезьгёдны. Ичётсян велалома ёти дулёба пищальён ноксыны. Ньёби со неважён кыкаös да век ётиссыс сёмын личка курок кывсö. Некыдз ог велав сьёрсён-бёрсён кыкнансыс дізь-дузь вочны. Но тайё мукёддырийыс и отсало на. Лэбись чёж, ляям да, усьё оз век кулёмён нин, он кё удит мёдись лыйны, вермас сунны ваас да и воштысыны. Трукав чёжыд, торйён нин тюксей, зэв на и вилав, ёти берегас сунас, мёд берегас петас. А кольны трукавитчом чёжёс виттёг оз позь. Тайё лыйысысь-кыйысыслён гижтём закон. Аддзан, усис чёжыс да эз гатшмун, а гоннялё на юрыс, со и мёд дулётö пымтылан.

Райрыб шүё меным: «Тэ жалитан патронъястö». А Лейтенантлон ме выло мёд видзёдлас: «Газетö сёртысылён сёр зажиганнё».

Кутшом эм. Чёжыс тай менам лыйомыс усьё жё-а. Пищальнад нокся ме арёс дассянь кымын. Пищальыс на ас кузяё, а лыйся нин. И некодi эз шулы, оз позь ли, ог вермы ли. А онi дёжналоны. Мед кок коласыд гёнсялiс нин, мед депутатос нин вермин бёйыны, кодi ачыс дышалё вёррас-ва вылас петавны да си вёсна и гижё сэтшом законъяссö. «Пищальсыны, вины ловъяös — абу гижись мортлон удж», — шүё меным и менам главной редактор, но сийё ачыс и вуграсыны оз куж, кык пожём костё вошас да вёррас оз кайлы весиг йёзкёд. А, гашкё и, дышсыс сёмын. Сэтшом сёрниястö ме пель сайтi лэдза. Овны Коми пармалын — да кыйысыттёг? Мед, кодлы колё, котралёны трусиk кежись лыа вывтi да паркёд, а ме пищальён пельпом вылын ассым топавлём лолёс пальёда.

Менё бара пуксьёдісны пыж бёжё, ми по пыллям зарадъяс, а тә сөмын бёжав, эн и лыйсы, мед миянлыс юръяснымёс чёж пызды эн чиллётт. Но, кыдзи аддзи ва вылыс мәдводдза гогъялыс чёж юръяс, ёртъяслон юръяс йылыс вуноді нин, чабырті пишальёс. А чёжъяс пукалісны ылын на, кызы кымынён, ю шёрас. Моторос личоді медся ичёт од вылас да веськоді пыжёс мёдлапов ласталань, лэбзясны кё, буретш миянлы боквыв, төв паныц. Но лэбзисны найё став правило торкөмён, водзвыв, дыркодь на бордъянсаныс васо куралісны. Лэбзиганыс и гымакыліс вит кымын лыян шы. Но некоді эз усь. И мыйла сөмын тэрмасьоны лыйысья? Чайтёны, сё метра сайыс уськодны чёжёс дробя пищалыс? Али ловныс сөмын на кёдзёдёны выль кельбяяс паныдавтодз? И сэки ме аддзи: век жё кольёма ѳти, уйё водзлань, трукавитчома, тыдалё. Кык ёрт эз на удитны дулояссо сюявны выль зарадъяс, а чёжыд, видзода, лэбзис нин, но эз съекта, кыдзи мукодыс водзвылас, а зэв кокниа качис. Сідзкё, абу трукав. Сэки и косьбті ме, буретш ва веркёсас на кор волі лэбзысыс. Вылоджык кё качас, вёрыслон пемыц вуджёрас вошас. Асылыс на сөмын волі югдыссо. Ставыс тыдаліс валён рёмпöштан югор улын сөмын. Чёж шнёпкысис ваё. Матоді пыжёс вавын бовъялыс съод ёкмыль доро сыладор бокнас, кён пукаліс Лейтенант. Сійо тэрыба тшапнитіс вавыс, а ме кусоді моторос. Ме нин казялі, мый тайё эз вёв тюксей. Но мый?

Лейтенант дыркодь бергёдліс шедём пёткассо киас да чуймомпрысыс весиг пернапасасис:

— Чур, чур! Пу крест! Му вежандыр кё нин воис-а? Съод каля! — шуаліс серам сорён да сетіс кыйдоссо Райрыблы. Сійо сізд жо бергёдліс киас шедёмторссо да шыбитіс меным:

— Ачыд тёдмав, мый лыйин.

Тайё и збыль волі каля, калля, кыдзи миянын шүёны. Съод са кодь. Татшомторссо ме некор эг аддзыв да эг и кывлы, мед каля волі съод. Да мыйлакё на и тюксей кельбяын. Менам весиг съёлёмой сувтліс: «Съод каля!?» Тайё, дерт жё, неминучча водзё. Көть быттыё и ог эскы ме Енлы ни Васалы-Вёрсалы, но деливё лои лов вылын. Көть мый шу, а ми, коми йоз, 600 во сайын Кристос верао пыромаяс, век на неуна эскам сідз, кыдз волі Степан Краподз, Перымса мәдводдза поподз: ми полам вомидзыс, тшыкодомыс, туналомыс, смилитомыс, ассыным оланпас вежомыс... Көмаси кё шуйга коксянь, ковмис кё мыйлакё косавны бёр туй выло мёддочигон, эг кё чоломас вёр керкакод сэтчо узымодчигон, керкаыс Олысяссо кё эг бурод — пов, неминучча суас. «Родительяссо» сизимод кёленаодз казытылан гортсынд быд петігөн, мед тэнё видзасны Омольыс. А сійо од и вавын, и вёрын олө. Сөмын на төрт Мича Ичмонь йылыс казытылім, а сылон од съёломуыс тунлон, байтоны, коді оз кажитчи сылы, вермас и тшыкодны. Абу нин ме гоңтом съюла, аслам ныв-пиян быдмёны, а съёломуам пырис кутшомкё съод мёвп да некыдз оз көсій петны. Талун од Крест лун. А менё бать-мам абу пыртёмаоис, бать удитома коммунисто пырны Ленинлон призыв дырии. Менам чужом водзвылын удитомаоис нин жугодны сиктыс вичко да нуодомаоис кытчок попсо; меным и пернапасыд оз отсав.

Съод каляоис ми весиг шыбитны полім. Колё жо тёдмавны, коді да мый тайё татшомыс, кодкё од тёдас жё. Челядь дырии на ме чёж лыйи да эг жё гоғорво, чёж али абу тайё, сэтшом сійо волі

мисытём. А претшыс\* быттьё нёль пельёса кык пу тув мыч-чысыомаёс син горувсяныс. Но вайи жё гортё да бать висьталіс, рочон по талён нимыс поганка, сейны оз туй, а комиён по и нимыс абу, вывті гежёда татчо волывлö. Кодко ёд тёдас жё мыйкё съёд каля йылысь...

И сэки ме аддзи дозмёрös. Тайё вёлі съёд лов, чукчи. Сийё пукаліс дзик вадорас суалысь ния пу йылын. Синмалісны и ёртъяс, пищальяс дасытісны. Шамырті пищальös и ме. Кывтам буретш тайё ния горувтыйс. Быдён быттьё кынним-пукалам. А ния пүис ой-ой джуджыц! Метр сизимдас. Дробийц татчо оз во, а картечён патрон вежны некоді эз нин удит. Со нин ния улын ми лоимё. И друг ставён оттшотш: гым, гым, гым! Чукчи крипа-крапаён, кос чальяс чеглаломён шнёпкысис му вылö. Ме тшукоді пыж нырсö изъя ластаö, Лейтенант чеччыштіс пыжысь да саяліс вадор бадь пёвстö. И вошиc. Ләччис пыжысь и Райрыб. И сийё кыв ни джын. Удиті нин куритны кык папирос, кор кёнкө ылынкодь вёрас грымкнитіс лыйём шы. Удиті сотны коймёдös, кор петісны вадорё менам ёртъяс. Лейтенант юрёдys кутіс пельпомас шыбитём чукчиös. Ме ләччи жё пыжысь, видзёддыны. Тайё эз вёв вийёр, тайё вёлі пöрысь-пöрысь чукчи, ыджыцсыс-ыджыц, öти киыц эз судз шамыртны сылісö.

— Килё даса кымын,— дивуйтчис жё Райрыб.

— Пудъя кё-а,— эз сетчы Лейтенант.— Локті пу горулö, а абу. Видзёда, пышё. Ме сы бёрся. Мися, кута, гашкё, но кысъ босытан, кокъясыс дзоңбөс. И лыйны нин ылын, и вошлась турун пёвстас. Горш курдны пондіс. Но, мися, пышъяс, пётрусыц. А сийё пöром пу вылö кайис, ме и лöсүшті. Вёлёмкё, ваё абу кёсйома кевны, пос аддзома,— Лейтенант вёлі шуда, Райрыб гажмёма жё. Весиг вунёдісны ошиысыны, кодлон пищальыс «босытіс» та ылнасыс; дерт жё, быдён эскис: сöмын сылон дроб тусяясьись воöдчиниси ния йылодз да дойдісни пёткалысь бордсö.

Кывтам водзö. «Лёк мёвп сёё сёлёмös,— шуа аслым,— а со, кутшом ён лов пыжын куйлö. Сідзкё, ставыс бур. А тэ гудралан юртö нином абусысы, корсян мог лёкёдны асътö, нормёдны сёлёмтö»,— вида ме ачымös съёд мёвпъясысь: быттьё зурасям ми кывтігөн изйö ли, пöрам ли мыйысъкø ваас. Эз мёй нин отчыд вёвлы, кор этша узъомсыс куньсяс синмыц моторлон зынгём шы улын, а пыжыс ёд ньёв моз лэбё косъкъяс вывтыйс, берегыс быттьё торпеда уйё боктыц... Но пöрысь чукчи, съёд лов, кыдзи миянын шуёны, вежис мёвпъясöс.

Кутшом повтёмös вёлёмайс коми ѹз, кор нырщикаломаёс роч служивой котыръяслы писькодчыны Сибырё вörяястї, ваястї, нюръястї му помёдзыс, Чукоткаöдз. Быттьёкё и нимсо на сетомаёс сэтчöс олысысы и: чукчи. Съёдös по, чукчи кодьось да. Асынысö ёд сэтчöс олысысы оз чукчиён шу, ми по луороветланъяс. Кутшом нё по ти «ветланъяс», чукчияс ти, «репасын» узъланныц и, ковмас кё. Тадзи по и сибдома дзоң народаы, коть и ичотикилы, чукчи ним. Вермас лоны, вермас. Эска ме талы. Весиг Аляскын Ном нима кар эм. Вывті, тыдалö, номийось вёлёма, кор сэні коми нырщикъяс оломуёс-вёломуёс. Шуёны жё миянос рочьяс зырянь-ясон. А мыйла шуёны, оні и асыныс оз тёдны. Жуглоны юрнысö наукалён докторъяс да кандидатъяс, гашкё, кымын юр нин таысъ

\* Претш — чёж ныр.

потіс, а öти кылö оз и воны. Зыр да сыр, сур да сир — вайöдöны кыvvуж пыдди, кытысь по артмома нимыс дзоңи народлон. А, гашкö, оз и ков некытгыс корсыны? Шуёны жо Японияны олысъйёзös «астя кыа йёзён»? Кор медводдза рочъяс локтисны рытыввывсянъ асывланьё, сэтчоc олысъсö пондисны шуны «чудь»— чужие, чудаки; оз кужны на ног сёрнитны да. Воисны Пармаын олысъяс дорö — пермяне. Казялісны, мый Перымён (Пармаён) мусыс помассьё, а пансъёны из гёраяс, найёс сёронджык Уралон пондисны шуны, кысянъ и петё Шондыйс, му вывсысъ став олёмсö ловзвьёдысъис, йёзсö и пондисны шуны «зорянаён», асывлын, астья кыа дорын олысъясён. Енэжвывса медся югыд кодзулыс, астья кодзулыс, кодёс Малой да Белой Русын шуисны Зырянкаён, Зыркаён, и сетис мёд нимсö коми войтырлы: зоряна, зыряна... И некутшом сирианеись эз артмы тайё нимыс, кыдзи лыдьё сариць сайын олысъёти велёдчом морт. Коми йёз по сир чери радейтёны сёйны да сы вёсна по сириане. Оз, вёлём, тёд тайё велёдчом мортис, мый коми йёзыс сы вёсна и ком ми, мый налён медся радейтана чериыс ком чери, морт чери, мёд ногён кё. И, дерт жо. Кама ю вёлёма Кома ю, а сы гёгёрын олысъыслон мусыс Ком му, кён и олісны уна во чёж ком йёз. Но сы вёсна, мый вёліны вёралысъясён, кужисны ветлыны пемыд вёръясті да ва-нюръясті, найё разалісны ю йывъясъянь сарицьдоз. И кор нин роч йёзлы ковмис вуджны Урал-Из да габыргны ас кио сы сайдыс выль муяс, найё босъталісны служивой «казакö» нырщикавны зырянаос. На пёвстын вёлі и ачыс Ермак. Ер Мак, тадз шуисны сийёс ёртъясыс. Мамыс сылён, Ер Инь, верёсис кулём бёрын овмёдчис сылён угоддьёсё, мыйис и коли юыслон Еринь нимыс. Сийё усьё Эжва юё, сы вомё и пуксис бёрынджык «Еринь городок», кыдзи гижёма важ книгаясын, оні шусьё Яренскён, лоёма рочён да. Со мый вёсна Ермаклыс олём туялысъяс онёдз оз аддзыны сыйыс чужанінсö. Степан Краплон шыпасъясён гижёдьяссö вёлі ѡд бырёдома сийё жо Строгановыслон индёд серти, коди и медаліс Ер Максö да сыйыс «казакъяссö», а выльысъ воисны Коми мүö гижысъ-сёртысъясыс сёмын 1585 воын, ме шуа, Еринь ю вомас, кор Ермак кувсис нин Сибырын.

Со татшом мёвпъяс менё йирисаны пыж бёжын пукалігён да дзикёдз бырёдісны юрысъ сьёд каляюс.

Кывтігён ми Опоњёс эг аддзылой, эз тыдав некытён и пыжыс. Керкасö вёлі тасалома. Сідзкё, воліс. А кытчо муніс...

Улыс Пузла вомын некоді жо нин эз вёй.

— Тані узымёдчам,— шуис Райрыб.— Чётвам кулёмъяс, нёштаись виддам, эм-ё чими чериыс тані. Сюрас кё, пуам...

Но шуломаёсъ: «Кыйтём черитё эн пу». Чими эз шед кулёмö и тайё йирысъ.

— Но «чери кутшъяс»!— сёмын и шуис Лейтенант да лэгтыхлес вывлань «автоматсö», быттьё повзвьёдліс кодёскö тыдавтёмъяссоc, кыдз тай вёчлоны воюйтись йёз, кор кёсёйны вермыны вёрёгөс.

Райрыблон весиг вомыс эз восссыв, сийё пинь пырыс сёдзёдис: «Аддзыся-ам... Некытчо он воштысъё-ой...»

Но чими чери пыдди ми тайё асылø пöttöдз лыйим тюксей. Бура ыдкыд кельёб чётвичис ва сай лёнинас, сёмын на сёлім пыжё-а. Мотор заводиттёг ми матёдчим гораа тюксысъ кельёб дорö да чёжъяс сибёдісны зэв матёдз. Лыйомыд миян сьёлёмсянъ кодь артмис да вит чёж коли ва вылас бовъявны, кор кельёбыд лэб-

зис. Но эг төдлөй, кыдз, эг на удитой ёктыны кулёмъяссö, кельёбыд бёр шыбитчис ваас, миян пыжкод орчча, ляян метын. Ми, дерг, эг вутралой, бара косьобтим. Но чёжъясыд, быттьё синтём гутъяс, ылёр лэбны эз кёсийны... Пёшти лун шёрёдз ми вётлыс им доймом тюксейяс бёрся, кодъяс суналисны токты моз. Ставсö ёктим, öтикодз. Сёмын сэки нин кыйим тёрытъя чёвтём кулёмъяс, мый тай, шуи водзджык, волины кушось.

Но некоди съёломнас эз усь. Чай юны пуксим да Райрыб водка доз на зымнитис пызан вылёр, кысько гудийис аслас олас-вылассыс да. Ыдже лун кодь артмис. Быдтор йывсыс сёрни пансылыс гажа пызан сайын. Ошиыс им öта-мёд водзын, коди кыдзи да кор лыйис, коди инмис, коди эз, кыдзи жмуткысё-усьё чёжыс ваё, кыдзи трукавыс сёмын претшсö мыччылёр васыс, но и сийёс лоё дзинёдома...

Кодкё вермас шуны сийё жё менам редактор моз: «Кыйсёом-лыйсёом — абу гижись мортлон удж. Гижись мортлы колё дорийны вёр-васё, сэн олыс-быдмыссысё». Да, колё, нинём ог шу талы паныц. Но гижись войтыр сэтшом жё йёз и вёр-ваыс налы сэтшом жё лов пальёданин, кыдз и быдёнлы. Босыт кёть Тургеневös, Некрасовös, Шолоховös, Мамин-Сибирякös — ставён пищальён петавлесны вёр-ваё. Сы вылёр и вёр-ваыс, мед сылыс босытны. Ме ачым вёр-валён быдтас да верма веськыда шуны, зверь-пёткаыс бырё оз сёмын сысьс, кыйёны да. Зверь-пётка и чери öдйё быдмасны бёр, сетны кё та вылёр позявлун. Но сыны öд и лёкыс, тайё позявлунсö ми ог сетёй. Коми пармалын кужтёма, сізд-тадз вёр лэдзёмыс бырёдны пондис поздысянинсö, оланинсö, зверлыс и пёткалыс, кульманинсö черилс. Чери, коди кульмё сёстом ваа ичёт юясын да ёльясын, онё пырны сэтчё оз вермы. Ёль вомён оз пос воч вёр лэдзыс, а тыртас сийёс пүясён, лыскён, мед вуджны машинаён. А сэн на и, мед габыртны унджык, кодкё хлор кисьтас, известь, мед вётлыны черисс... Вёралысылён медся матыса ёртыс, пон, бёрья кадё лои кёинись лёкён. Тёв и гожём вёля вылын, лэбач поэтё и кёчпиянтё, мый паныдасьё тшыг понлы, сийёс и бырёдё матыса вёрясыс. Чукёрён ветлёны нёль кока шыштъяс и мортись оз повны.

Нэмъяс чёж кыйсис коми морт. Кыяントорыйис эз бырлы. Кужомён кыйсис, аскиа лун вылёр видзёдомён. Унаён онё пондисны овны сёмын талунтъянас: юрнуёдьсисяс, и налы вомас видзёдьсисяс, и натёг олыссяс. И тайё öд абу сёмын Коми пармалын. Лыдди ме öтчыд «Вокруг света» журналыс татшом юёр: Каспийской море вылын сёмын Дербент карсянъ властьясон котыртём бригадас ёктёны вайс миллион лыдён чёжсö быд лэбиг, тулысын и арын. Тайс на унджык ёктёны браконьеръяс. Лэбачсö виё мусир. Пуксяс кельёбыс шойччыны паськыд ваё, чайтас на, гашкё, пежъялёр вайс да, сэн нюзь, кён позьё вердчыштны, а кыпёдчыны бёр не-коди оз вермы, мусирыс пырёма гён пытшканыс, борд тычув костясаныс. Со мый вёсна чёж-дзодзёгыс лэбё арнас Войвыссянь Лунвылёр сё юр лыда кельёбъясон, а локтё тулысын дас да кызыр лыдаясон. А онё мусирыд и асланым Войвыланым тырмымён лои. Мый лоё водзё, съёкыд висьставны...

Вёр-ва сынёдад и юр вемыд бергалёджык. Но гижны-пасайны туй выв блокнотё быдтор он удит. Сёмын кё эсъко видзёді да гижи, а ме пыжса куима артельын мукёд кодь жё уджалыс: то моторён рулита, то бипур дорын пуся, то вадорын тасыт-пань

мыська... капитан аддзё и мукёд удж. Коло ставсö паныц кыв шутёг вочны. Быд караб вылын сэтышом закон, сид и миян. Дöзмы кöть эн. И со ми бара пемдигас мёдёдчим туйё, и ме бара пыж бёжын, руль сайын. Оз сöмын киёй, став сювъясяй нин тарзьёны-вёрёны гырк пытшкёсам «Вихрь» моторлён «йёктöмьс». Блокнотыс ассым гижёдъясöс ог гёгёрво, шыпашаасыс тшётш йёктöны, но норасыны... Код вылё? Кодлы?..

Кывтам дзирадалыс ва эж вывтвыс, а водзвыланым вайс потласыны быттёйкё пондис, лёсталис визъясон нюжалё водзлань. Да тайё жё чёжъяс лэбзьёны, тюксейяс, сёкыд гос вёснаис дыр оз лыбны ва бердсыыс, абу «кос» чёжыд, коди жбыркнитас да кöть сувтсöн качас сынёдас, кызд тай öти жыдач катигённым на, кодлы ме лыйи да пыжаным и усис. А тайёяс дыр на швачёдёны бордъясаныс, некызд оз лыбны сынёдас. И мыила сöмын оз лыйны менам стрелокъяс? Ляян метын нин да?.. И сэки кылс: тач!.. И гёгёр друг югзис. Дыркодь ме эг гёгёрво мый лоис: пемыдас воссис гуся шондя му. Волёмкё, Райрыб лэдзёма ракета да горзё нин меным: «Дутгёд мотортö! Лый! Лый!»

Моторёс дутгёд, но век на нинём ог гёгёрво.

Гып! Гып! кылс наладорсянь. Лыйёны кытчёкё Лейтенант и ачыс Райрыб. Видзода, дзик ме дорё матё васьыс мыччысис чёж юр, сэсся и ставнас чёжыс петис да гёгравны пондис дурмём пон моз; бергалё, а оз лэбзы. Трукав али мый? Лыйи, дерт. Еджгов кынёмнас (арын том тюксейлон еджговось на кынёмныс) вывлань бергёдчис да бовъявлы коли. Видзода, мёд быйкнитис-петис, коймёд, нёльбёд... Петалёны ва улыс и оз лэбны, сöмын гонъялёны юрнаныс да бергалёны, ёрё синнысö яръюгыд биыс, тюк! тюк! горзёны, быттёю юасьёны öта-мёдныслыс, мый по татшомыс лоис, нинём по ог аддзы... А найёс, синтёмъясöс ми сöмын косялам-шковёдам асланым ошиыссымён бур пищальясыс öти бёрся мёдёс, сöмын и бовгыссыёны гатш еджгов кынёмнаныс вывлань. А ракета качё и качё вылыссы-выль... Мешёк тыр чёж öктим, емва мешёк тыр...

Водзё кывтам. Кык «стрелок» куритчёны да мыйкё варовитёны-сералёны тыртёммыны пондём бёчка сайын, а меным кёвъясис юрё лёк мёвп да некызд оз мынтыс: «Мыила нё тадзисö? Абу мёй тайё и эм браконьеритомыс? Ми, Закон видзыссяс, асынны...» Да и мыила эсъкё та мындасö? Гортын öтчыд öти асылё нёль тюксей вайи гортё, да гётыр шуё: эн мун сэсся, оз ков. Тайё збыль. Ныв-пиян миян öдйё и умалёны тюксей яйсыыс, вывті сыла, весиг тшагыр кёра да, кызд кöть найёс ылёдлы, мед унджык сёясны: «Тэныд кокуль, мед тэрыбджыка котралан, тэныд, нывлы, борд, мед öдйёдджык лэбзян ай-мам гортсыыд, а тэныд, медся ичётлы, юр, мед ай-мам дорад колин юралыссыён». Но ни котравны öдйёдджык, ни юравны оз кёсайыны оня яйлом, тулысын ю вывті кывтыссыи ии торъяс кодь оня ныла-пиа, кампет-печенньё дорё велаломаяс, кöть сэсся понлы верд кыйдёстö. Но и поныйд чёж яйтё оз сёй, мыилакё. Вёр пётка лы кратшкё-изё лэчыд пиньяснас, а чёж лы исыштас и эновтас. Сидзкё, мыила меным си мындаыс? Мед суседъясöс вердны? Гётыр, дерт, шань морт, коди оз воськовт тагёс вомён, сийёс и пызан сайё пуксёдё, чайён юктёдё ас пёжасён, сола чериён исёдё, верёсис по бура солалома, абу дука, кыдзи öткымын мукёдлён. Миян öд Удораын, «мый дука, сийё и рука». Рукаыс сийё, рочён кё, приятно. Мукёдис сидз дуксёдасны черисё, мед вывссыс, дуксяс да, киссыны пондас

яйыс, лысыс усяс, сёмын сэки пызан вылёт катасты. Но томдышкъяс оні озджык нин сіздүксьөдчыны. Сідзкө, со по тэнүнд свежопросоль чери, чоң яя шыд. А тайос гортад гөснеч вылёт чоңсө, мужик колымытодзыс лыйома-кыйома...

Кывтам тадзи, отар-модар ластаясыс оз тыдавны быд дырий, дзебесьоны арса пемысадас, сёмын ва виззыс аслас рёмпощана сөстомлуннас кыйё енэжсыс тыдавтём югыдсо да лёстало-дизирдыштало, быттьо кыскö миянös мортö. Да, гортлань ми кывтам. Уна чоң лыйим, но ведрайон морт вылёт чери эг кыйой вежонён. Мозын йылысь. Кон по чериис ваас уяло: пельстö сутшки, оз поёр. Рок гырничын шыдос мында по сэні чериис уяло. Но мед уяло, а ми черитог колим. Мед и райрыбинспекторкод. Сылон өд гортас верданторъяс жо виччысыоны. Йозыс по кайлёны Мозын йыло да сёмын спиннингён лунтырнас ведра-модтö кыясны. Да и гёрд черитог на оз кывтны бёр. «Эн волой ти Мозын йыло», шуас меным дона гётыр. Да и менам омой сёмын...

Друг клоп! и моторой сувтис. Вёломкө, бензиныс бирёма баксыс. Шлангсө сюий мёд бако, тракниті стартёрсө и... менё кодкө быттьо шеныштис пыж бёжысь, ме бузгыси ваё, а пыжой бергёдчис да тювгыны-уйны пондис ва катчос. Вёломкө, кор дугдис моторой, менам вунодсёма кыскыны асланьо моторыслысь өд вылёт пуктан каличсо. Тракниті стартёрсө өд вылас. Моторыд бергёдчома да йоткис пыж бёжсө боквыв, менё шыбитис ваас, а ачыс пыжыс тюрдис оні кытчоқпемысадас. Бочка сайын пукалысьяш шер эз вёчны, кор тракнитчис пыжыс бергёдчигас да оні пукалисны сэні, эз и тёдны, мый кывтём пыдди катчос мунёны. Өд вывсыс кё пыжыс зурасяш изъя ластаё, вермасны доймыны тёйтёттö, а пыж-моторыс жугавны. Но моторыд ньёжмас да сэки казяласны, мый ме абу сэні. Лейтенант өдйөджык кыссяш пыж бёжо, бур мый вомын сэні вёлёма, весьтас като пыжыс; киас сюрө моторлон рулыс. Но кытчо усис сэтыс рулитысыс? А ме си кадо эг вермы ни варччыны, ни мыйкө мёдтор вёчны, сёмын киясон сынышталі береглань да виччыси, кор вылысысь дзикодз котасясаны кыз вата гач, ной свитер, кок тыр пырас ва да ме из моз воя йирав. Менё кутыштис на ыж ку пасьёй. Кор ме вежи бензин баксө, кизяссө разялі, кизяся, мися, мунігас нин, да оні бордъяс моз пась пёлаяс плавгысисны ва вылас. Найдэждык сэтшом өдйө котасяны вата гач моз да кутісны менё ва вылас пробка моз. Тайо, тыдало, и спаситис менё. Кывтыс пыжсянь век жо аддзомаось менё. Но өдва-өдва вермисны лэптыны пыж. «Свинеч тыра сепыс быттьо», — донъяліс Райрыб, весиг шмонитыштис содтод; мися по пыж бёжыс вёйо, кор тэ сэтчо пуксян. «Сы вёсна и пыж ныро менё кыпёдінныд?» — эг жо көсій бордны и ме. Но ставлы эз вёв серамодз. Торйон нин меным. Ваас на быттьо шоныд волі, а оні кынмыны понді. Івла вылын өд октябрь нин пансис. Тшукуим берего да ёртъяс өдйө и бипур пестісны. Менам волі, дерпт, пыжын вежсян кос паськом, но сёмын дёрём-гач. Пасьтала да, пыр и лои шоныдджык. Бипур пестісны ыджаидос, водка доз на дзебасинис перийис Райрыб.

— Быттьо тёдімой... Век коло гортё вотодз видзны, — велодис миянös би пыр и ва пыр муном морт. Юкталис сёмын сулея джынсө, мёд джынсө кытчоқпемысадас жо аслас кёлүй пытшкө. Югдытодзыс ме косьми и шоналі. Мотор сайё пуксис ачыс Райрыб и мёддочим водзё.

«Со и съёд каляён туналёмыс»,— шуи аслым ме да и вунёди сы йылысь. Ловийён на бара коли, мый сэсся коло. А кымынысь нин ме ваас войны пондыл, ой, кымынысь! А ётчыд тадзи жо со лэбзыыштыл пыжысь. Вёлі Первомай. Ытва. Ми гажъялім мёдлапёвса вёр посёлокын. Гортё бёр вуджёдысыыс волі повёднё жо гажа. Но ёрткод ми солім пыжас. Эг удитой сё метр кымын вуджны ыдкыд ёда пыжён, «Вихрь» мотор жо пыж божас волі, вуджёдысыыд вунёдома, мый руль сайын, куритчыны көсйома. Пыжыд, дерт, крута бергёдчас, менсым ёртос да вуджёдысысь ѿлыштас ётар-мёдаро, а ме кымсюм пыж горулас кыздкё лои. Дерт, палялышті, но дыр на эг гёгөрво, мый лоис, сэтшом ѿдйө ставыс артмис. Юрой сёмын ва вылас. А пыжыд гумсигас сынёдсө апнитёма да озвой. Кык ёртыд менам берегё кавшасясын, а ме абу. Ёрт менам волі зэв матыса, ёртасим семьяён и уджалім ётлаын. Сийё, дерт, повзяс. А ме кылала пыж улын. Петі эськё, гёгөрвои ставсө да, но уйны ог вермы, коть визулыс вайёдома нин миянёс пыжкод берег дорас мато. Личкө менё кём-паськөмөй увлань. Ме и кавшаси пыжас. Сэки и аддзас менё ёртой, пыж-ді вылысь кочёс. Вётёдас кылалысь пыжто да шыбитчас ытва ваё и пыжнас тшотш кыскис кётшасо. Помнитмён палял сёмын сэки, кор кисьтісны вомам курыдтор. «Вадим, тэ ловъя?!— артмис менам.

— Берег тыр йоз сулалоны да сёмын ваксъоны,— скораліс Вадим.— Видзёдёны, кыдзи ми воям.— Пёлёкалёяс.— А мый ывла вылын Первомай, став гёрдлышыс кок ыылас оз ўшыны, миян ѡд күжёны гажёдынытё, сэки, дерт, дум выло эз усь. Кодалёмыд, дерт, буро оз вайёд. Но ѡд тавой чай ва кынdzi нинём эз вёв юрам. Сэсся и думьштлан, эм-ё Енмыс, Васаыс да Вёрсаыс, Микёла угодникис, Петыр-Павелыс, Перымса Степаныс, Рёдительяс, кодъяс быттьёкё и абу ловъяось, а век тэнүид отсалоны, казытылан да. Казытыв, лыддыясь, и тэ найёс, кор воан пикё.

Паркач коськысь Райрыб кыйис «кошкаён» донка. Сийё тёдо, кытысь кыйны «чери кутшёс». Ю вомён нюжёдома сутуга. Сэтчо домалёма дас кымын кыснан. Тадзи съёмга жо кыйёны. Дерт жо и сир да ком вермас шедны, быд чери, коді ылало чери пыдди дзирдалысь көрт торйо. Кыснан паргантё, дерт, оні быдсямасо позьё ньёбны лавкаысь. Но миян челядь дырии сийё волі зэв на гежёд. Вöчлывлім жо и ютыд жёчысь. Но Мозын йывлань «турпоходо» зіб помыс катлігөн «слободаса кёнёвал» Мартышлон кыснаныс волі дорома медальысь. «За отвагу» медальён воёма война вылысь батьыс. Пиыс сийёс шори поткодас да кык кыснан вочасдорас. Эзысь кыснанён, волём, и кийё чими черито. Эзысь да зарни оз сёмын мортос ылодлыны.

— Но и Куржым! Но и Куржым!— Райрыб дёзмёма быттьё, но и нюмъялә.— Петкода ме сылы...— И петкоддіс: донкасө босытны эз тшоткы. Аслас по ки-кок эм.

— А, гашкё, абу сылон? Ки-коксө абу кольёма пуктысыыс,— эз кажитчы меным, мыйла быдёнлысь босытё кыйдёссө Райрыб, а тайёс оз.

— Кызд абу кольёма?— весиг чуймис Райрыб.— Киподтуйыс тай сылон. Став чачаыс ас вочём. Ме тода...

Регыд ми и Куржым керка доро дзужгысимвуттім. Керка улө, стöчджыка кё шуны. Керкаыс сулаліс джуджыдкодь нöрысын. Пыр и усьё юрё: «Джуджыд қерёсын, гажа нöрысын...» Кашкигтыр кайим тайё гажа нöрысас. Коть ывла вылын ыдкыдаліс нин астя

юғыд, керка пытшкөсін узис на пемыд. Көзянин садымис ёдйё, ёзтіс карасин лампа, пузьодіс бипур вылын чайник, ваяліс мыськавтөм тасыті-паньён джынвыйё тырём ыджақодъ пызан вылө төрытъя пүйм дозмёр яй, сола чими чери да чими пёк, сулея водка, пузьом ваён кисъкаліс да мыськис тасыті-пань.

— Этатшом ыджақид гөсьтьяслы нином абу жаль. Сізд ёд, Педорёвич? — тапкис пельпомас Райрыбы керкаса көзянин Куржым Гөнь, кыйсысь-вöралысь да козыналіс сійөс гажа нюмён, быттөй важён нин виччысяна мортос. Но Райрыб «козин» вылө быттөйкө эз и ышты, эз нюмъёт, а стрöгакодъ шуис:

— Нарушайтан, пöнимайтан кё... Андрей Ярасович, — ыдждöдіс жё асьсо ним-вичнас Райрыб. — Кыдзи нö позьо?.. — индіс пызан вылө, быттөй медводдзысь аддзö йёз пызан вылысь чими пёк.

— Но, ётитö ёд позьо жё! Ваыс оз кизьёрмы сысысь. Ме ёд ачым чимитö ог сей, выйтіджык выя да, вый черитö, кыдз и мёс вый ог босытлы вомö. А кыдзи нö гөсьнеч вылө? Эт-татшом йёзлы!.. Ва дорын олам да! Ачыс Ен тшöктіс. — Сёрнитігкостыс көзянин ставнымöс кутліс-сывъяліс, кыдз и збыль медся виччысяна гөсьтьясöс. Миянлы и збыль сійө вölі ставнымы неуна тöдсаён. Да и коді оз тöд юрсиктын олысьясысь Куржым Гөньёс? Куржымёс? Прокурорыс и судьяыс сы дорын чёсмасьё, районса юралысь войтырыс и. Ваас тай сізд жё: и кельчи-мыккод ёти ваян олёны сир да ёкыш.

— Сідзтö эсько сізд, кхе, кхе, пöнимайтан кё... — сыліас кык пёв гаровтöм да морёс пырыс вожёдёмён на мышкас гёрддзöм шарп-чыштъянсö разялітмоз сылы вölі сьёкыд сёрнитны, шонавтöм на вом каличыс эз кызвысь да пиньыс клітша-клотша кыліс. — Ш-штр-рапуйтын, тыдалö, ковмас. Мыйла сутугасö нюжöдін?

— К-кутшом с-сугута? — тёкотьё эз тшöкмун Куржым Гөнь да лой быттөй дэльбöдма Райрыбөс.

— П-паркачас...

— А-а... Паркачас... Ме нин сійөс вунёдлі. Босыта, босыта. Нином сысысь. Сиръяс больскöны вölі корпас, мися, петаласны войнас... Пырёма-ö мыйкö? — корпнас шуöны тані лапкорён тырём ластасö, көні лапкорыйс келёма мукöдаас ю шöрёдзыс, кыті ляпкыдджык.

— Пиньой менам оз вись, Куржым, нимкыв эн лыдды, — эз нин понды ыдждöдлыны ним-вичнас. — Ме мёдись ог шу, ачыд тöдан... кхе, кхе...

Куржым нимыс сэтчöдз сибдöма Куржым ю вом дорын олысь кыйсысылы, мый и ачыс вунёдлö, мый сылон збыль нимыс. Татшомтор висьталöны сы йылысь. Мунё сійө аслас вöраснас сикт кузя. Кодкö и тöдас бöрвывсяныс да горёдчас: «Андрей Ярасович!» — Мёдис оз кыв; «Конанов!» Оз кывлысь. «Куржым!» Мёдид и бергöдчас. Со и шуöны по сійөс Куржымён либо Куржым Гөньён. Мозын кузя пуксöм сиктъясын Андрей нимаёс шуöны Гөньён: Иван Гөнь, шуам. А Вашка дорса сиктъясын — Онейён. Шуам, сійө жё Куржымсö позьё шуны Ярас Онейён. Но сійө быдöнлы Ярас Гөнь либо Куржым Гөнь, либо прёста Куржым. Со ёд на кыдзи миян олёмын овлö.

Татшом азыма, кыдзи Куржым ордын, ми некён на эгö чёсмасьлой. Оз на быр тасытыйс, а көзянин выльёс нин шлопкö пызан вылө.

Ме пукалі ёшиныладор лабичас да тшöкыдакодъ чöвтлі синмёс

тайё вёрса мортыс вылёт, кодёс көтү и тёді неуна важёнкодь нин, но гёгёрвои вывті омёля. Сийё вёлі вёрыс кодь жо съёд ускатошка, став чужёмсö быттьё вевттёма; сэтшом жо съёд, но каракуль шапка кодь юрсия, дзирдалысь съёд льём тусяс кодь синъяса, юрнас матичё оз тшук, кыздзи миян капитан Райрыб, но выльён пилитом тьёс плака кодь крепыд тэчаса, лёстались бандзибъяса, быттьё вирыс вот-вот войтыштас ку пытшсыс, ачыс вомдоръяснас нюмъяштысь, бур еджыд да тиштшыд пинъяссö петкёдлысь: видзёдй пё, ог пастаён ни порошокён, а лымайён да ния сирён пожъялём пинъяссо. Во лыдсо, кызд шуласны, джадж дорё кольём тайё мортыс район пасьтас сэки вёлі, меным кажигчё, дзик отнас, кодён вёр керкаыс кынды мёд оланін эз вёв. Кадысь кадо петавліс жо вёрсыс прёмыссö вузавны да сылон жо кыв серти «нажёвитом съёмсö кудзавны». Вёрас оліғон ньоти эз ю винассо. Но воас сиктö, вежон чёж оз палявлы. Оліс отнас. Вёлёма жо эсько коркё пёв. Но морт оломуыд тай абу йёр вуджом. А сэсся ёд кутшом ань пондас овны вёр шёр вёрын, кутшом суседкакод сийё личёдлас вом каличсо. Шулёны, дерт, муса морткод пё и лыс чомыйн олё шудыс. Но вай паськыджаука восьтылам синнымсö да видзёддам быд боксянъджык, кутшом шудён ёвтö Куржымён вёр чомыйсь.

Керка гёгёрёныс дзим-дзурк оз тыда. Тайё пыр и шыбитчис синмё. Абу йёзлон кодь быттьё тані. Мозын йывлань катіғон бура уна керка паныдастьлёт, важмём и выльдом и дзик неважён на тшупом. Матодчан на дорё, пыр и тёдчё, эм-ё сылон кёзянин. Эрдё нинём абу ёшёдома ни шыбитома, пессё бура тэчома, мусо гёгёрсыс чышкёма... Куржымён — аслыспёлёт. Кёджводзö пыран ыбосыс абу. Татчо колё тёдчодны, мый Мозын йывса вёр керкаяс, Зёрдзыбсянъ пансъёмён, торъялёны мукёдлысь сийён, пешабиныс кёджводзаныс, пусьёны вевт улын. И тайё кивыв сэні олысылы, оз ков лым-зэр улёт петны. Пыранін дорын суалісны кык зіб, ётикыс көрт пома, мёдис абу, вутыршать да спиннинг, пу да көрт зыръяс, кузь чоръя резина сапог да нямёдъяс. Тёдчё, абу важён на воёма кытысъкё кёзяниыс. Керка вевт лэбулас кузь пу тувъяс вылын кыса лызы гоз куйлёт-виччыссо лым, керка пельёссо бытшкёма коса-гёрбуша, тыдалёт, керкағётурса петшёрссо да кузь турунсö ытшкыны, но найё ытшкытём и кольбомаёс. Лунвысса ѡшины улас фанера куд куйлёт, коркё «Север» папирос тыра вёлёма, оні сэні пётка гён котасьё. Юладор ѡшины улас нойшта на лызы гоз, ёти пёлыс чегома шёрёдьыс, позъю на йитны да ветлыны, ме думыссы. Тёдчё, оз дзик отнас кыйсы-вёрав керкаын олыссы, көтү и олёт оні отнас. Кёджводз стен бокын пес чипас, орчён пилитом, но поткёдлытём на пекыльяс, сэн жо и бензопила. Стен пельёсас комын кымын кирпич тэчома ёта-мёд вылас ёти радён, мед, тыдалёт, оз котась. Джынвыйё разялём «Ветерок-8» пыж мотор, пёльттём резина пыж, чегласьом письяса норт, ёти синмис чегома жо додь сюлыслён. Пыранін водзвылын паськыд лабич кодь пызан вылын радиоприёмник «ВЭФ-201», целлофан пакетын некымын кёлач, груша компот банка. Кыр уваланыыс — помой лёданін...

Дурк, няйт, гудыр-гадыр — тайё кывъясон ме ог на вермы сточмёдны, кутшом вёлі Куржымён оланіныс. Хаос — сёмын татшом кылён, важ Грецияса олыссяслён кылён, ме верми эсько неуна гёгёрвоёдны менё лыддыссыссо, мый тёдчис тайё вёр керкаын, кёні вёлі куим ѡшинь да кык пач, кыздзи пошти сиктса

унджык керкаын: пёжасян да сы бокын плитаа пач. Но тані пёжасян пачыс ёнөдз вёлөма трубатом да ломтысигас тышыныс, вёлөм, петө вомёдыс керкаас, а сэтысь, кыдз и горъя пывсянын, ѡдзосёдыс ывлало. Сы вёсна керка стеныс волі быттьё сьод краскаён мавтёма да сы вывті на лақон. Сöмын медвылыс кык венечыс, йирксыс нель плака да матиыс воліны руджыкось. Некымын во сайын на татчö овмёдчома вёралысь-кыйсысь да выльмёдома-дзоньталома кыткө. Лэптёма вевт сайёдз и пач труба. Эз вёв вочома водзджыксо трубаис сы вёсна, он кö век ломты пачсо, лым-зэрыс нёздёдас да и кисытас сёй пачтö. Вёралысь поль, коди Куржымёдз оліс тані, кувсыломуа во дас сайын нин. Пивнук абу кольёма. Сирёта-керка-чомийös и асалас мортыд кыйдös вылö договор вочом борын.

Узълö крёватын. Сiё сэтшом паськыд, куимён бура тёран. Крёватыс — гён перина, вата шебрас, сэні жö ыж ку пась, ставсо гудралома, быттьё узысыс сöмын на бергалома. Ошинь вылын да сы увса лабич вылын быдсюматорийс куйлö, сулалö, бытшкомуа куричö: ем и шыла, мотор юкёнъяс, пурт и ножич, мёлёт и патронъяс, сунис тюрикъяс, лекарство таблеткаяс, ичёт сулеяяс, вугыръяс, капкан кыв... Сёян-юан тыра целлофан пакетъясон да нöшта мукёдторийн тырёма öшинь юр вывті керка гёгёрыс муныс джадж. Матич отар-мёдарац öшалоны кос нянь тыра мешёк, тёвся шапка, ной куртка, позъё шуны öнія шушун, сэні жö сахар тыра ичёт сепыс, ки чышкод, кодёс коркё, гашкё, и мысыкыломуа, но оні рёмсö он нин куж висыставны, кутшом. Кётшас пельёсын стенас öшалисны нöшта на пасъяс, купайкаяс, шапкаяс. Быттьё тані оліс дзонь бригада вёралысь-кыйсысь.

— Тадз и олан? — юавсис менам, кор неуна шональштіс кынём да кольмыштіс юр.

— Тадз и ола, сёя свежой и сола, — вочавидзис рифмаён Куржым Гёнь, тапнитіс меным пельпомё, сывыйштіс сыліод, пуксис мекод орчён да, содтіс: — Гёгёр пёрадок, вокё.

— Куржымлон татшом и эм пёрадокыс, — сёрниö сюйсис Лейтенант. — Ми отчыд воим татчö, ачыс абу. Ми — пёрадок лёсёдны. Мысыкалім тасыті-пань, джодж, пызан, мый волі лабич вылын тэчим кудъясö да джаджъясö. Гёгёр лои дзим-дзурк, весиг öшинысыс югдісны, ловлы лои кокни керкаас. Керка гёгёрсö сізджö. Любö видзёдны. Коркё и воис ачыс. Но, шуам, ошкас миянёс. А сiё бус-бон пиняліс да токтёй эз вётлы керкасыс, пузьёма, быттьё ми гусялім сылысь ставсо, мый волі эрдын «гын да пась». Кулаксö весиг зэвтліс. Аддзанныд, кутшом сылён кулакыс, бёлбан юр кодь. «Кытчö тi виштіныд поршеньсö? ! — горзö. — Порок дозыйс кён? Кес вошома, бинт, сунис. — Гёрд суниса турак волі... Гёрд! «Мушка» воччны... — А ми и асынам оғо тёдой, кытчö мый идралім. — Пёрадок, думсыныд, воччинныд? — видё. — Кён нё, сізджö, слёна чайыс? Пачка джын пызан вылын волі. Слёныс тай бёр коксö кыпшёдома, отисо, быттьё кудзасыны кёсий. Кён? — серав коть бёрд сэсся Куржым Гёнь вылын. Тіян по эм асланыд горт, сэні и ыджалой, воччой, мый ловныд кёсий, а менсым оланногёс энё вёрзьёдой, энё торкёй. Ме тода, кён мый куйлö и ковмас кё, сэтысь и босыта. Со тадз ме и тёдмаси Андрей Ярасовичкёд, — помаліс Сельёв пи, кодысь ми вунёдім жö нин нимсö да шуим сöмын Лейтенантён. Чайта, лоис кё сiё и майорён, Лейтенант нимыс эз вош. Сізд нин миян сиктъясын артмё, öти нимнад олысысшоч. Эм миян и Кельчи Володь, Кунжа Миш, Чиллян

Вань, (чиляныс — көлеса), туй вёчан контора шуёны Дурдомён, йозёс уджён мөгмөданін — Бич контораён...

— А мыила тэ олан тадзи? — юалі ме Гёнълысь.

— Сідз нин велалома.

— Важён нин?

— Гашкё, сэтшом и чужломой, да сы вёсна и нёшаліс менё оломуыс...

— И тэнүд кажитчо татшом оломуыс?

— Редакторыд эз ошайысь татчо волём борын? Хи, хи... Катарга, шуас, тэнад тані, катарга. Мун по татысь, эновт... Весиг кокни удж вўзийис, аслыс шоперён. Эз казытывлы?

— Эг кывлы.

— А гожомнас вок воліс, меңсіз ичотдыхык, карын служитö. Чуняс зарни печатка, сыліас зарни чеп, быттö дона понлон, ас машинаён татчодз пошти кайис. Чери-яйён номсöді сэсся и пыжо пуксыбди. А сiё меным: «Гöля олан, вокö, гöля зэв. Тэ, вокö, боб Парпонь. Тадзи оз овны öнъя йоз...» Ме тай дыр эг думайты, кызд тай лöсышта зiбнам пельпомас, мöдыд и турбыльтчис ваö. Уялышты, мися, сэнi черияскöд, гашкё, тöдмалан, кодöс дыш Парпоньнас шуны. А сiё и варчыны оз куж, вöйны менам вокыд пондiс, бультыкасö и отсавны корö. Быть öд сэсся бöр кыпöд. Ме ваад, гашкё, сёысъ нин «уявлi», пыжсянь и ии пыр, но эг и ыкнитлы отчыд. Менё вавыс вывлань йёткё, а оз увлань кыскы. Озыр мортыд, тьдалö, сьёкыд, сiт мешöк. Хи, хи... Оз öд збыльысь нужникö лэдзёмторсö «зарниён» жö шуны... Сьёкыд сiё, сьёкыда кыптö гусыыс... Ачым тöда... И мыила озыргджык да «джуджыцджык» мортыс омольджык век, кöсöй тэнүд век вöчны лёктор? А гöльыс, прöстöйыс, отсавны зiльö, бурджык сьёлёма? Унаён ме дорö волёны. И ме аддза... И гöгрюво, мыила гражданской войнаыс пансылö, вок сувтö воклы паныд, пи — баттылы...

— Куржым — философ,— шуё Лейтенант.— Сыкёд сёрнилы пом абу.

— А мый сiё философияыс? — вöр шöр вöрын олысь морт и синнас эз вежсыыв, кор сiёс шуисны татшом кывиён.— Ме тадзи чайта: философия — мёвпъястö дзугём. Мед некодi эз гöгрюво, мый тэ кöсъян. Сы вёсна и быд философ нүöдö ассыыс нырвизы: материализм, идеализм, эмпириокритицизм (быттö велöчома партийной школаын, öшыбкатöг шуис), капитализм, социализм — быдöн ас ногыс на йылысь висьталö, сы вёсна и оз гöгрювоны йозыс, мый налы колö. Миян шуёны: капитализм — ад гу, Америкаын шуёны: коммунизм — ачыс куль позыйыс. Унаён шуёны: коммунизм олö сöмын мортлон мёвпин. Мёвп жö — идея. Ми — материалистъяс, кодъяс идеализмсö пыдди ог пуктой. Сiдзкё, кодъяс ми, коммунизмö муныссыыс? Эмпириокритикъяс?

— Аддза, лыддысян,— эз вермы чöв овны вöвлöм велöдись.— Но, бур мортö, Андрей Ярасовичö, вошомыд тэ кык пожом костö. Философия — абу вöр-ваöд келаломыд. Ленинöс этша лыдьомыд. А мый сiё шулiс? Философъяс по век сöмын тöдмалёны олёмсö, а колö сiёс вежны. Со ми и вежим...

— А мортсö? Вежим-ö ми мортсö? — эз сетчи вöрса философ.— Мортыс колис важыс: бур сьёлёма и лёк, зыксысь и лöнъ, но-рассысь и ас пырыс ставсö нуысь, пöръясысь и правда корсысь, «гöна киа» и «зарни киа», юысь-кодалысь и ютём... ыджыд муслуна морт и педерастыс. Лыддыылi: Римса папа, Ен пыдди му вылын

пукалысыс, радейтчома том зон вылө да олөма сыйкөд. А Библияса Моисей? Том пастукоң мырдоналөм... Мыйон нө вежсис мортыс, кор вежсис быттыкө олөмьслөн подулыс? И Рим империя дырий радейтлісны йозыс видзёдны ворсомъяс, кыдз, шуам, гладиаторъясос. Талун — футбол, регби... Важ Грецияны спорт — Еньяссянъ сетөмтор. А оні?.. И Гитлер и Сталин, Мао и Пол Пот воліны оттшотш и идеалистъясон, и материалистъясон. Олёмтө, вөсьө, он на юк сөмын озыр да голь йоз вылө, кор зарни пасъкомыслон съёлёмыс кын из, а ме кодь киссюм гачаыслон — ловъя пось. Ме коддымыс ёд сэтшом жо вир юысъяс, быд лун киясыд вирёссялому...

— Мыила, сідзкө, тэ тані олан, кыян-лыян? — эз ёвсы Лейтенант, кодлы эз кажитчы Куржымлон философствуйтөмис, көтү ачыс жо и йёткис сэтч.

— Менө эсъкө вирсъыс восбод нин,— пышийис весьқыда воча кылыс «философ». — Но ме, тыдалө, тані нин лоа кулыс. Ме мортос вии. И тайё менам олөмьыс — Ен водзын прёща корём... Велодчылі ме шоперө. Эм на и оні правоыс. Зураліс отчыд менө мөд шопер. Дойдіс машинаос. А ме выльён на сөмын петі қаремонттыс. Сэтшом лои деливө: бара ковмас ноксыны гаражын. Петі кабинасы, нетышті кабинасыс кельдөдөм том мортос, көсъя лөсыштны кымёсас, а сійө... сувтса синмён ме вылө видзёдө, кынмёма синмыс. А кузъ туй вылын. Дзик отнаным. Кыски ас кабинао, нүоді больничАО... Менө жо и мыждісны... Ог грекуйт том мортыс вылө. А милициякөд киён ог видзакайтчы. Эз кажитчы меным пукавны дзескыдінас... Вой сэттыс, а гётрой мөдкөд олө. Гётрасыны ёд удитлі нин армия бёрын. Ме — посёлок, лесопункт. Дизель электростанция уджөді. Йөзлы би сеті, юғыд. Ачым пемдзыны понді. Бабаыд тай сюрө мортызды, көсъян кө юртө сюйны сийосо. Овмөдчим. Кыкён узям, сійөс сывъяла, а важ йывсыс мёвпала. Менам сійө волі зумыц виряя, тшепыштны оз шед. А тайё — кисель. Син-пель вылас и зэв гажа, век көтъ окав. А водам, сывъяла... абу менам и ставыс... Нөшта на рочакань веськавліс ки улө. Вёр посёлокад сэки унаён воалісны, весиг сэтшомъяс, коддымыс весьқыда волі шуоны, ме по музик кок костыс «нуд» кынды пила ни чер нуд ог төд, эг кутлы киам. И сэтшомыс веськавліс. Но медводдзасо некыдз ог вунөд. И пышийис ёд сійө сиктыс ме дорө, посёлок. Но и ме дорысъ пондіс «пышъявны»... Оз пёт, волём, отинад. Ме и муні йоз дінись, мися, важся крившой манак моз келляын понда овны. Со тайё келлясө и аддзи. Но сәні воисны болгаръяс, туй нюжодісны. Йөзсыд он мы-ын... сибдалан турун моз.— Куржым Гөнь ланьтіс, тыдалө, рекмис съёлёмыс.

— Тэ бара он сибы, мынтоўчан, көтү вугырён крукав,— пысаліс кывнас съёлём ректысъяс Лейтенант.— Вуграсыны ми отчыд кайлім болгар туйёд. Волі юнъ 7-өд лун. Көк көкө быд часо. Асывнас чеччөдө и рытын водтөдө. Шондіа. Сото. Куржым и шою: «Зэрас». Аскинас кымёртчис. Лөнъ. Но ком оз кутчысъ вугырё, нидзув ни пучей оз сёй. «Ваыс югзяс и ком сёйны пондас»,— шуё Куржым. Ачыс бара некытчо оз мун. Миянёс ыстө: «Мык шедё, вугралой». Мык абу ком. Вугралыштім. Кайим берегысъ, а Куржым абу нин, шутёвтёма отнас Куржым ю йылө. Рытнас таз тыр чери вайис, ставыс сой кызта ком. Ручысъ на мудер, налимысъ вильыд. Куш кинад он на кут...

— А чојжө нө лайинныд-ө, тюксейсө? — эз кывзы помодз

Лейтенантös, юаліс Куржым Гөнъ Райрыбысь, дерт жоңиң-лігітірій, быттың көсійіс шуны: «Кытысь нин тіяны, интеллигентъаслы, пызан сайын гач зыртысьяслы». — Да ошысис быттың: — Ме вирслялі. Сё кымынто пезығоді тайо лунъясö. Заказ вölі Заготконторасянь. Гашкó, кылоданның?

— Мый не кылодны, доверитан кó,— сомын и вочавидзис Райрыб.

— Со мый весиг лыйим,— кывлыси сэки ме да петкоді сьод каляюс.

— Ва катшайн тай менам пöльө вölі шүö-а. Коркó лыйома жо кодкó вölі татшом дивбос да. Каля рöдьсь тайо. Рочон чёрная крачка. Сомын тайос и лыйинның? — бара козыналис мияны ассыыс гажа да мича нюмсö. Сомын тайо нюмсыыс позьо пызды пуктыны тайо мортсö, коді вölі ачыс миян сьод каля кодьон, кодос сылон пöльыс шулома ва катшайн.— Тайо абу бур водзö,— весиг нормыштіс ачыс Куржым Гөнъ.— Ме кольом тулысö лыйи тюксей пызды да... лолөс тökötтьө эг вошты.

— Ме тай вöйлі жо,— эг дзеб и ме, висьталі, кыздзи вölі миян кывтігөн.

— Гашкó, гашкó...— ләдзёдіс Куржым, юис ассыыс румкасö, мый онöдз на суаліс ютёмөн, көтү ми помалам нин вölі медбörъясö.— Кызвзанның кó, висьтала.

— Кызвзам, кызвзам.

— Ог тöд,— сероктіс Куржым Гөнъ,— вölі-ö ме юыштöма, пöвöднö-ö гажа, кисьтавлі на ме сэки вомам курыд вато эг талунья моз. Но стöча тöда, куим вой-лун эг нин узьлы. Лун и вой ва вылын. Луннас шондýыс розъялло, узьны оз сет, войнас тöлысыыс шондіс окалö. Вölі татшом жо ар. Эз вöв зера. Заготконторасянь чöж корёны. Кымын по унджык, сымын бур. Ме и лолөс пукта. План — закон. Ляялі, позьо шуны, воссöттöдз жо, вирсыыс юр пондіс кольмыны... А кыйся ме öтнам со кыздзи. Ката мотора пыжён ылёкодь, кытчöдз оз дышöд, ката. А сэсся кывта мотортöг, визувнас. Оз кывны ни оз аддзыны бадь пöвстын уялысьясыс. А кызд сомын казяласны да лэбзыны пондасны, менам зарад найос сүодас. Быд пöлөс чöжыс сэки лэбис: жыдачыс и гордаыс, көрөгыс и вöзыыс, косысыыс и турун чöжыс. Сэсся тюксей воис, кутлас, ватар... Уджыс — синмöдьд петö.

Кывта тадзи вадор пöлөныс, а ю мöдараас, джуджыд чой йылын юғыд яг выв, пожомыс тут-мача йыла суало, а подулыс пызан кодь тшётшкös. Да ті вöлінның сэні, Мича Ичмоняён шусьö. Видзöда, а яг бердтіс томиник нывбаба восьгало-мунö, ва кывтчöслань жо. Вöсныңдик гожся кунтэй кежысь, но кунтэйыс дженыңд и пырыс тыдалана, күш кокыс лядвейöдзис мыччысылö. Быттың абу и паському, а целлофанысь мешкөн вылысас юрёдыс сюйома. Кодкó, мися, ускоттöйис мынёма, гумсьём пыжысь ловийон кольома да оні шоныңдін корсöю. Ме и горёдчи, эгей! мися. Сий бергöдчис мелань да сероктіс. Коро менё кинас. Моторös ме эг заведит, мёдмёдорёснам сына. А сий видзöдö мелань да оз и кывлысь, век мунё и мунё водзлань, а кинас коро асланыыс. Во сайын менам керкакöд орчон археологъяс олісны палатқын, со тай öшинъянь тыдало. Кыкён. Ме чайті, гозъя. Но öтчыд пырис аныңд ме дорö да чай юигкості висьтасис, абу по верös ай ловыс, ме по öтка пöтка. М-да... Ми сыйкод неуна... Но, кызд шуласны, шыра-каняасим... Кажитчис оні, быттың тайо и вölі аныыс. «Эгей!— горза.— Ольга! Подожди!» А сий век мунё и коро менё асланыыс,

сералö. Ак, мися, он виччысь менö? Часлы ме лэччыла. Веськёдi пыж нырös изъя ластаас. А вöлi тайö визулiнын, эм тай сэнi оти визбöтор, помнитаныц? Буретш сэнi. Пыж сутшкысис öдöб-вывсяныыс ыджыц изийö, эг кутчысь да ме турбыльтчи ваас. Но чеччи öдийджык кок йылö, абу йир сэнi, лядьвиöдз на абу, кыскыштi пыжöс да берег йылö котörti кавшасигмоз круткодь чойöдис. Вой яг вылас, а Ольга оз тыдав. «Ольга-а!»— горза. Оз кывлыс. Пукси конда вылö... И быттьёкö вóтыс садьми. Пукала яг нöрыс вылын, паськёмой ва, пыжöй ва дорёсас. И некодi некытён абу. Шы ни тёв. Ог, ог пов ме нинöмыс. Но сэки весиг сьёлёмой сувтлiс, кыдзи меным кажитчис... Экзистенциалистъяс шуёны: мортлы колö отдорчыны йöзыс, сувтны аслыц öтнад олём да кулём шöрас, и сёмын сэки тэ лоан вöля вылын, кор повзян аслад ортыс, регыц кулёмыс. Мекöд, гашкö, сiйö и артмис, ме сэтшёма повзи, мый пыр жö висьми, öдва вои чом дорöдз, водi, шебраси пасъясён. Садьмёдисны йöз... вой да лун мысти. Висыталi налы да шуисны: Мича Ичмоныыс пö петкёдчылiс. Лэччи пыжö, ставыс дzonь, ва катшавыс, сьёд каляыс, абу...

— Тэ думыс, сьёд каляыс и вöлi Мича Ичмонынас?— юалiс кодкö миян пöвстис да тайён петкёдис серам кывзыссыаслыс.

— Тиянлы серам, а менö та бöрын вöдитны пондис тайö аныыс. Ола кöть вöрын, уна быдторсö аддзывны ковмылас. Абу прöста шулёмаöс пöльяс: «Уна аддзылан, уна и тöдны пондан». А тi шуаныц: философ. Кöсийссöй жö тöдны, мый сiйö сэтшöм олёмыс. Со и корсысян... Но да... Бара кежи... Вöлi тайö тöлын. Катыдас сэнi, гулыц ягъясас, капкантьяс менам окталöма куничалы, туланлы, мёд ног кö. Керка квайт-сизим кыйсигмоз кытшовта. Позьö кык чомкост лунтырнас мунны, но ме сэки ог тэрмась. Быд керкäö запта ва туйнас нянь-сов да пес. Вежон чöж и ветлöдда. Но сэки тэрмаси карö. Учёной аныц менö, Ольгац, гости корис. А мый, мися, сiйö тай ме ордын гöститис жö. Гости ветлöм — абу мыж. Войколыс суси буретш Мича Ичмонын. Узя сiдз, а войнас кодкö öшиньö таркёдчö. Пыр, мися, ме некор ог игнасы. Но некодi оз пыр. И пон менам абу. Тöвнад нö кутшöм пон. Здук мысти бара кыла тотшöдчöм. Игнаси или мый? Юала ассыым да петi кöдж-водзö улыс гач кежыс. Восытi кöджводз ыбёссö, а сэнi менам тöдса аньöй суалö, бара жö еджыц да пыр тыдалана платтьö кежыс. А войыс тöлыся, югыц, быттьö лунын. Пыр, мися, лок шонтыс. Ачым думайта: «Орчён кёнкö уджалёны. И мыйла тöлын локтöмаöс археологъяс? Век гожёмынджык татчань кыскыссыöны-а. Пыри, виччыся, а гöстя оз пыр бöрсянью. Бара петi, а сiйö нин бöр мунö вöрланыыс. Ме сы бöрся. Ольга, мися, постой, тайö ме, Куржым... А сiйö сёмын бергöдчылас, серёктас да водзö мунö. Ме мый выныс вётöда. И суи од. Кыдз тай сывъяла коскёдис!..

Видзёда, а кыдз пу мыр сывъяла ас судтайс. Ачым пидзёсöдз лымийн. Кöмтöг, улыс кышöд кежыс... Войбыц сэсся эг вермы узыны. Мый тайö? Абу Мича Ичмоныыс? А татчö од унаён нин вошины. Оти пöль почсö катöдас отсасыны. Пöчыц петас войнас кокнёйдчыны. Кёнкö онi на «кокнёйдчö». Том морт, дас вит арёса, дас арёссяныыс вöрын, дядыыскöд кыйссыёны, мунас пастуйсö кыйны, а бöр оз и во. Лы ни ку. Да мый сэн важсö казытывны. Тöрыт болгарин воис, бöрдö, вердышт пö. Судзан синнад туйёдзыс, машина жургöмыс лöнь поводдяö кылö, а сiйö лунтыр гöгралöма, войнас узьёма пу улын да мёд луннас сёмын менам керкäö петёма. Том ныв пö менö йöйтöдлiс, век кытчöкö корö...

Дыркодь на ми лёвтім, мыйла тадзи каститчö йöзыслы, мыйла öткымынъяс «куим пожём костö» ылалöны-вошöны, но öти кылö эгвой. Менем кажитчö, кор дыр он узълы муса анькöд, сэки и сывъялан кызд пу мыртö, Куржым эскö куломаяслён ловлы, ортлы, Райрыб ставсö шуö вётасьёмён, а Лейтенант — лыйны по колö сэки, со и тöдмалан, вёт али вемöс.

— А коз пу дорöдзыд ме эг волы, ог пöръясь, нинём ог тöд. Кывлї, дерт, но эг аддзыв, эг. Кызд шуласны, идеяыс, духыс выйым, материяыс абу,— шуис да гылыда зэв серöктis Куржым, кор юалі ме сылысь коз пу йылысь, кытчö пасыйсыомаёс Макар да Марья.

Куржымысь ми мёдöдчим ёна тыраджыкось и пыжын, и юрын. Куржым Гöнъ козыналіс миянлы гёрд чери тшытшён морт вылö, гётыръясныдлы по гёснечтор. Збыль, вölöмкö, гыж увсыыс сетас-юкас, абу горш мортыс. А юрё колис аслам кывкортöд; некутшöм Мича Ичмонь абу, «съöд каля» миян туйлы паныд оз сувт. И, көть ми эг и волой сэтчöдз, кытчöдз кёсийис нүöдлыны, вайöдлыны миянöс Райрыб, но ми век жö волім пошти Мозын йылöдзыс, некутшöм коськ, Бергöдан ни Юрбитан, эз бергöд миянöс ни юрбитны эз тшöкты. Ставыс лоö бур и ми регыд воам асланым гортьясö дzonьвидзаёс. И тайё медся ыджыд козиныс миян ичмонъяслы, асланым дона гётыръяслы.

А съöд калясь, ва катшасы, кызд шуис Куржым Гöнъ, ме вöча чучела да öшёда ииркö, мед качайтчö-лэбало да оз повзьöдлы йöзсö. Съёлём вöлі небыдджык нöшта на сылысь, мый Райрыб менем воис съёлём вылö, некодöс ме дырий эз дойд чорыд штрапöн, быдöнлы, коді паныдасыліс ю вылысь көть ю дорысь, висыталіс кöні да кызди колö кыйсыны, кытöн да мыйон оз позь. Лабутной сёрниа, киргыс гора сiё некод вылö эз кыпöдлы ни пистолетсö, ни весиг сёрни руссö. Весиг мёдарö, вöлі менем жалькодь, мый омоляджык пöртö олёмö сы водзö сувтöдöм могъяс. А öд оз сöмын пыжён дзижъяломысь сылы мынтыны удждонсö, си мында бензин со бырёдим и...

Но, сöмын петiм Куржым керка дорысь, пыж бёжын пукалысь Лейтенант кайис пыжнас изъя кёж вылö, мый, тыдалö, важён нин виччысис миянöс ва улö дзебсöмён. Эз сöмын винтыс моторлöн чеглась либо, кызд овлö, шпонкаыс ор, моторлöн ставнас кокыс кусынътчис. Пыж бёжö вуджис пыж нырын öнöдз на куйлысь-шайчыс мотор. Бур, мый сiё абу на удитöма сэні сiмны, öдйö и кывлысис-ыркнитис да тэрыба босытчис аслас уджё. Но öнi нин ковмис повны: а тайё кö «доймас»? Пыж бёжö пуксис ачыс Райрыб. Сылы тöдсаджык ва туйыс. Петiм, дерт жö, рытын нин. Луннас неуна узыштiм да öнi синъясным вöлiны каньлён кодьёс. Сувтлiм на Иван Öней дорö. Сыкод дыркодь мыйкö шöпкöдчис Райрыб да лэччöдiс сылон кумысь ведра чери. Пöлянин станын некоді жö эз тыдав. Но тайё, дерт, эз висытав, мый став «чери кутшыс» пышийис миянысь повзьöмысла. Райрыб тшöктis сюся видзöдны миян водзысь и бокъясысь. Медся уна «чери кутшыс» по танi овлö.

Видзода ю шöвкön лöстались пемыдас, и юрё бара воёны быдсяма мёвпъясыс. Оломуд тай юыс кодь жö и эм. Кытi лöнъ, кытi визув, кытi лыя, кытi изъя, кытi йир, кытi ляпкыд, кытчö и дзебсöма кёжъя дiтор, он тöдлы и жугалан, люкасян да. Зэв съöкыд катны Мозын кузя. Нэм кежлö вурысалома съёлёмöс ныв-

зон пансян кадо «турпоходыс». Весиг кыттігөн век коло волі сынны сізд нин мудзомыслар лёттаялысь сойяслы. А оні со кыттам да быттөй кыр йывсянъ исковтам. Пемыднас, дерт, озджык төдчы, а векжо лайкмунлө лолыц дженеңыц да крут косыкод кыттігөн, съёломуыц качайын моз горшодзыц кайлас. А сэсся бара лоңь да вильыц.

Мозынй да вердись-удысый, ловъя ваа юй менам. Став олёмөс ассым муртала ме тэнад этшон. Уна менам лои кыттомуаткатома тэнад гыяс выйті, тэнад лыа джум вывъясо дзужгысылёмён да изъя, визув косыкъясод вермасъомён. Ва ув мыр вылә сибдылёма и изъю люкасълома и, төв бёр парусон катломуа и, төв паныц пельсөн кыттломуа. Ставсо кө отлаавны, кымын сурс верст лоў? А кымынысь войны пондыломуа! Дасысь унджыкысь нин, ийз отсогон сомын онодз ловъя. Петыр-Павелыс-ё, Вежа Степаныс-ё, поль-почъяс-ё, ай-мамо-ё век на отсаломаёс, век на ме налён моздораныс ичот кага, век на малалоны юрөд... Мед эсько и водзё на кыттис-катис менам пыжой. Мед эсько уна нэм на кыттисны-катисны тэ выйті пыжаяс...

**Шыр кыттё-като**  
**Катша коя пыжа...**

Тадзи коркё сывліс Палой почё, коді оліс му вылас пойти сё арёсодзыс, көть быдтыломуа версттөй йозодз дас ныла-шиаёс. Гашкө и збыль, абу нин сэтшом «чери кутшъяс» тайё кыттысь-катастысьыс, а шыръяс моз канысь дзебсясигмоз перийны аслыныс кынёмпöt. Коми му вылад тай оз быдмы ни яблög пу, ни арбузыц, ни бананыц. Во джынийыс — джуджыц лымъя төв, көдзыц да скёр. Воссылас вавыс быттөй здук кежлө, пасъодлас вёр-вавыс ассымыс сыв-сора пасъыц сывсө. Кыдзи нё он босыт сылысь, кор ачыс вөйтө. Нэмъяс чоҗ тадзи волі. «Шыр кыттё-като». Кутшом сточа шүёма, быттөй тшупома ләчыц черён.

Кыттам тадз быдёнлөн аслас мөвпъясөн, и друг ме адда, битор югнитіс ю отиладорас, сэсся и мёдарас сяянитліс. Ва веркостыыс быттёкө пыжа вуджортис-вуджис. Ертъяс, тыдало, аддзомаёс жо, Лейтенант пищальс шамыртис, капитан Райрыб ёддзодис моторлысь ѡдсө. «Кылодчоны!» — городчис меным пищали пыж ныр видзысь. Пыж бөжсянъ качис ракета. Абу на, тыдало, бырёма Райрыблон. Гёгөр югзис. Райрыб кусодис моторсө. Но некод некытён эз тыдав. Пуксом чөв-лоняс, сэтисянь, кытчо вуджис пыжыс, кыла вашкодчом: «Тэрмас! Тэрмас, шуёма!» Быттөй ва горулас дзебисини, оз тыдавны йоз ни пыж.

— Не пойман — не вор, — рочасис коркё роч кыв велодысь да вёр-бадыланыыс, кысянъ кыліс вашкодчомыс, городчис: «Но, Чери кутш, сюран на менам киясө! Тоди од голосто! Но оні ме ді костас ог пыр. Модысь. — И бара кыліс сыладорсянъ, кён берегыс кажитчис кык судтаён, гидз-гидз кодкө сероктис, он по босьтой миянөс. — Но кёні кылодчан куломныс? — Мод дай коймод ракета нин качис енәжё, а ми ог адзой, кыдзи чайтим, вай кольом кыйсян көлүйс. — Сэтшом тэрыба али мый кыскис васыыс Чери кутшыс? — Воломкө, тадз шуёны макарыбса оти айкаёс.

Войнад чериттө ме сэки эг на кыйлы да ог волі гёгөрво, кыдзи да мый сійё «кылодчомыс». Юалі отчыц Макарыб грэздын оти төдса ордын шойччигөн да дзик серавтөг тадзи висыталис: вуджодам по куломсө берегсянъ берегё, ләдзам помъяссө, и сійё кыттё ачыс

верст мёд-каймёд. А ми чай юам берегын. Сэсся вётёдам да кыскам кулёмсö кёджъя ластаö.

Дерт, тайö тóдтóм мортóс бёбйёдлём.

«Кылодчоны» веќджык кык пыжа. Лэдзасны ыджец синма кузъ кулём öти пыжсяныс да вуджёдасны мёд помсö мёдар берегас. Сэсся и кывтёны пыжъясён кыкнан берег дортыс, куломъяссö топыда асланыс кутёмён, мед эз кылавны помъясыс ю шёрлань. Сиблёгъяссö водзвыв идралёны. Чериыд войнас, тыдалё, омёляджык аддзö мортсыд, сидз и дзугсö дзугтой моз.

Миян «кылодчысъяс», тыдалё, сёмын на лосьёдчомаёсъ лэдзы куломнысö ваö, либо кыломаёсъ мотор шытö да удитомаёсъ нин лэпташыны.

— Но и мед, көсъя кё, меysь найö некытчö оз пыштыны и гортсыныс аддза,— кинас öлыштис Райрыб да таркнитис моторсо. А öд и збыль, кутшом көть керкаö эн пыр Макарыбö Райрыблы да шу: мынты медичёт штрап чери кыян Правилö торкаломысъ, а то ме кута коркё чери тыра пыжнаныд да ковмас вояс чёж мынтысъны штрап донсö. Коди пыксяс вит либо дас шайтысь, кор верман весъкавны «сюрсъяс» улö либо весиг тюрьма пельös сісттанинö. Танi кыйсö быдён: поль-пöч и посниулов, он шу верстёй йозышы.

Но и кольччой, «чери кутшъяс», а ми кывтам водзö. Енэжыс, кажитчö, югдыштис. А юрын сёмын моторлон зынъгомыс: гор-ртö, гор-ртö, гор-ртö... Дозымын нин лои, öдийджык эсъё сёстом вольпасьё, гётырлон шоныд яй бокас жмитчыны. Кёдзыдыс ва вылын лысъёмтö нёнялö. Мотор дорад онджелик кынмы, сэнi вörны колё, а пукалигад изёмтытöдз лоё. Сы вёсна эсъё тшёкыдакодь вежласям, но шонавлам сёмын ломтём керкаын. «Еджыд юра пась» бырёма ташка-ногъясысь. Аттьё Кос Колълы ыджецсъис-ыджец брёдниясысь, көть и шлоп-шлопкылö берегö лэччан да, ва вылад быттьё пачын кокъясыд. Но овлö, и найö дубалёны пукалигад.

Веськыд вомынöд кывтам. Ылодз тыдалё-лосталё ва веркёсис. Видзёда водзлань да казялi, ю бергёдчанинсян миянлы паныд пыжа петис. Катё и катё, веськыда миян вылö. Ва туйыс Мозын йывланын öти, кежан, верман и кёж вылö либо из вылö кайны, кыдзи водзынджелик миян артмис. Со и катё пыжыс сийö жё ва туйёдис, кытгi и ми. Миян пыж ыджец, сёкыц, бергёдны öдийён он вермы. А локтысъис, аддза, кокни пыжа, нырыс вылын, отка морт, тыдалё, катё. Но мыйла нё ньёти оз кеж? Оз аддзы бёжалысъис? Узьё?..

— Миянöс кёсёй люкавны! Пёдтыны!— кыла, горзö Райрыб. Сийö талун мотор сайын.— Тёдö, «рыбъяс» кывтёны! Но паразит!.. Тёда ме найöс, макарыбсаясёс!..

— Кежёд! Кежёд шуйгавыв!— горзам ми Лейтенанткёд. А пыж уйгё-мунё веськыда миян вылö. Ми кежыштам, и мёдис сэтчань жö.

— Ракетатö!!— горёдчис Лейтенант.

— Абу-у!!! Быри!!!

И сэки дум вылам уси, эм зептам фонарик. Тэрмасьёмён перий, сякнитис би югёр, но вёлi нин сёр. Мортис и збыль копыртчöма — узьё мотор саяс, сёмын кутшомкё пытшкёсса «компас-маткаыс» веськёдлис пыжнас. Аддза, лэптиc юрсö узысь, бергёдис рульсö, но миян пыж, ньёжмёдём öда нин, зутшкысис сылон пыжо. Пемыдьыс нуис люкалом пыжсö кытчёкё сьёд вёрланыс, а мортис пондис лёк горён равзыны-киргыны: «Пёдтинныд öд!.. Пёдтинныд öд!..» Сэсся нинём эз вермы шуны, сёмын кылiс вайын буль-

тыкасъём. Фонарик югёр улын тыдаліс, мый пыжыс люкасъёма берегё, мортыс эз тыда. Менам съёлёмой кайис горшодз: «Вомыныс йир, мортысвойис... Эз кө удит кутчысыны пыж дорышас». Пелысъясон ёдйөджүк сынім береглань, пыжлань. Мортыслон чурвидзис васыыс сомын юрыс. Но кияснас топыда кутчысыома пыж набояс, долис сомын ётитор: «Пёттінныд... пёттінныд... пёттінныд...»

Мортыс волі зев код. Оз куж весиг берегас қайны. Кор сійос шыбитіс пыжсыс, ю шобрас на, кор зурасим али кор аслас пыжыс ёдбывысын сутшысис берегё, эз и вермы весиг бөрас висъставны. Но моторыс эз нин уджав, кор ми матёдчим. Ва-боть котасъом мортос кыским асланым пыжю. Сійо волі кулома кодь рабзъом лысъома. Сылон пыжын джынвыйёныс солькъяліс ва. А вайс кито сотас, сэтшом көдзыд. Октябрь, гётэрвоана. Пыжсыс васо койим, домалім асланым пыж бёжю да мёдёдчим кывтчюс. Вомын юрас керка тыдовтчыліс, берег дортыс кывтім да. Сэтчю и мёдёдчим.

Керка волі шоныцкодь на, но пес волі дась да ми пыр жо ломтім, мед оз кынмы вўйлысь морт. Ва пасъкомсö пёрччалім. Керкасын сюрис важ фуфайка да вата гач. Көмөдім-пасътодім сійон. А кодалысь век сомын и долью: «Пёттінныд од...» И некоді ого төдй тайё мортсö, ни гёлөс сертиыс, ни мығор сертиыс. Тушаыс абу ичёт, крөвать кузя лои, водтодім да, чужомыс польлон кодь чукырөсь, но ус-тоштөм. Оз матькы, оз лёккыс горзы. Тыдалю, ассыс мыжсö гётэрвою жо. А сэсся неуна паляыштіс да шональштіс да корны пондіс: «Винасö вайё, винасö...» Ми шуам, абу по миян, бырис. Но Райрыб и татчю аддзис аслас дзебасысь стокан джын водка. Көдзыдсыс век на тірзысь «поль» каркнитіс да здук мысти шуис: «Этша... Ноптаяс менам... ноптаяс...» Ме котрті пыж дорю. Пыж нырас и волі ноп. Бура съокыд, быттю свинеч ли из течома. Вайи, сеті. Перийис доз, юыштіс гоньсяныс. Пукалыштіс да юаліс: «Мый нө лоис? — гёлөсис волі мёд кодь, небыдджык. — Коні ме?.. Кодъяс ті?..» «Войлін тай», — шуам. «Войлі? Кытчю?» «Ваё». «Ваё?.. А пёрёкыс?.. пёрёкыс коні?.. Кётасъома... дерт...»

— Да тә тай абу-о Сандыр Вань? Чери кутш? — төдіс медбөрын мортсö Райрыб. Воломкю, Чери кутшон нимтёны-төдёны миянён люкалом пыжён бёжалысьсө. — А тә ас керкаад, Вордын.

— А ті кодъяс? А-а... Р-рыб... Эт-тайё? Но-о... М-милиция?.. М-мый тян колю? Вина ме ог сет... Коді татчю корис? Мый тані воччанынды? — дивуйтчю выльон на, гашкю, мёдар югыдысь вобом морт. Но мый сійо аслас керкаын татшом (воломкю, веркаыс и збыль аслас), сійос чуймодіс жо. — А конёс?.. — и эз помав.

— Кодъяс? — юаліс Райрыб.

— Поптаяс. — вочавидзис керкаалон көзяин да весиг нюмыс петіс.

Серав көть борд. Сандыр Ванлыс дозсö бырёдім ми ётлаын. А сійо и шую: «Эм на эсько мёд, но ог сет. Колю?..» — и бара эз помав да гораджыка нин сероктіс. А сэсся друг шыбитчис бор крөвать да пондіс видчыны: «Ті — лёк йоз... лёк йоз... Муной тась... Муной... — И пондіс шкоргыны-узьны.

Асывнас төдмалім (mortсö ётнасөн эго кольой, узим сэні), мый Сандыр Вань — Чери кутш кывлома гортас дроб-пёрекла (дробийыс и съокыдыс волома ноптаяс). «Пыж тыр тюксей тёрыт лыйи, — ошийисис. — Зарад бырис. А тюксей век локтю и локтю, пуксю и пуксю. Мича Ичмоня вомынас пась-усьо чойыд, быд арой... А мый оні воччны? Ковмас бор кывлыны дроб-пёрекла...»

— Мича Ичмоняйд на көсъяныд катны? Пузла сайёдз?— юалі ме.

— Мый тэ, друго, вётасян кё-а. Ми, макарыбсаяс, некор оғо катой Пузлаёдз. Чери-яйыд и матысъджык шедас.

— Мича Ичмона шуин да.

— Тайё и Мича Ичмонаяс.

— А мыла Вёрді керка?

— Катыдынджык ді артмома важ ю пёлойён. Вот и шуны пондомаёс. А поль менам Мича Ичмонаён на сомын тёдіс.

Со мый, сіздкө, Мича Ичмонаён нимыс и мёдаё на кольёма, кывтчөсө. Мыла эськө? Ме юалі та йылысь Сандыр Ваньлысь, но сій шуис: «Ог тёд, збыль-ё, абу, но сомын та гёгрын да сэн, вылын, быдмө марьямоль дзоридзыс. Гашкө, сійон, мича ичмона кодь дзоридзыс да».

— А важ йозлысь казтылёмъяс мыйкө мёдтор йылысь тёдан?

— Мойдъяслы ме ог эски. Ен перна ог новлы.

Тёда ме, быдмө тайё гёграс марьямоль дзоридз. Но мый сы вёсна Мича Ичмона? Менё весиг шогодіс. А кыдзи нё легендаяс? Куржым?..

Думё усьёма и Райрыб.

— Дак кодъяс нё найё воліны, эз кё ачыс Чери кутшыс?— мёддочигён на юаліс то ли ассыс, то ли миянлысь Борисов-рыбинспектор.

А мёддочим ми югыдён нин. Сандыр Вань колис на ас керкаас, а ми солім нин пыжо.

— Тюксей! Тюксей!— друг городчис сій шерка дорсянныс.— Оття. Видзёдой! Лайой!

Мыйлакө, меным, Куржым кылён, восёттөдз нин лоис лай-сьюмыс да эг и вёрзыв пуксянінсь. Берегын на суаліс Лейтенант. Тшапнитіс пищальсө пыжысь да, кыдз меным кажитчис, витыштыг көзнатіс. Чойж, коді ләбис ётнас ва бердтүис, пласкысис ва выло да бергөдчис кынёмнас вывлань.

— Көть и милиционер, а, нином тай, инман,— ошкыштіс миянлысь кыйсысысь ѡчып кутш нима кыйсысысь-вёралысь. Меным лоис весиг шоныдджык, быттө менё тшотш ошкисны. А Лейтенант шога шуис:

— Тайё волі менам медброя патрон.

Сіздкө и бур, некытчё нин ог манитчой. Босытім кывтіганым чохтө вавысь, медброяясь ѿльштім кинаным Сандыр Ваньлы, коді ньоти эз висьмы, волі югыд син-пеля да вильыд кыла.

Ми водзё кывтам гортлань. Со и Удж ю вом. Юсё, тыдало, сывысь шуоны тадзи, мый сомын татчодз и като да пырас юас кульмыны удж чери, мёд ногён кё, нельма. Но борбя кадо, йоз висьталом серти, удж чериыс шедё вывті нин шоча. Воас кад, и некоді нин оз поңды тёдны, мыла тадзи нимтыломуаёс Мозынё усысь неыджыд юсё. Чайтасны, дерт, мый кодкө сэні ёна уджалома либо ачыс юыс сэтшом уджач...

Ок да ок, коми кылой да съёлём дойдысьёй, поль-пöч гольёмой да ай-мам сёрний. Коми му вылас коркө, гашкө, коми нимъясыс и кольёны сомын, но и найёс некоді оз поңды гёгровоны, мыла сізді шусъоны. Волі ме ётчыд Эжва бердса Вомын сиктын. Юася ётилысь-мёдлысь мыла тадзи шуоны сиктсө. Некоді сточа эз вермы висьставны. Налён вунёма нин вомын нимыс кывтось юясын да вуджёдёны рöч выло вомынсö — «во рту». Туис-керёс сиктын нимсö вуджёдёны сюмёдлысь вочом туис ним кузя.

А ёд Айкинасянь татчö туйыс локтö, юсö вуджас да, керöс вомён кайёмён: туйыс — керöс. Тысы артмёма, ме чайта, сиктыслён нимыс. Унатор вунё олёмад. Кузя қыссöй мү вылас олёмыс. А быдтор тöдны кöсийсъяслён нэмныс дженьыд. Со и корсöёны кытысъкö кодзувъяс костысъ откымын нимъяс. Шуам, сïйё жö миян Мозынöс босытам. Коди кыздзи и оз восыт сылысъ нимсö: рочъяс, дерт, меженъ кылысъ, налы абу коми нимыс, ни йöзыс сэні эз овлыны наöдз. Удораö тай кörт туй воис да уджнас веськöдлысъыс чукортчом йöз водзас сïдз и шуис: мы по проехали по местам, где еще никогда не ступала нога человека. Быттьёкö коми вёралысъыс абу морт. Сïдз жö и гижисъ-сëртысъ войтырлён артмё. Важён тай, мыйлакö, август тöлысъсö моз тöлысъон шуломаёсъ коми йöзыс. Мыйысъ? Мукöдлаын и тувсов чарёмсö лымыйсъыс шуёны мозён. Сïдзкö, тайö кутшöмкö эжöс. Ва эж вывсö буретш август тöлысъын вевттьö вöр пулён да быдсяма быдмёгыслён киллыс. Берег пöлён да лёнинъясын вавыс «цветитö», вевттысъсёма öшкамошкä кодь кенъён. Гашкö, тайö и эм мозыс? Да Тиман Изыйсъ петём сöдз вавыс визувтö мозынöд вaa берегъяс костт? Но мыйлакö, откымынöн корсöёны талунъя сëрнивъсъ сöмын: ме моз, м"оз кывъяскöд йитёны нимсö Мозын юлыс...

«Ой, олём, олём!»— шулис поэт. Бурджыка да мёрччанаджыка он и шу.

Мозын йывса ичётик грэздын олысъ-вылысъ, лабутнöй сëрниа олёма морт оз эски йöз пель-вомё кольём важся олём-вылём йылысъ «мойдъяслы». Кыськö ме лыддыл, мый мортыс дивёыслы эскöмнас и торъялö пемёсъысъ. Кольём олёмас он кежав. Но гё-гёрвоны сïйös позьё öти здук кежлö сэтчö косаломён...

А со и Дзоридза ласта. Тадзи ми нимтим Изъядор коськ юрсö Мозын йылö «турпоходö» катигён 14—15 арёса «бурлакъяс». Нимыс кольёма онöдз йöз вомё. Коди сïйös паськёдис? Сан Саныч? Мартын Лёш? Али Паркач? Ставныс найё рöдвужнас пырёны татчöс муссö. Али «слöбöдса манзей»— нывъяс, кодъяс колисны сïйös асланыс рöдвуж чуль-чальы, коть асыныс и эновтисны татчöс му-васö? Али менам коркö отчыд татчö волём бöрын сибдис тайö нимыс? Кодыкö-мыйлакö ним сетёмыс — ачыс дивö кодь. А сэки, кор ми татчö дзужгыс им пыжнаным Изъядор коськ вермём бöрын, Сан Саныч шуис:

— Ме петкёдла тiян дивö.

Кутшöм дивö ми виччысим? Дерт, быдён ассыыс. Но, кор берегдорса бадьсö вуджим да миян водзö востис дзоридза эрд, ми ставён быттьё кынмим сулаланнаным. Миян пöвстисъ некоди на, Мартын Лёшисъ кындзи, эз аддзыв татшöм ыджыд дзоридзсö вöрысъ ли видз вылысъ. Кисьмыны пондём öмидз рöма дзоридзясыс вöлiны миян ки пыдёсъяс пасьта.

— Тайö марьямоль,— висыталис Сан Саныч,— рочён кö, пион. Верманныд босытны гербарий вылö кык-ö-куим роз. Сэсся оз позь. Миян вöръясын тайö, кыздзи мойдын Аленъкий цветочек, зэв гежёда быдмё. Некор та йылысъ энö вунёдöй.— Сан Санычлон тайö вöлi миянöс кывнас дзик öти велёдём. Тöдмалi нин ме ёна сёрон, Сан Саныч вöлёма биологён, района школаясын сэки дзик öтик ай лов-биолог.— Кыздзи ме тöда, марьямоль быдмё нöшта миянын сöмын Сёльыб сикт дорын,— содтис пыжö пуксигён.

Тайö ставыс и збыль вöлi миян дивёён.

А уна во мысът, армияны служитигён ме аддзи тайö «дивёсö»

Рига карса клумбаяс вылысь. Тайё карас сійё вölі синъяслы пöтмён, Но, меным кажитчис, рöмыс сылён вölі лöзöват, абу Мозын йывса кодь. Гётрасьом бöрын ме волі Сёльыб сиктö, кытысы и вölі вужъяснас менам гöтырой. Сэні меным бара петкöдлісны тайё дзоридзсо неыджыд вöр ю пöлöнысь. Сэк жо майдысны татшом «вöвлöмтөр».

Овлома Сёльыбас Ион нима зон. Вöлöма на тайё царьдырся олан кадö. Гётрасяс, а колö нин вöравны кайны. Угодьёыс вöлöма Мозын йылын. Весьтас кö мунны, кöдж пыр, нелямын кымын верст, пыжён — куимсё саяс. Но быть катны пыжён. Кыдзи эськö кыйдöстö гортöдзыд воштан-вайöдан. Ион, дерт, каяс пыжён-пельсöн. Аръяс. Гажыс быро том ичмонысь да Ен лун кежlö и гортас лэччылас лызыён-лямпаён, дона куяс сьорсыыс лэччöдас. Рöштво сёяс-юас да и бöр утёвтас вöраланiнас, мед кыйсыыштны на да тулыснас ва воссьюм бöрын и кылöдны пыжён став кыйдöссö. Вöралö-кыйсö тадз и век мёвпалö аслас мича да статя ичмонь йылысь. Воас öтчыд кыйсяннысь, пырас чомъяс, а сэнi... гöтырыс пукалö.

— Бать-мамкöд мыйкö лои или муй? — повзяс Ион. — Мыйла тэ воин татчö?

— Бать-мамыд дzonьвидзаöс. Но менё ыстiсны тэ дорö, омольтчомыд по зэв ёна да отсасыны.

Отсасыны кö и отсасыны. Ачыд бöр пышьян, кор панялыштан татчöс роксö. Тадз мёвпалö верöс, а гöтыр оз и кöсийв лэччыны гортас, пюö-пöжалö, вурö-дöмлö, горт олö, войнас сывъялö шань верöссö, ай ловсö сылысь пальёдö... Олiсны тадзи кыкён ва воссьютöдз, пукисны пыжö и кывтöны. Ион бöжалö, том ичмонысь öпаснöй — малльён сынö. Макарыбö тшукаласны, Слöбодайын узясны. Водзö кывтöны. Бöрын нин Разыб и Ёлькыб. Со и медбörя мег, Сьöд пераён шусьö. Сöмын на тыдовтчасны Сёльыбса гажа ыбъясыс, гöтыр сувтас пыж нырё да и шöу: аттьö, Ион, став бурсыц! Прöщайтлы. И сунсяс ваас. Буретш медся ииринас, сьöд пера кöтшас весьтас. Ион тöкötö оз йöймы. Ыджыд тувсов ва, ытва. Бöрдны пондас айко, том да яр, повтöм да сюсь. Бöрдöмён и гортдорса ластаö тшукаас пыжнас. А сэнi нин ай-мамыс аддзöмäöсь öшиньöд, воча петiсны. Накöд и... гöтырыс, том ичмонысь сылён, мича ичмонысь.

— Тэ нö меным вержитчан или муй? Кастигчан меным? — синва сорён юалö гöтырыслысь Ион.

— Мый тэкöд, пиö, мыйла тадзи голян-сёрнитан? — юалöны ай-мамыс. А гöтырыс и юавны оз тöд мыйысь тадзи бöрдö верössыс.

— Тэ жö ваö шыбитчин, — шöу Ион да висыталö ставсö, мый сыкöд вölі тöв шöрсянь талунöдз. Дерт, батыс да мамыс чайтiсны, «вöрзис» дона пинислён юрыс. Корисны тöдисьсö да уна пывсян бöрын сöмын Ион пондiс эссыны, мый узылö сiйö онi аслас гöтырыскöд.

— Со тадзи ворсöдчывлö Мозын йывса Мича Ичмонысь, — помалiс ассыс висытсö пöль, кодлысь ме ньёби чери видзöм вылö пу латш, дозмук, бöчка сяма, кытчö тöрё пуд чери.

А мыйла Сёльыб дорса Лэба ю пöлön быдмёны марьямоль дзоридзяс, тöдись меным эз веськавлы. Унатор вунö олёмсыцд. А нöшта сэк, кор бирöдöны морт сьёлöмысь эсköм. А öд сiйöс миянын сизимдас воысь дыр вölі бирöдчöны.

— Капитан! — горёдчи ме Райрыбы, кор тыдовтчис Дзоридза

ласта.— Тшуклы берегас!— кинам ёлышті, мед гёгёрвоас, оз ёд бура кыв мотор шы улас да. Пыж вёчис кытшов ва вывтіыс, мед матёдчыны изъя берег дорас катчёс нырён да дзужгысис-пирис кёжас.

— Мый лоис?— юаліс Райрыб.

— Ас могён.

— Сёмын на петім да?

— Бабалы кага вайны да мужиқлы асмогасыны оз ков тшёктыны.

Чеччи пыжысь да которті сэтчö, кён коркё быдмисны марьямоль розъяс. Эрдис тырёма нин том пусын. Но на костысь ме аддзи нырмом да шупалом нин вужсянныс гёгёрён водалом пошти чунь кызта идзъяс. Тайё, дерт жё марьямольлон. Ме пуртнам кодайшті да перий идз подйыскод дзоридзлысь вужсө. Нырам сапнитіс больнича дук. Висыталоны, тайё вужыйыс по бурдодё мортос съёлём висьомысь. Ме пукта тайё вужсө гортса ёшинь улёт, мед быдмас. Та йылысь и висыталі аслам ёртъяслы, Райрыблы да Лейтенантлы. Найё лэптісны менё серам йылёт:

— Көсъян быдтыны ёшинь улад Мича Ичмоньёс?

Налён шмонитомыс менам оні на съёлём пытшын. Ёшинь улын быдмысь марьямоль чукёрсө ме шуа Мича Ичмонясөн.

Тайён ме помавлі ассым висытёс уна во сайын. Но йозёдлөма эз и лолы. И чайта, дзик абу прёста. Висытыслон вывті нин мича помыс. А оломуыд, другё, абу сёмын дзоридз.

Кор ми воим горто, кыйдоснымёс, дерт, юким. Но съёд каляюс некоді пыжысь эз аддзы. Быттьё лэбзьёма. Со кыдзи сійё миянёс ворсодіс.

Лунъяс мысти меным звонито Райрыб: «Пырав, делё эм». Пыри, а сэні нин Лейтенант пукало, кырымпасъяс кутшомкө кабалаяс вылёт черкайтё. Воломкө, кыйсян правилёяс торкалысыас вылёт протоколъяс кырымало.

— И тэныд, кыдзи свидетельлы, коло кырымасыны,— Райрыб волі строғ чужёма, быттьё ыджыд юралысь, быттьё ми сыкод эг öти пыжын кывтой-катой дас лун чоҗ, öти пörtтыйсь эг сёйой ком ни чими чери.

— А кыдзи нё: «Не пойман — не вор?»— юалі.

— Кырымась, шуома, киад ва гадь оз пес. Озыр оз гольмы, гольлы — урок.— Райрыб волі ас пуклос вылас пукало, тёд, чери кыптысь. Сылісө волі гаровтёма шоныд чышьянён. Горшыс киргис, кажитчö, важсыыс ёндыхика на. Протоколо индом штраптаясыс эз вёвны гольмоданайс, кыйдоссө артавтёг, сёмын сыйсыс, мый кыйсис сэн, кытён быттьёкө оз позь.

— А Зампредлы векжо абу,— крукыштыны кёсий ме Райрыбос.

— Сійё — менам ыджыда, и ми аддзам öти кыв...— кёсийис на водзё мыйкө висыставны, но вомаліс Лейтенант:

— Ме юорті кытчö коло. Чайта, кывкорталасны.

Мый меным вёчны? Сёрнитан — кузь кыла лоан, чоў олан — кывтём. А веськыда шуомыд абу век на и веськыд туйёд муномыд. Шусин кё ельдөгөн, шуоны,— пыр чипышшо-нопий.

Ме регыд муні овны каро. Сэні нин юортісны: Зампредос вештёмаёс удж вывсыс. Жаль мортыс, но... Нёшта на жальёс

матысаджык тёдса ёртъясой: рак висьом көвъясъома голянас\* миян Райрыб-Борисовлён, кулома; аслас мотоциклён люкасъома вör тыра машинао милицияса лейтенант Сельёв Саш... Абу вермёма асьё бурдодны кутшомкó висьомысь да лэдзёма жё ловсö Хирург. Электрической токён сотчома электрик Веня. Ис ни ру вошома вёрё нэмсö вёралысь Опонь. Ловъявывсыс дзикöдз косьмома-съёдасьома слободаса рыбзор-моторист Борис...

Ми, дерт, некоді мёд нэм ог олой. Но тайё йозыс воліны пörнöй айкаяс, ов да ов эсъкó, а со... Енмыс видзö, а кульсыс он мын. А кёні найё олёны: чери кутшын-ö, съёд каляын-ö, Мича Ичмоныын-ö,— коді тёдас. Кызд огё нин вермёй тёдмавны и найёс, кодъяс коркó уна во сайын узымёдчылёмайс Мозын ю йывса коз пу уло. Кадыс унатор вуштö. Но кольёны олысь йёзлён пастяс. И на серти велёдчом йёз гижасны на кыз небöгъяс. Оло жё миян вежёрын коркó кодёнкó лёсъёдлём сылана майд:

**Шыр кывтö-катö  
Катша кёя пыжён...**



## **Чоломалам!**

*Нимкодь юёр воис Суомисянь (Финляндия).*

*1997 восянь Суомиса М.А.Кастрен котыр финн-йёгра кыв вылын гижёдъясысь куим воын ётчыдысь сетё литературной премияс. Сэки, 1997 воас, М.А.Кастрен котырлён литературной премияа медводдза лауреатён Комиысь лои В.В.Тимин «Мича ёма» книгаысь.*

*И со выль юёр. 1997—1999 воясö Россияса финн-йёгра кывъяс вылын петём гижёдъясысь М.А.Кастрен котырлысь литературной премияс сетёма:*


**Геннадий ЮШКОВЛЫ — «Бива» романыс,**

**Борис ШАХОВЛЫ — «Овлісны-вывлісны» романыс.**

*Пёся чоломалам Геннадий Анатольевичös да Борис Федотовичös гижан уджнысö суйёр сайын вылёт донъялёмён да сиам налы выль вермёдъяс!*

КОМИ РЕСПУБЛИКАСА ГИЖЫСЬ КОТЫР  
ПРАВЛЕННЬЮ

«ВОЙВЫВ КОДЗУВ» ЖУРНАЛ РЕДАКЦИЯ



\* Г о л я н - г о р ш (гольны — сёрнитны).



Анжелика ЕЛФИМОВА

\* \* \*

А ёти рытö  
тэныд ставыс мустоммас,  
Да петан тэ  
выль олём-вылём корсыны,  
Кöть эсько важас  
эн вёв медся шудтöмнас,  
Кöть эсько гажтöм  
съёлёттö эз босытлы.

Но окота друг лоас  
туйтö вунöдны,  
Няйт гураньясöд  
эбöс быртöдз лэбны,  
Мед важён пышёйм  
вильыш нывсö сүöдны,  
Да гусьённикöн кисö  
киад дзебны...

\* \* \*

Кöть и уськöдчылïн вётö,  
Лунтырён тай  
эн и паныдась.  
Арся зэрас  
съёлёттö пöдö.  
Код нин бара-й  
кутлас-шаньёдас.

Таладорас, гашкö, сэсся  
Он и волы, он и  
мыччысылы.  
Прёста эшкын улын  
песся,  
Восьса синмён тэнö  
виччыся...

\* \* \*

А синъяс кевмисны:  
«Эн мун...»

И синва шорё  
съёлём пёдіс.  
Сыд кок туйяслы  
Толысь-тун  
Виж джодждёрасö плавгис.  
Тёдіс,  
Мый тавой петан,  
быттьё шыш,  
Он весиг пёдлышт  
дзуртысь ёдёс.  
И катликасьсь муса мыш  
Пем вошас орчча парма лозас...

\* \* \*

Мусö зарниён коялö ар —  
Няйтсо дзебö.  
Луныс вывті нин  
Дженыыд да няр —  
быри эбёс.

Регыд, регыд,  
Он гёгёрво кысь,  
пужтор чужас.  
Сэсся енэжён пожналом пызы  
лымйё вуджас...

\* \* \*

Тöрыт на тривкъяліс гожём,  
А талун со шёчалö ар.  
Эг чайтлы, мый туйыс кык вожа,  
Эсько эг таласö гарта.

Мый дыра тэ бёрся вётча,  
Весиг он мыччывлы мыш.  
Тöрыт на гожомыс кёвтчис,  
А ар нин со сиралö пыж...

\* \* \*

Юбыд бисö эн вай биав,  
Пемыдінас пукалыштам.  
Менам киой  
тэнад киын.  
Пачын биыс лоңсызыс  
дышмё.

Сэтшом ёна быри гажой  
Тэнад кёрысь. Чеччö съёлём,  
Быттьё аддзодчывлім  
важён,  
Эсько песла петлін  
сомын...

\* \* \*

Эн гажтёмтчи метёг.  
Эн бёрд.  
Ме кытшовта мусö

И локта.  
Ог тёд на, мый олёмас  
вошта,  
А мыйысъджык лоа  
дзик пёт.

Ме локта.  
И тэ ордо бёр.  
Мед съёлёмой кузь туйысь  
сырмё,  
И бурдёдысыс сийёс  
тырмё.  
Сэн тэ.  
Сесся некод оз тёр...

\* \* \*

Ёна и «окаліс»  
яндысътём зэрыс,  
Питшёгёдз пыраліс  
вёсныдык ки.  
Буракё, прамоя  
дуб ванас «керис»,  
Съёлёмой пёгибё  
воштіс нин дзик:

Морёсысь чеччё,  
ни узьём ни олём.  
Врачыасёс корлі —  
ог нинёмён вись.  
Оз кё и октябрис  
ульсалём лолён  
«Керёмысь» мезды.  
Озты, мам, сись...

□ □ □

## «Би кинъён» гаж

Ноябрь 2 лунё Коми республикаса Виктор Савин нима драма театрын вёлі «Би кинъ» журналö гижысь-серпасалысь посни челядьён праздник.

Гажёдчыны, öта-мёдныскöд аддзысылыны волисны весиг Коми мулён медылыс сиктäясысь да грездäясысь нывкаяс да зонкäяс.

Став чоломаломыс, став козиныс, кодёс быттёкё сеталисны журналлы, збыль вылас, дерт, вичмис сылон том авторъяслы, зиль лыддысысысьяслы да медся сяма сылысь-йоктысыяслы.

Тайё Шойнатысысь кывбур гижысь Алена Макарова.

Медбур мойдьысёон шуисны Инта района Петрунь сиктäясысь Ольга Рочеваоц, а висътъяс медлоссыда артмёны вёлём Александра Паршуковалён, коди оло Кулёмдин района Мыс сиктын.

И быдёнёс аслас чуймёдана серпастясоң шемёсмёдис Сыктывкарса 17 номера школын велодчысь Александр Попова.

Вермыссясöс (жаль, мый на лыдё эз веськав ни öти зонка) «тыртисны» небögъясоң, видеокассетаясоң, шойччан лагерьясо путёвкаясоң.





Праздниксо восьтö А.С.Безносиков, республикасы пеcтьён весь-  
кёдланынса юралыс.



Өтувъя гаж.



▲ «Би кинь» журналса медшёр редактор А.М.Лужиковсянь че-лядълы чоломалана кыв.


◀ Сылёны-ворсёны Сыктывка-рысь ая-пиа, Горчаковъяс, Сеня да Александр Гениевич.



Национальной гимназии ссылысьяс.



Керчомъяса рочаканъяс.



Выльгорттыс «Виктория» шоу-балет.



Межадорыс «Колипкай» котыр.



Гажёдан сямнысö петкёдлöны одыбсаяс.

Снимокъясыс Р.Ногинлон.

# СЮСЬ ЗОНЬЯС ДА НАЯН ПОНЬЯС

ПЬЕСА - МОЙД

В О Р С О Н Ы:

ТÖЛЫСЬ НЫВ  
ФЕДЯ }  
ИННА } — велöдчысьяс  
СЕНЯ }

ФОТИНЬЯ  
ПАХОМ  
НИКОН  
ТУН — кимöститчысь, кöлдун

## ПРОЛОГ

Кылö музыка и занавес водзö петö Тöлышь ныв. Платтьö серъясыс быттьö ломалöны, кокошникас — чарла кодь тöлышь мыгöр.

ТÖЛЫСЬ НЫВ (сылö).

Со и бара пукис с вой,  
кодзуувъясан вöччис.  
Петис тöлышь. Сыкд тшöтш  
му вылö ме лëччи.  
Сыла, ѹокта, ворсышта  
му выв эрдъяс вылын,  
Менам гажöдчомлён гор  
мед и ставлы кылö.

(Агадзис зались челядьёс.) Ой!.. Тайö нö кодъяс?.. А-а... Видза оланныыд, челядь. Тöдмасямой. Ме — Тöлышь ныв. (Сылö.)

Ме — Тöлышь ныв. Да — Тöлышь ныв!  
И висътала ме стöча:  
Ме накöд ёртасыны пыр дась,  
Код сомын буртор вöчю.

Ме öд ёна радейта ветлöдлыны видзъяс-муяс вывтыйд, вörъяс-ягъястыйд да радейта солькöдчыны юяслён сöдз ваясын, пыр нимкодяся му мичлунён. А тi радейтанныйд ывла вывсö, вör-васö? Радейтанныйд кö, и бур. Вör-ватö колö радейтны и видзны. (Заводитlö сывнны, но друг лёккысь шувгöмён, шутёвталigмоз прöйтитö тöв.) Ой! Кутшöм лёк тöв ныр мунис. Тайö, дерт, пöрысь кимöститчысь, вöрса Тун. Кытчö бара сiё тэрмасьё-а? Чукöстла сiёс. Эге-гей!.. Тун!.. Волы татчö!.. Тайö ме — Тöлышь ныв! Кылан? Ме кöсся тэнö адзöдлыны!.. Гажöй тэысь бырис! (Кост.) Оз кыв али мый?.. Челядь, отсалой мем. Гёлöсöй слабиник да, тыдалö, сiё оз кыв менö. Ставён отлаын горöдамой: «Вöрса Тун, лок татчö!» Сёрнитчим?.. Вот и бур. Сiдзкö, öтик, кык... куим... Вöрса Тун! Лок татчö!..

Бара кыпто ён тöв, сэсся сцена вылö петö ыджыд ён тушаа морт. Тайö Т у н. Шапкатом, юрсиыс пöим рöма, тошкыс — кузь, пасътасьома мичаа серöдом маличäö, кокъясас серöдом жö пимияс.

ТУН. Ого-го-го-о! Со и ме!.. Ылын-ылын пармачуркса вўрын ола ме. Гулыд ягъяс-расъяс мичён нимкодяся нэм. (Сылёт.)

Ме — пёрысь тун...  
Ме — ён кёлдун.  
Мем дона вёрса мичлун  
И колё сийёс видзны  
И пёрысьлы и томлы,  
Кызд ассыйс лов, кызд томлун.  
И кытчёдз абу сёр на,  
Вай дорийй муса вёр-ва.  
Мед мичыс оз быр нэмис,  
Гаж сетіс тэд и меным.

Видза олан, дона Тёлышь ныв.

ТЁЛЫСЬ НЫВ. Видза олан, бур съёлёмма Тун! Кузь нэм да бур шуд тэд!

ТУН. Тэ менё эн ошкы. Менё од пыр на шулісны скёрён.

ТЁЛЫСЬ НЫВ. Тайё абу сідз. Тэ пыр волін строгон, но съёлёмайн. Но, збыль кё шуны, ме некызд ог вермы вунёдны ёти вёвлёмтор.

ТУН. О-о, дона Тёлышь ныв! Эн нин казытыв си йылысь. Бурджык, висъстав, кыдзи олан-вылан.

ТЁЛЫСЬ НЫВ. Ме ола бура. А тэкод мый талун лоис? Ышмомыд, тёв нырён лэбалан. Ми со челядькод буретш сёрнитам вёр-ва да зверь-пёткаос видзём-дорийём йылысь, а тэ...

ТУН. А-а... Видза оланныд, челядь. Зэв бур, ті кё тёждыянныд вёр-ва вёсна. Ме радейта жё вёр-вато. Но оні дыр узъсъома да кокъяс позялёмайтесь. Со и оддзылі песыштны лысъомёс да кокъясос. Лэбальшті...

ТЁЛЫСЬ НЫВ. А тэ ньёжийджык ризъяв, мед пуюсыс эз пёрласьны.

ТУН. Эн дивитой. Ышмывла корсюро. Шымыртас съёлёмёс кутшомкё тёжд либо дольдун, и-и... Некутшом кутёд.

ТЁЛЫСЬ НЫВ. Колё кутчысыны. А оні висъстав челядьыслы сийё вёвлёмторсё, кор тай тэ вывтіджык скёрмылін.

ТУН. Гулюй, тэ бара си йылысь. Ме көсъя вунёдны, а тэ...

ТЁЛЫСЬ НЫВ. А мыйла вунёдны? Ме чайта, мый челядьлы бур лоё, тёдны кё кутасны. (Залёт.) Збыль од, челядь?

ТУН. Лоё висъставны. Войывса карын, тасянь неылын, олісны бур ёртъяс: Федя, Инна да Сеня. Куимнанныс ветлісны «Вёрвалён другъяс» котырё.

ТЁЛЫСЬ НЫВ. Инна зэв ёна радейтліс лэбачъясос и гортас, садокъясас, видзис канарейкайсас да попугайёс, быдтіс дзоридзъяс.

ТУН. А Федялён аквариумъясас уялісны мичаник черияс. Сыськындзи, Федя ёна радейтліс техника да пыр мыйкё лосьёдіс.

ТЁЛЫСЬ НЫВ. Сеня радейтліс вёр-ва. Керка дорас пуктіс пужас да кустъяс. Весиг яблоня. А заводитчис ставыс тадзи...

#### ЗАНАВЕС.

### ВОДДЗА ДЕЙСТВИЕ

#### М Е Д В О Д Д З А С Е Р П А С

Карса лоңы улича. Некымын гыортём пу да киоск пельёс. Локтёны Инна да Федя. Киясас налён неыдкыд козъяс.

ФЕДЯ. Тёдан, Инна?.. Менам чужис мёвп...

ИННА. Диво тай... Тэ помся кутшомко мёвпъясён новлодчан. А кытчо коть эн кутчысылы, помодзыс нином эн на и вайдлы.

ФЕДЯ. А тэ век жо нин содтыштан.

ИННА. Войт ог. Челядьлон педальной автомобиль доро кёсилін лөсөйдны мопеддыс моторсö?.. Но, висстав, кёсилін?

ФЕДЯ. Но, кёсилі...

ИННА. И эн воч... Сэсся босытчылін кутшомко приёмник лөсөйдны, мед космосыс шыяс-юбръяс кыйны да йитчыны мукод цивилизацияскод. Кон нё сийо? Приёмникид? Чөв олан?.. А кор батызд сетіс важ мотоциклсö, ыштылін вочны сысьс вертолёт. «Вертолётон кута лэбавны!» Коні вертолётыд?

ФЕДЯ (ышловзъ). Сэтшом нин менам морттуйой. Воас кё юропыль мёвп, сийон бэзъя, а важсыс эновтча-кодзала.

ИННА. Эк тэ! Немтор помодзыс он вайд.

ФЕДЯ. Да? А тёдан, кодко лун ме...

ИННА. Но мый? Мый?

ФЕДЯ. Эштоді снегоход вочны...

ИННА. Мый-мый?

ФЕДЯ. Сне-го-ход! И весиг исалі нин сы вылын.

ИННА. Снегоход? (Серало.) Ой, ог вермы! Ой, серамос петкодлін...

ФЕДЯ. Он кё эски, оз и ков. (Кёсий мунны.)

ИННА. Но, ладно, Федя, эн дёзмы. Ме од сідз, шмониті. Ізйодны тэнё кёсий. Простит, пожалуйста.

ФЕДЯ. Дугда ме тэкод ёртасьомыс... Дзикодз...

ИННА. Тэ миян нывкаяс дырий эн болькнит аслад снегоходылысь. Найо сідз нин нимтоны тэнё бызгунён да Федя-ыкшапозён.

ФЕДЯ. Ме — бызгун? Ме — ыкшапоз?.. Тэ тайо мем висталан? Тэ?

ИННА. Мый тэ, Федя? Тадзисо — мукод, а ог ме... Ме тэд эска... Збыль!.. А кыдзи тэ сийос вочин? Снегоходсö? (Кост.) А луныс талун кутшом мича, лөссыд! Сывны окота. (Сылло.)

Лым чиръяс со усьёны,  
Водёны дзик гусьёник.  
Шебралёны мелі мам моз  
став вёр-ва, видз-му.  
Петёй, челядь, ывлАО!  
Гажа ворсой быдлаын!  
Хороводён кытшалой  
мичмодём коз пу.

Кывзы, Федя! А кыдзи тэ сийос вочин? Снегоходтö?

ФЕДЯ (неокотапырысъ). Мотоциклисъ...

ИННА. Збыльсь? Ислодыштан?

ФЕДЯ. Кёсий тіяны Сенякод виччысътом козин вочны. Аски Мир плёщадь выло карса ёлка доро снегоход вылын кёсий быйкнитодны.

ИННА. Ой, кутшом лөссыд! Молодец! Зэв бура мёвпыштомуыд.

ФЕДЯ. Сэсся карса уличъясод исалам... (Кодёсскo addzis.) Энлы... Со Пётинь тьёт воё. Бара сирабас, кутас велодны, кыдзи коло овны. Вай сайёдчылам.

Инна да Федя дзебсъёны киоск сайё. Тэрмасъёмён воё Фотинъя, а сылы паныд — Пахом.

ПАХОМ. Чолём, Фотиньюшка. Кытчо нин сэтшёмасö тэрмасян?

ФОТИНЬЯ. Козъяс по вайомаось. Некор. (*Саяліс.*)

ПАХОМ. Ставсö нин вузалісны. Мем со эз жö нин судзсы!

ФОТИНЬЯ (*воö бёр*). Збыль?..

ПАХОМ. Сё збыль.

ФОТИНЬЯ. Ай-ай-ай... Кыдзи нö козтöгыс? Мый нö вöчныс?

ПАХОМ. Ме со муна да сiйö жö и мёвпала.

ФОТИНЬЯ. Кызвы... (*Видзöдлö öтар-мёдарö.*) А мый эсько, асынм кö вöрас исковтлам? А?

ПАХОМ. Мый тэ? Сюран. А штрапыс тёдан мый ыджда? Кыксё шайт!

ФОТИНЬЯ. Ай-ай-ай!..

ПАХОМ. Сiйö — морт судта козыйс. А джуджыддыхык кö витсё!.. Да бур, сöмын кö штрапён мынан.

ФОТИНЬЯ. Ай-ай-ай!.. Колё жö!.. Но и олом пукис...

ПАХОМ. Онi козъястö ас вöляссыд керавны оз сетны.

ФОТИНЬЯ. А базар вылас, ларёкас, оз нин сэсся вайны?

ПАХОМ. Одвакö. Кодлы ёна колiс, важён нин судзöдiсны.

ФОТИНЬЯ. Ай-ай-ай! Со од кутшöм шог суси...

ПАХОМ. Фотиньюшка. Онi выль мода. Дзоң коз пыдди керкатö мичмёдöны коз лаптယасон. Ме со ларёк дорсыс куим лап босьти. Колёкё, отисё тэд сета.

ФОТИНЬЯ. Мун сэтыс! Сэтшöм нин ми коньёръяс али мый? Дзоляник козтö аслынм ог судзöдöй?

ПАХОМ. Тёнлун ме аддзылi магазиныс синтетической козъяс да, йойыц, эг ньöб. Мися, сы дiныс сир дукус оз кыв. А ме радейта, кор ныр розъясад сир дукус гильöдчö.

ФОТИНЬЯ. Кызвы! Никёньяслён козыйс абу на жö: Павлавыс мем закажитiс босьтны. Вай удж бёрас нүöдам сiйöс вöрö. Бергöдчам вой шöр гёгöр. Уличъяс вылын некод нин оз ло. Да и лесникъяссыд милициясаыдкöд стынитны нин кутасны. А ми сэк костi...

ПАХОМ. Гусясьны?.. Но-но, ветlöй, ветlöй...

ФОТИНЬЯ. А тэ?

ПАХОМ. Да ме ог вевъяв. Некор...

ФОТИНЬЯ. Эк тэ! Трус! Нöшта гач новлан... Ме тэд Выль во кежлад козин вöча. Важ юбкаös козынала. Сiйö тэныц ёнджыка лöссялас. Видзöдан тэ выло — ош!.. А збыль вылас — гаг. Тыфу! (*Кöсий мунны.*)

ПАХОМ. Да ладнö, ветла, инö. Никöныц кö кöсийсаяс.

ФОТИНЬЯ. Кöсийсаяс. Ышöдам! Онi сiйö буретш öбед выло гортас воис. Ветлам, сёрнитчам. (*Мунёны.*)

#### Киоск сайыс петёны И нна да Ф е д я.

ФЕДЯ. Со од мый мёвпыштiсны...

ИННА. Мунам милицияö, явитам.

ФЕДЯ. Милицияö?.. Ог... Менам чужис мёвп!..

ИННА. Дугды нин тэ аслад мёвптьясон. Абу од ичöt.

ФЕДЯ. Тэ войдör кызвы, мый ме мёвпыштi, сэсся вöлисти...

#### Тэрмасьёмён воö С е н я.

СЕНЯ. Козъястö базар вылыс ньöбинныц?

ФЕДЯ. Сэсъ. Но ставсö нин вузалiсны... Миянлы муртса и судзис.

СЕНЯ. Ак, сё морö...

ИННА. А мый тэ майшасян? Тіян ёд эм нин. Ме войдёрлун аддзыл: Лидия Ксенофонтовна вайис зэв мича коз.

СЕНЯ. Квайт весьт кузяйд нё мый?..

ИННА. Эн лёсьёдлы. Стöч мамыд судта вöлi.

ФЕДЯ. Энлы, Инна... Тэ, Сеня, меным друг?

СЕНЯ. Друг... А мый?

ФЕДЯ. Кывзы. Со танi, сöмын на, ми Иннакöд кывлiм, кыздзи кузь кывъя Пöтинья да рыхжой Пахом сëрнитчисны рытнас гусьоник мунны вöрö козъяс керавны.

ИННА. Ме и шуа: мунам, милициялы висьталам. Явитам.

ФЕДЯ. Эн торкав! Милицияö ми ог муной. А тшöтш мунам вöрö.

СЕНЯ. Со кыздз...

ИННА. Ага. Найö машинаён исковтасны — кöсийсны Бызов Никёнös нүöдны. А ми на бöрся кыккокыйв подён рöдтам. Али, гашкö, вертолёт вылад лэбам?

ФЕДЯ. Вот змейыд.. И мыйла сöмын ме тэköд ёртася?

СЕНЯ. Федя, эн пуззы. И чуткасьюмсö сылыс пыдди эн пукты.

ФЕДЯ (*Инналы*). Ме жö тэд висьталi нин, мый ме батьён козыналём мотоциклыс вöчи снегоход.

ИННА. Ог эски, кытчöдз аслам синъясён ог аддзыв да киён ог малышт.

СЕНЯ. Инна, эн торкав. Сет мортыслы висьставны. Но, но, висьстав, мый тэ вöчин?

ФЕДЯ. Сне-го-ход!..

СЕНЯ. А-а-а... Но-но, висьстав водзö ассыыд пузчужём мёвптö.

ФЕДЯ. Ми пуксям менам снегоход вылö да вöтчам на бöрся, мед повзьёдны найös.

СЕНЯ. Повзьёдны? Кыздзи?

ИННА. Сувтам налы туй паныдыс да зэв яра шуам: «Муной тась! Ми ог лэдзöй керавны козъяс!»

ФЕДЯ. И мыйла сöмын ме тэнö ог тышкав?

СЕНЯ. Федя... Тэ эн кывзы сiёйс. Висьстав мёвптö водзö.

ФЕДЯ. Сöмын мунам ми ог кыздзи Сеня, Инна да Федя, а...

ИННА. А ме эг на кöсийс тiянкöд мунны.

СЕНЯ. Инна. Тэ кывзы, а бöрас, колёк, крукасльы.

ФЕДЯ. Ми весьшöрö воштам кадсö. Медводз колё тöдмавны, кöсийсяс-ö мунны Никён. Мёдим. Мунiгмоз висьтала планöс.

СЕНЯ. Мёдим-мёдим... (*Мёдёчёны.*)

ФЕДЯ. Ми куимнанным вежам паськомнымёс... Шуам, öти пасьтасяс...

Саялёны, и водзö сёрниыс оз кыв.

ЗАНАВЕС

З А Н А В Е С В О Д З Ы Н

Авансцена пельёсын Фотинья, Никён да Пахом. Занавес  
костёд мыччысыльвлö Инналöн юрыс.

ФОТИНЬЯ. Но, мый думайтан? Козтöг Выль восö кöсиян празднуйтны?

ПАХОМ. Час-мёд сöмын и ветлам.

НИКЁН. А друг кутасны?

ФОТИНЬЯ. Кодi? Бöр воигён ставён нин стынитны кутасны.

НИКОН. А тэ тшётш мунан?

ФОТИНЬЯ. Дерт... Козъяссö позьё вайны кузов тырыц. А асывнас ме базар вылын вузала найос. Зеп тыр сём нажёвитам.

НИКОН. Но-но-но... Вот сэні тэнö и крукыштасны. Кысь козъясыс? Кыдз да мый?

ФОТИНЬЯ. Некод оз и думыштлы, мый ми нажёвичом могысь, билеттöг керасим. Думайтасны, мый магазинсянь либо ларёксянь.

ПАХОМ. Некод нинöм оз и гёёрво...

НИКОН. Ладнö. Ветлам. Вöлі кё аслам коз, дерт, эг мун.

СТАВОН (съилёны).

Ми мудерось, ми наянöсъ,  
Ми наян котыр шусям.  
Ми вайнас вöрö каямой,  
Да нöшта ставысь гусьон.  
Запреттö пыдди огpunktöй,  
Ми кытшовтам законъяс.  
Да гусялам ми коз путö!  
Ми сэтшом наян понъяс!..

ФОТИНЬЯ. Кони да кор чукортчам?

НИКОН. Стöч сизим часын локтад ме ордö... (Мунö.)

Мунёны и Фотинья да Пахом. Петö И н а.

ИННА. Но-но. Видзöдлам, мый артмас таысь. (Тшётш мунö.)

ЗАНАВЕС.

### МÖД СЕРПАС

Федя квартираын. Федя да Сеня вöчалёны картонысъ кёрёбкаяс, йитлöны провод торъяс. Инна отсась.

СЕНЯ. Сидзи и шуис: сизим часын сы ордын?

ИННА. Эз прёста «сизимын», а «стöч» сизимын».

ФЕДЯ. Миян колö тэрмасыны, мед сэк кежлö лоны дасьён. Разведка бура нүöдöмысъ — аттьё!

ИННА. Снегоходыд кё оз заводитчы? Либо друг кусас.

ФЕДЯ. Сир пинь горшад. Вот!..

СЕНЯ. Эн пов. Ставсö виддалым, заправитим.

ФЕДЯ. Со!.. Витöдös эштöдi!..

СЕНЯ. Час и ме эштöда... медбörъясö... (Съилёны.)

Мунам вöръяс-ваяс пыр  
и джуджыд гёра каям,  
Сиктъяс, каръяс, тундра, степь  
ми кытшовтам му шар!  
Бушков-тöвкöд вензям ставён,  
съёкыд нопъяс кёть мыш сайын,  
Оз повзöд ни кёдзыд тёв,  
ни шлякыша лёк ар.  
Съёкыд здукё ниномысъ  
ог эновтö ми ёртöс.  
Пöсъ ли кёдзыд, бушков-тöв ли  
мед кёть вира тыш...  
Пикин эновтан кё ёрттö,—  
зывöк босытö сэтшом мортысъ.  
Съёлёмъяслы мустом  
сэтшом мортыд, быттьё шыш.

СЕНЯ. Эштöдi!..

ИННА. Вайё видлам...

ФЕДЯ. Видлам... Тэ, Инна, кольчы татчо, а ми посводзас петам. Бисс кусёдам, ёти торшерысь кындызи.

Федя ёздё торшер, кусёд люстрасо, и көрөбкаяснас петёны Сенякод. Инна видзёддө сэтчо, кытчо мунисны зонъяс.

ИННА. Ок, кутшом лёсыыд! Быгттю збыль!.. Ноко, нёшта неуна. Эн ёдй лайкйоддё... Вот сізд... Тоданыд мый, зонъяс? Вот эсько розъясас светофильтръяс пуктыны. Сандр Вавилычыд тай пуктыл спектакъяс дырийыд прожекторъясас.

СЕНЯ. Аитеттной плёнкасö?

ИННА. Ага... Сэк найё уна рёмён кутасны пörtмасьны, лёзоватён, вижён... Збыльланьджык мунас.

СЕНЯ. Збыль... Бурджык лоас.

ФЕДЯ. Молодец! Вот и тэнад тшётш чужис бур мёвп.

ИННА. Но, татшом мёвпьыд.

ФЕДЯ. Вай оні костюмъястö пасъставлам. Сэсся Сеня ветлас Вавилыч дорö аитеттной плёнкала. А ме зверь гёлосъястö гижа...

Сеня да Инна мунёны, а Федя сылгитырии идралö инструментъяс, чукортö да нүö ёгсö. Регыд Сеня вайё мастера вöчом маскарадной костюмъяс, зонкаяс пасъталисны найёс веськыда асланыс пасъком выlö да Сеня лоис «ошкён», а Федя — «кёинён».

СЕНЯ. Но, кыздзи?.. Эскёдана?..

ФЕДЯ. Дзик ош кодь. Кызджыка сёмын пасътась. Пальто вылад. Шоныдджык лоас и... А менам кызд?

### Локтö И н н а. Сийё пасътасьома Ёмаён.

СЕНЯ. Бур. (*Агаджо Иннаёс.*) Видзёд-видзёд. Прамой Ёма.

ФЕДЯ. Збыль. А ноко, петкёдлы, кыздзи кутан сёрнитны?

ИННА (*гёлоссо вежёмён*). Фу-фу-фу... Кыттыс тайё талун менам вёрын морт дукыс? Кутшом Омоль сийёс татчо вайис? Но, тайё бур... Час, ме сийёс кута, пражита и сёя... Хе-хе-хе...

ФЕДЯ. Зэв бура артмё! Зэв!..

СЕНЯ. Он весь драмкружокад ветлодлы.

ИННА-ЁМА (*сылло*).

Ок, фу! Фу!.. Фук!..

Со кысько талун кылё мортлён дук!

Ок, хо!.. Хо!.. Хо!..

Эг кывлы мортлыс дуксö быдса во!

СЕНЯ. Тырмас, бур... Оні мунам Вавилыч дорö... Зверь гёлосъястö гижны.

ЗАНАВЕС.

### ЗАНАВЕС ВОДЗЫН

#### Локтö Т у н. Нюжмасьё да очсалё.

ТУН. Вот и нёшта ёти сьокыд лун колис. Ёна жё вельмисны йозыд! Кералёны менсым медмуса пуюс — козъяс. И корсьюны медся мичаяссö. Унаёс нин эсько повзёдл, и найё чётчисны лёк ногён керасьомыссы, но вутравны оз позь. Эмёсси на пакёститчыссыыд... Пакёститчан могъясан кё воад менам вёрё, садьтö вошттёдз повзёдла... Ме некор на эг сёрлы. (*Сылло.*)

Ме — пёрысь Тун.  
Ме — ён кёлдун.  
И висьтала ме стöча:  
И бур и лёктор вöча.  
Код лёк мёвпъясён олö,  
Мед меysыс cийö полö...  
Ме висьтала, ог пёръяv —  
Ме локта киын ньёръя  
Ме йöй ру юрас сюя.  
И оз кö ов, кыдз колö,  
Мед йöй моз сэсся олö.  
Ме ньёрнаc швичка. Нолы!

Кöть регыд нин ивой, век жö колö видзöдлыны радаровизорö.  
Друг да кутшомkö лёк йöз бара воисны. Видзöдла да, ставыс кö  
лючки, шы ни тöв, позьё и ойбыртлыны. (Мунö.)

### КОЙМОД СЕРПАС

Тöвся вöрын неыджыд эрд. Шöрас — пожём да мыр. Воö Тöлысъ  
ныв.

ТÖЛЫСЬ НЫВ. Рытыс талун гажа. Енэжас ни öти кымöр..  
Сöмын менам мамой да кодзувъяс. А кыдзи найö дзирадалоны!..  
(Сылö.)

Мулён помтöм паськыд эрдъяс  
быттьё гажа сад.  
Гуляйтан кор видзöд-вöрöд,  
сöблöм сылö — рад!  
Лов и синъяс гажöдас мед  
мулён кыпыд мич,  
Другö, вöр-ва дöзьёрит тэ,  
Мичсö мулысъ видз.

(Кызвысыыштис.) Кодkö локтö... Куимён... Буретш татчö.  
(Дзебсö.)

Локтöны Федя, Инина и Сеня. Костюмъясаöс, но маскаяс-  
тöмёсся на. Киясаныс — ас киясаныс вöчöм кöröбъяс.

ИННА. Пуксылам, шойчыштам... Танi со буретш и мыр эм...

ФЕДЯ. Кызь воськов на и мунiм, а тэ мудзин нин. Машина  
дораныс ноксигкостi миянлы колö пыдöджык пырны. Кёинъясыд  
öд оз туй дорад овны.

ФЕДЯ (кызвысыö). Локтöны... Саймовтчам... Öдйöджык...  
(Мунöны.)

### Локтöны Фотинья да Пахом.

ФОТИНЬЯ. Танi кодъяскö вöлёмäöсь нин. Со кок туйяс.

ПАХОМ. Конкё, козъяс жö корсисны.

ФОТИНЬЯ. Танi ни öти мича коз абу.

ПАХОМ. Туйыс орчён на да. Колö пыдöджык пырны.

ФОТИНЬЯ. Пыдöджык пыран — унджык и мырсян.

ПАХОМ. Бура кö мырсян — кынöмтö тыртан.

ФОТИНЬЯ. Никён вöй.

НИКОН (мыччысыö). А мый тi суаланныд?

ПАХОМ. Видзöдам... Бурджык козъяс корсям.

НИКОН. Танi и корсыныс нинöм. Вай тi водзöджык ветlöй, а  
ме матигöгорсö кытшовта:

ФОТИНЬЯ. Пахом! Тэ — водзас, а ме — тэ бёрся. (Мунöны.)

Недыр кежлө пемдилө. Авансцена ёти помё, тані вёр пельёс, петёны  
Федя, Сеня да Инна. Видзёдёны кытчёкө саяс.

ИННА. Конёсъ нё найё?

СЕНЯ. Со... Воёны... Кыкён...

ИННА. Сувтисны... Сёрнитёны...

ФЕДЯ. Воддзыс шуйгавылоджык кежис.

СЕНЯ. А мёдыс татчо локто.

ФЕДЯ. Инна, видзёд кежысь бёрсяыс. Аснаукён нинём эн вёч.

Ми тайёс повзёдам и тэ дінё воам.

ИННА. Лоас вёчома. (Мунё.)

ФЕДЯ. Веськыда татчо воё. Дзебсыыштам... (Саймовтчёны.)

ФОТИНЬЯ (мыччысью). Фу!.. Дзикодз быгзи... Кутшом шогмытём вёрё веськалім. Ни ёти прамой коз оз сюр. (Видзёдёй гёйёр.) Со тайё, кажитчо, туяс... (Лэптё черсё и пыр жо кылёткесь муростём.) Ой! Мый тайё?..

ОШ (мурзём шы). Р-р-р-р... Коді тані шойтё? Р-р-р-р...

ФОТИНЬЯ. Ой, мамой!.. Ой, батьой!.. Свят-свят!..

ОШ ГЁЛОС. Коді тор-р-ркало менсыым унмос? Р-р-р...

ФОТИНЬЯ. Пресвятой матушка!.. Богородица пречистой!.. Свят-свят!..

### Мыччысью ош костюма Сеня, лёкысь эралё.

СЕНЯ-ОШ (сыилё).

Код тан шойтё? Код тан ветлё?

Узыны мем оз сет...

Торкис менсыым чоскыд вётёс!..

Гуясь кызд он пет!?.

Ма тыра мем бочка сюрліс...

Сомын торксис вёт...

Чосмаси кё — съёлём бурмис,

Кынём лоис пёт...

Вёт торкомуясь лоё пурны,

Мёдысь мед оз лок!..

Тырмас вёрны шойтны-дурны!

Неташка ки и кок!..

Кывтё курччин?.. Р-р-рёдты тась! Ёдйё!.. А чер-р-ртё ме мыр-радя...

ФОТИНЬЯ. Слава бог, эз вёрзёд. Свят-свят-свят. (Пернапасиг мунё.)

### Локто Федя.

ФЕДЯ. Молодеч, Сеня! Лоссыда артмис. Видзёд, кыздзи пышшой...  
Усис... Бауён кыссыю...

СЕНЯ. Но, мёдім Инна дорё... Ёдйё... (Мунёны.)

### Мыччысльо Тёлыс ныв.

Тёлыс ныв. Тешкодь. Зэв тешкодь...

Пемдилё. Авансцена мёд помё, вёрлон коймёд пельёс, воё Пахом.

ПАХОМ. Но вот. Тёлыс саяліс. Мича козтё корсъ оні. Мед көттө оз дыр кежлө... Да со, мыччысью нин.

Кылё кёинлён омлялом. Эссе мёдысь, гораджыка.

ПАХОМ. Мый тайё?.. Конъяс?.. Нёшта причча. Колё ёдйёджык кутшомкё коз керавны да усыйсъны...

## Кылө выльыссы омлялөм. Матынджык.

Мый тайё?.. Мыйкө югнитіс... Синъяс? Койн синъяс... Со мёд гоз... Нөшта... Но сё морё! Мыйла ме ружьеөс съорысь эг босыт? Ой, со матынджык нин югнитіс... Коло пышайны... Пышайны... Караул!.. (*Саялө.*)

Бырс петё-мыччыссо Ф е д я - к ё и н. Иасьё.

ФЕДЯ-КОИН. Здук сайын на и волома тан... Гашкө, менё казяліс, менсыым «коин синъясос» да сы понда и пышайис... (*Омлялө.*) Со тай... Эсійө кыз пожом саяс саймотчома... (*Сылө.*)

Лун и вой шуркъяла, кынёмпöt корся.  
Кынёмыны быттыкъо сё муты ворсö..  
Шымыртіс съоломös зэв ыдкыд шог:  
Тадзитö, сё ей бог, нюжёда кок.  
Сатшкысис, нёнялö дзик öти шог...  
Тадзитö, сё ей бог, нюжёда кок.  
Талун со усыштіс меным тшотш чассьё...  
Мортлон со кок туйыс!.. Кута и асьсö..  
Сүода, косяла сійös чуш-чаши — }  
Вежон чёж ловлы и кынёмлы гаж! }  
кыкыссы.

ЛОКТОНЫ С е н я да И н н а. Киясас найё лайкйодлоны көрөбкаяс, көні югъялөны биён кык розы — «коин синъяс».

ФЕДЯ. Усыйсис!.. Со, видзёдой, кыдзи пышай!..

ИННА. Зонъяс! Ti — молодцы! А Федя — гений...

ФЕДЯ. Вывтісö эн жё ошкы.

СЕНЯ. Збыль. Ләптас нырсö телевышкавысь вылө. Оз кутвидзаасьны.

ФЕДЯ. Ме? Да кор нин ме?..

СЕНЯ. Ме сізд. Водзвыв юлдышті. Но, мунам, видзёдлам, мый кутасны водзё вочны. (*Мунёны.*)

ТÖЛЫСЬ НЫІВ (*мыччысълө.*). Вот молодечьяс! Зэв буртор вочоны...

Пемдым. Вёрлон пасъкыд мыръя кушин.

НИКОН (*сералө.*). Но, Фотинья!.. Но и висыталін жё... Төв шёрын по ош гуляйтö... Тэ эн-ё ойбыртлы кутшомкө коз уло?..

ФОТИНЬЯ. Сё збыль! Ош волі, ош... Сёрнитны кужыссы ош!

НИКОН. Гортсызд петігөн тэ эн-ё тяпнит? А, гашкө, питшогад дзеблін шонтысянторсö?

ФОТИНЬЯ. Сё ей бог — ош! Со — пернапас чөвта! (*Перна-пасасьё.*) Черөс мырдис.

Кылө горзом: «Отсалой! Караул!..» Никона-Фотинья чошкодчисны. Бара кылө: «Отсалой!» Никон чера киа дасьтысис водзасьны, а Фотинья сувтисы мышкө.

ПАХОМ (*кашкиг воё.*). Полундра!.. Видчысъёй!..

НИКОН. Мый лойс? Мый?..

ПАХОМ (*съокыса лолаліг.*). Койнъяс!.. Чукёрён!.. Синъясыс пемысад... сізді и югъялөны!.. Öдйөджелик пышъям!..

НИКОН. Мый тайё тіянкөд? Öти воис, горзö: «Ош!.. Ош!» Мёд горзö: «Койнъяс!.. Чукёрён!..»

ПАХОМ. Сё збыль! Пёръяся кё — юрөс керав!..

Бара кылө омлялөм.

ФОТИНЬЯ. Збыльсы, со мыйкё югнитіс... Синъяс и эм!.. Ой, мамой!.. Мезды!.. (*Уськөдчө пышайны.*)

НИКОН. Сулав! (*Күтө сийөс.*) Коні? Кутшом синъяс?

ФОТИНЬЯ. Со эстон... Со!.. Богородица, мезды!.. (*Пышай.*)

НИКОН. Збыль... Коло усыйсыны... (*Саявлө, но бёр мыччысъё.*)

Тайо синъясыд меным оз кажитчыны... Коло дзебсыны да бурджаика видзёдлыны. (*Саялө.*)

Мыччысъёл Федя - кё и н, сюся видзёдё сэтчо, кытчо дзебисис Никон.

ФЕДЯ-КОИН (*аслыс.*) Эз пышайы, дзебисис. Сідзкё, эз эски, мый ме збыль кон... Ковмас Иннаёс, Ёмаёс мыччёдлыны. (*Гораа.*) Пышайисны ставён... Бара на, тыдало, тшыгайён лоё узыны. (*Омляліттыр мунё.*)

НИКОН (*мыччысъёл.*) Тайо абу кон. Менё он на боббёдлой, ме абу мёмёт. (*Чошкёдчө.*) Кодкё бара, кыл, локтё. (*Саймовтчо.*)

ИННА-ЁМА (*локтё исасиг.*) Толыс кыськё морт дук вайис. Тайо зэв бур. Бара на пинь анъясоц чёсмёдышта. (*Исасё.*)

НИКОН (*дзебасас.*) Еромакань. Ёма!.. Мед көть оз туяв... Сийё од и кимоститчыны кужё — чернад он на и дорыйсь.

ИННА-ЁМА (*сылё.*)

Ок, фул.. Фул.. Фук!..

Со кыськё талун кыл мортлон дук...

Ок, хол.. Хол.. Хол..

Эг кывлы мортлыс кёрсө быдса во...

Вот кыйода да кута сийёс, юрас кучка — швач!

А сэсся горто нёбала и ломта жара пач...

А пусыныд да пражитныд ме ёна бура кужа —

И дасьта талун аслым зэв пётёс чёсқыд ужын.

Ок, фул.. Фул.. Фук!..

Со толыс бара вайис мортлыс дук.

Ок, хол.. Хол.. Хол..

Ак, чёсмёдышта талун ассым лов!..

(*Инна сывліг-йөктігості, Никон дзебсью мёгладо. Инна адзё, мый Никон важ местаас абу да чайтё, мый сийё пышайис.*) Эскис!.. Эскис, мый ме збыль Ёма, да пышайис. Ура!! (*Пуксьё мыр вылас, пёрчё маскас.*) Шойчышта здук-мёд...

НИКОН. Вот тэд и Ёма... Мaskaa нывка вёлома. Оні ставыс гёгёрвоана. (*Босытё Инналыс йөктігас усьём шарфиксё, мунё.*)

### Локтёны Сеняда Федя.

ФЕДЯ. Но, кызд? Эскис?.. Пышайис?..

ИННА. Пышайис!.. Победа, зонъяс!

СЕНЯ. Кыланныд? — көдзёдёд...

ИННА. Збыль, көдзёдёд... Ой, а кон нё менам шарпикой? (*Корсё.*) Вошиш. Дзик на выль. Мамой сёмын на тёнлун нёбис.

ФЕДЯ. Эк, тэ! Восьса вом!..

ИННА. Ветлам корсны... Асланым кок туйёд и мунам.

СЕНЯ. Да... Тэкод нем вочтомуыда гажтомыд оз босыт.

ФЕДЯ. Ладно. Сёмын войдёр видзёдлам, збыль-ё найё мунисны, а сэсся ми Сенякод мунам корсны вошомтортё, а тэ тані пукалыштан.

ИННА. Бур... Сідзкё, мёдім... Повзьёдчыштам нёшта... (*Mögдёдчёны.*)

ФОТИНЬЯ. Кытчо нё сійө сибдіс? Койнъясыс кө уськөдчасны, ляясöдзыс вильёдасны.

ПАХОМ. Эн лөвт... Со воö.

НИКОН (локтö). Аддзылі ме тіянысь койнъястö. Серам дай став!

ФОТИНЬЯ. Но? Аддзылін? И эн повзьы?

НИКОН. Ошъяс ни койнъяс сэн абуöс. Кутшöмкö зонкаяс да нывка вильшасьёны.

ПАХОМ. Зонкаяс?

НИКОН. Мунігмоз ставсö висътала. А оні лэдчысям повзьом уло да быттьö пышъям. Сэсся бергöдчам, кыйöдам найöс да водзöс босътам. Öдйö машинаö! (Мунöны.)

## МОД ДЕЙСТВИЕ

### НЁЛЬÖД СЕРПАС

Тёдса кушин. Мыр вылын пукалö И н н а, йёжгылясьё. Ёмалысь костюмсö пörччома нин даpunktöма орччон.

ИННА. Дыр и ветлоны. А енэжыс кутшöм... Кодзувлъясыс! А тёлысь гёгöрыс öшкамошкa кодь кольча... (Сылö.)

Пыдöстом енэжсянь дзирадаліг дзоргöны  
Кодзувлъяс... Кодзувлъяс став кузь вой чёж.

Кажитчö: шöпкöны, кыскöны, корöны:  
Писькöдчой, писькöдчой миянлань, йёз!

ПРИПЕВ: Быттьö вой кодзувлъяс,  
Дзирадалысь кодзувлъяс  
Кыскöны, корöны ас динас пыр!  
Быдмыны регыдджык!  
Сэсся и лэбыштны!  
Съёлёмъяс миян пось кёсиймён тыр!

Кодзувлъяс дорöдзыд туйыд, дерт, зэв кузь.  
Но став наукаяс отсöгён ми  
Сэтшöм караб вöчам тёдёмлун зэвтöмён,  
Лэбöдас кодзувлъяс дорöдз мед дзик.

ПРИПЕВ: Быттьö вой бобувъяс,  
Дзирадалысь кодзувлъяс  
Кыскöны, корöны ас динас пыр.  
Öдйöджык велöдчам!  
Сэсся и лэбыштам!  
Съёлёмъяс миян пось кёсиймён тыр.

Прöч тай кöдздöдис... Ёмалысь паськöмсö бёр лоö пасътавны. (Пасътасьё.)

НИКОН (петö пуюс сайыс). Но!.. Кодöс ме аддза! Тайö, буди, Ёма баба-а? Здорово, Ёмушка. Кыдз нин олан-вылан, кызан-быдман?

Инна дорö мышсяныс гезъясон локтöны Пахом да Фотинья.

Мый нё он шыась? Лолыд коклябöрад чепöсийис? Хе-хе-хе.

ИННА (сайкалис). Тэ мый вомтö паськöдлан? Ха-ха-ха да хе-хе-хе! Мый корсян менам вотчинаын?.. Усыйсь, кытчöдз ловъя!..

НИКОН. Ого!.. Вот тайö ныв! Да тэ герой!

ИННА. Мый сэн баввидзан? Мун! Он кё, кыска тэнö чипан кокъяса керка-чомиö да пражита. Ужын кежлö тэйсь шашлык

вöчä... Но?.. Конi менам мотора гырой? (*Бергöдчö и вогзас лоёны Пахом да Фотинья.*)

НИКОН. Но, кён нö тэнад мотора гырыйд? Хе-хе-хе. Но, тырмас! Ворсöдчыштим — и шань. Кöрталой сийös!

### Пахом да Фотинья кöрталöны нöйтчысы Иннаös.

ИННА. Федя! Сеня!.. Найö гöгöрво... (*Тупкёны вомсö.*)

ФОТИНЬЯ. Вомас мыйkö сюйышты колö. Либö кöртавны. Вайö мыйkö...

НИКОН (*мыччö шарф*). Аслас шарпöн и кöртав вомсö. (*Кöрталöны.*) Эштис комедияыд? Мый тi танi хулиганитаныд? А?

ПАХОМ. Кыдзи нö сийö висьталас? Вомыс кöртöда да...

НИКОН. Разылой. Но горöдас кö, бöр зутшкой шарпсö вомас. (*Фотинья разъё шарпсö. Пуяс костын буджöртö Тöлыс ныв.*) Но, висьстав. Али повзьомыдла кывыйд воши? Эн ылодчы. Войын кö вёрö ыштiн, сидзкö, абу полыс рöдьсi, кывтö эн на нылышт.

ИННА. Тiянысь ме войт ог пов. Локтасны татчö менам ёртъяс — Ош да Конi, сэки тi...

### Наян котыр ызкнитисны-серёктисны.

НИКОН. А найö сэтшöм жö кöин да ош, кутшöми тэ Ёма.

ИННА. Зонъяс!..

ФОТИНЬЯ (*тупкис Инналыс вомсö.*). Ланьт! Трасича!

ПАХОМ. Мыi ми сыкёд ноксям? Нуам карö, милицияö! Сэн ставсö висьталас.

НИКОН. Колö на мукöдъяссö кутны.

ПАХОМ. Сидзкö, мед Фотя нүöдас сийös да бруткас машина кузолас. А ми сэк костi зонкаяссö кыям.

ФОТИНЬЯ. Ме? Сийös — кузолö? Видлы татшöм öшлöпантö кузолад лэптыны. Аслад на гöгöйд вörzяс.

НИКОН. Кузолö оз позь. Кынmas да висьmas. Кыв кутны ковmas. Кöрталёмнас и пуксьöдам кабинаас, а кабина ручкайссö пытшкёсладорсыс разым. Мöдiм.

### Наян котыр мунё. Пуяс сайысь петö Тöлөс ныв.

ТÖЛЫСЬ НЫВ. Коньёр нывка. Кыдзи сылы отсавны? Гашкö, мем оз и ков сюйсыны? Зонкаясыс, видзöда да, писькёсöс, сюйсöс. Асыныс аддзасны петан туйсö. Висьставны налы колö. (*Мунё.*)

### Вöрлён мёд пельёс. Федя да Сеня.

СЕНЯ. Кытчö сöмын тутöритчис шарпикыс?

ФЕДЯ. А, гашкö, ми сийös лым пиас нин талялiм?

СЕНЯ. Ой!.. Видзöд, видзöд... Кодi нö тайö?

ФЕДЯ. О-о!.. Кутшöм мича...

ТÖЛЫСЬ НЫВ (*мыччысью*). Видза оланныд, зонкаяс...

ФЕДЯ да СЕНЯ (*öтлаын*). Видза олан-ныд...

ФЕДЯ. Кодi нö тэ сэтшöмыс?

ТÖЛЫСЬ НЫВ. Ме — Тöлыс ныв.

СЕНЯ да ФЕДЯ (*öтлаын*). Тöлыс ныв?

ТÖЛЫСЬ НЫВ. Мыi? Он эскöй?

ФЕДЯ да СЕНЯ. Эскам, эскам... Нимкодь тöдмасыны тэköд.

ТÖЛЫСЬ НЫВ. Ме висьтала тiяны татшöмтор. Эсiя наян котырыс, кодъяс тай локтöмайс козъястö керавны, эз мунны. Кутисны Иннаös. Кöрталисны, а сэсся кöсйöны и тiянöс кыйны.

СЕНЯ. Со кызды ставыс бергёдчис... Налький моз сюриим.

ФЕДЯ. Рольясным вежисны. Чайті, миан «операцияным» помассис, а сійо бергёдчис да ёсымис. Коло кыдзкө мездыны сійос.

Друг вўрыс кутіс шувғыны, кретшкыны, быттьё лёк төвру лэбыштіс, бара  
лои чўёлён.

СЕНЯ. Мый нё тайё?

ФЕДЯ. Ме кытысь тода?

ТӨЛЫСЬ НЫВ. Тайё, тёдомысь, вўрса кёлдун Тун лэбыштіс.

ФЕДЯ да СЕНЯ. Вёрса кёлдун?

ТӨЛЫСЬ НЫВ. Да. Сылон эм радаровизор...

ФЕДЯ да СЕНЯ. Радаровизор?

ТӨЛЫСЬ НЫВ. Да. Кутшом вўр пельёссо ыстас сылыс югоръяссо, сійо вўр пельёссыс и тыдовтчо экран вылас. Аддзас кысько нелючкитор, тёв ныр ёдён лэбыштас сэтчо. Оні, кёнкё, экран вывсыс аддзис тіянёс либо эсій наяньяссо, да и лыйштіс татчо. Көсъяд кё, ме верма висъставны, мыйла ті танось и мыйла найё. Сійо коть зумышён да скёрён кажитчо, збыль вылас абу лёк. И пыр правда дор.

СЕНЯ да ФЕДЯ. Оні оз на ков.

ТӨЛЫСЬ НЫВ. Сідзкё, ме муна. Ковма кё, чукостой. (*Муніс.*)

СЕНЯ. Но, мый оні кутам вочны?

ФЕДЯ (*кост бўрын*). Эврика!.. Менам чужис бур мёвп!

СЕНЯ. Но-но... Висъстав нин, сонъяссо эн катты.

ФЕДЯ. Главнойыс — черъяссо налысь гусявны. Чертёгыд он керась. Но медводз коло мездыны Иннаёс.

### Зонкаяс мунёны. Недыр мысти воё Т у н.

ТУН. Кёнөсөй нё найё? Ме найёс зэв бура аддзылі радаровизор экран вылысь. Эз на жо ёд удитны усийсыны. (*Чошкёдчо.*) А-а, со кёнөсөй найё. Гёлостиасныс кылыштісны. (*Мунё.*)

ЗАНАВЕС.

### В И Т О Д С Е Р П А С

Пасъкыд кушин. Локтоны Никён, Пахом да Фотинья.

НИКЁН. Кадсё сымда воштім! Регыдвой шёр, а ми ёти коз на эг кералой. Мед ёйдёджык эштёдчыны, кык пельё юксям: ми Пахомкёд кутам зонкаяссо, а тэ козъяс кералан.

ФОТИНЬЯ. Козъяс... Кералан... Кытысь? Тані со кутшом уростиас.

ПАХОМ. Мича козъясыс кё туй дорас быдмисны, ми эсько важён нин эшкынъяс улын волім.

НИКЁН. Збыль... Босыт менсым черёс. Менам сійо кокныцдик. Керась. (*Пахомлы.*) Мёдім. (*Мунісны.*)

ФОТИНЬЯ. Керав... Коть эсько мичаджыкёс аддзыны! А мый ме корсыся? Кутшом эм, сэтшомёс и керала. Век жо нин коз, а абу пожём либо кыдз. Тайёс со керала дай. (*Өвтыштчо чернас.*)

ТУН (*мыччысью да кисё чургёдё Фотинъяланы*). Кынмы-турд!..

Фотинья керыштö козсё, но черыс сибдö. Сійо кёсё нетыштны черсö,  
да оз вермы. Тун шытёг сералё, тушаыс пыркыйсью.

ФОТИНЬЯ. Мый нё тайё? Черёй козъяс сибдіс.

ТУН. Мездмы-вёр...

Фотинья нетшыштчо нёшта, черыс мездмө, а ачыс усьё, куйлө.

ФОТИНЬЯ (сақаліс). Мый нё тайё? Кажитчис, али вұтыртсис? (Сувтіс.) Коло ѿдйөджык керавны. (Өвтыштчо чернас мёд пёв.) ТУН (кисё — Фотинъялань). Кынмы-турд!..

Тун вештылө кисё ѿтарё-мёдаро, ләздәү и лыбодәү, вочало кытшъяс. Черыс Фотинья киясын сізд жо ветләдәу синёдас.

ТУН (вештоблём бёрас). Мездмы-вёр... (Муніс.)

ФОТИНЬЯ (нетшыштчис да усис). Мать пресвятая!.. Бого-родица пречистой! Тайё, дерт, омольясыс кимоститчоны... Свят, свят, свят. Пышыны коло тась. Щийдже! (Сувтö.) Кодарын нё машинаыс? Юр садьёй бергөдчис. И мужикъасыс кодарынөс? Коло чукостны да усыйсыны. (Мёдбётчо.)

ФЕДЯ (сүөдө га пеляс вашнитö). Видза олан, тётя Фотя...

ФОТИНЬЯ (усъкёдө черсё, кутчысъо съёлём дінас). Ой! Мый тайё? Коді тайё? (Бергөдчо.)

ФЕДЯ. Тайё ме, тётя Фотя.

ФОТИНЬЯ. Федя... Пеж лов! Весьопортін. Мый тэ тан вочан?

Фотинья мышкын С е н я босытіс черсё да саймовтчис.

ФЕДЯ. Нином. Сізд гуляйта... Войыс лоссыңд... Төлүсія.

ФОТИНЬЯ. А тайё тэ?.. Этійосо керин тэ?

ФЕДЯ. Ме, тётя Фотя, дерт жо ме... А мый?

ФОТИНЬЯ. Шмонитан? (Видзоблём гёгёрыс.) А кён менам черёй?

ФЕДЯ. Чер? Ме эг аддзыв некутшом чер.

ФОТИНЬЯ. Пёръясян. Кор тэ равостін пельё, ме повзи да усъкёді сійос, а тэ босытін. Вай черсё!

ФЕДЯ. Мый нин тэкод, тётя Фотя? Ме сійос эг аддзыв. (Мыч-чоблём кияссё.) Со — абу.

ФОТИНЬЯ. Юғыд бутыль! Кар шорын дугдывтөг пакоститчан, а оні, со, и ворын нин пондін...

ФЕДЯ. Ладнё, мед ме юғыд бутыль. Мед. А тэ — бур да авъя мортон шуссысь, мый тані вочан войнас?

ФОТИНЬЯ. Абу тэнад тёжд... Вай черсё!

ФЕДЯ. Кутшом чер? Тэ мый — вётасин?

ФОТИНЬЯ. Ак, тэ тадз? Но, ме тэд петкёдла пуж! (Усъкёдчо Федя вылө, но сійо пышё, котёртө пожём гёгёрыс. Сэсся Фотинья мудзё да пуксъо мыр вылас, кашкё.)

ФЕДЯ (съылө).

Видза олан, бур суседка,  
Мича нима Пётиң тьётка.  
Выль во кузя — бур сиом:  
Ов тэ шания ассыңд нэм.  
Бёр-валён ми дзоля другъяс,  
Видзны сійос ми ог дугдö.  
Бўрысь мича поноль-коз  
Он нин гусяв ворсом моз.

Фотинья бара усъкёдчо Федя вылө, вётчо сы бёрся, но сконъясь да усьё. Пидзёссо зыраліг сувтö — сы водзын сулалоны С е н я да И н н а. Фотинья шойёвошё, кутё петитчыны да ляскысьо мышнас пожём бердас.

ФОТИНЬЯ. Коді менё кыскё? Ләдз, буди! Ләдзёй, хулиганъяс! (Вомсё пасъкёдомён кынмё.)

Зонъяс шойёвошомён видзёдісны сы вылө, сэсся ёта-мёд вылас. Мыччысис Т у н да кияснас быд ногыс вочасъо-кимоститчо, а зонъяс матыстчоны

Фотинья дорё да күтёны көртавны сійös пожём бердас. Сэсся Федя көрталö Сеняöс, коді оз и водзась. Сöмын синъясас — чуймём да шöйвошом.

Инна уськодчис мездысъны.

ИННА. Федя! Мый тэ вöчан? Ноко, лэдз! Лэдз, мися! Кылан? Федя!..

Федя кыв шутöг вöчö ассыс. Инна тшötш кутис отсасьны Федялы. Кор Сеняöс көрталисны, бергöдчинисы ёта-мöдланысы, синъясас — повзьом.

ТУН (матыстчö, босытö Иннаöс щöкаöбыс да бергöглö чужёмсö). Мича... Рочакань!.. (Ставлы.) Но мый? Кералинныд козъястö? Ха-ха-ха... Кöйинныд пемыд войён пользуйтчыны? Чайтинныд: лесникъяс узьёны — тиянлы вöля. Но Тун лун и вой олö. Хе-хе-хе... Тайö мичаник нывкаыс мунас менам дворечö, лоас менам служанкаён. А мый вöчны тиянкöд, ме мёвпышта на. (Инналы.) Тэ мун. Вöтöда тэнö да ётлаын лэбам. Тувччав! (Кисö нюжкнитlö Инналань.) Мун!

Инна ньёжийник мунö. Федя ымöстис, выныштчис мездысъны да горöдис.

ФЕДЯ. Сулав, Инна! Эн мун!

ТУН (чургöглö кисö Инналань). Мун... Мун...

Инна век мунö. Федя выныштчö да уськодчö сы бёрся.

ФЕДЯ. Инна! Эн мун! Сувт! (Бергöгчö чуймём Тунлань.) Тэ мыйла тадзи? Нем жалиттöг. Лэдз нывкасö! Лэдз, буди!

ТУН (сайкалис). Хо-хо-хо!.. Онi жö? Али нö час мысти? Хо-хö!

Тун вак-вакён сералö, а Федя уськодчö сы вылö кабыръяснас.

ТУН. Кынмы-измы!..

Федя, быттьö тана, недыр кежлö кынмылö места вылас, но став сьёлём збёснас выныштчомён бара петö туналан вынсыс.

ФЕДЯ. Кыдз тэ тадзи верман? Кон тэнад сьёлёмыд? Лэдз сийös!.. Он кö, ме тэнсыд став тоштö чашъя! (Уськодчö Тунлань.)

ТУН. Кынмы-турд!

Федя кынмö, но регыд бара на венö кимöститчан вынсö: ёна выныштчомён ньёжийник паськодö кияссö, веськодö морöссö. Быттьö ньёжмыда бергагыс кинолента мыччöдлигён.

ФЕДЯ. Он!.. О-он-на-а ме-енö-ö ве-еннн! Ме-е тэ-эннсы-ыд то-оштö не-етшкыла-а на-а. М-е тэ-эныд мы-ыччöдла-а на-а, мы-ый ве-ермö мор-ртыд вö-öчны, ко-ор сийö-ö ёна-а кöсий-йö, кор сийö радей-йтö-ö!

ТУН. Кынмы-измы!.. Кынмы-турд!

Федя ньёжийö, быттьö мунö лёк тёв паныд, матыстчö и матыстчö Тунлань. Со сийö муртса нин оз кватит Тунлысъ тошсö, но Тун водзджык кватитö

Федялысъ кияссö. Вермасьёны. Локтö Т ö л y с ь н y в.

ТÖЛЫСЬ НЫВ. О! Дона, пылди пуктана, ыдьжыд вежöра да эбёса Тун! Кывзышт менö. (Тун да Федя дутёны вермасьны.) Лэдз, пёжалуйста, тайö детинкаяссö. Мезды аслад кимöститчомысъ.

ТУН. Кутшом бурысъ?

ТÖЛЫСЬ НЫВ. А чиршöдлансö кутшом лёкысъ.

ТУН. Воомаобь татчö том козъяс керавны.

ТÖЛЫСЬ НЫВ. Дона Тун. Тэ сорсин. Найö эз и кöсйыны керавны тэнсыд козъястö. Мöдарö. Тайö зонкаясыс да нывкаыс кöсийисны... А конi нылыс?

ТУН. Ме мёдёді сійös аслам дворечö. Во чёж служанкаалас мем.

ТÖЛЫСЬ НЫВ. Ме тэнö тёді стрöг, но век жö милöсъта кимöститчысыён. Бергöд нывкасö. Колö сьёлёмаджыкön лоны.

ТУН. Эскöд менö, мый найö эз козъясла воны.

ТÖЛЫСЬ НЫВ. Бур. Кызвы. Зонкаясыс да Инна нывкаыс...

Тайö вёр пельöссö югдöдись би кусö, югзьö мёд вёр пельöс, könі Н и к ö н да П а х о м .

ПАХОМ. Абу нин танöсь. Тёдöмысь, туй дорас бёр петисны. Пола: воасны машина дорад да мездасны пöдругасö.

НИКÖН. Тыдалö, сïдзи и эм. Мёдим бёр.

ПАХОМ. Гашкö, эсийö козсö кералам?

НИКÖН. Некор. Фотяыд сэні и сïдз нин кераліс. Мунам. (Мунёны.)

Водза вёр пельöс. Т ö л ы с ь н ы в помалöма висьтсö, Т у н бергöдöма И н и а ö с и мездöма зонъясöс, но Фотя узьö.

ТУН. Аттьö, Тöлысь ныв, мый öлöдін менö. Ме эськö и ачым нин ыдъясыны пондылі, но... А тэд, зонмö, аттьö збой да пось сьёлёмсыц, мый он эновт ёрттö сьёкыд здукö.

ТÖЛЫСЬ НЫВ. Чöвлöй... Буракö найö, наянъясыц, воёны.

ТУН. Воёны и эм.

ТÖЛЫСЬ НЫВ. Мый кутам вöчны?

ТУН. Тi вай дзебсялöй, а ме найös кимöститчöмён повзöдла- chirшöдла. Мед мёдись гусясынысö оз ыштыны.

Ставöн дзебсялöны. Локтöны П а х о м да Н и к ö н .

ПАХОМ. Фотя-а!.. Фотинья!..

НИКÖН. Кон нö сïйö. (Addzö пожöм бокыс.) Со könі... Но и Фотинья!.. Стынитö-узьö.

ПАХОМ. Фотя! Ноко, чеччи вай. Кылан? Öдйöджык.

НИКÖН. А könі нö козъясыс? Сïйö тай абу и керасьлöма. Öти коз абу.

ПАХОМ (пиркнитö Фотяös). Ноко, чеччи, шуёны! Лёк öшлöпан! Кылан?

НИКÖН. И черöй оз тыдав. Воштöма тыдалö, восьса вомыд...

ПАХОМ. Абу-ö юёма? (Исасьö.) Оз кыв... Мый кутам вöчны?

НИКÖН. Садьмёд! Он кö пальёд, пельпом вылад и петкёдан.

ПАХОМ. Фотя!.. Фотинь!.. (Сувтöдö кок вылас, но сïйö бёр лажысö.)

ФОТИНЬЯ (лазъялысь синма). Мый тайö? Коні ме?.. Мый лои?..

ПАХОМ. Садьмин жö медбöрын.

НИКÖН. А козъясыц könі? Коні менам черöй?

ФОТИНЬЯ (öдва сувтö). Энлы тэ! А könöсъ найö? Коні сïйö?

НИКÖН. Кодъяс — найöыс? Кодi — сïйöыс?

ФОТИНЬЯ. Найö, зонкаясыс... И эсийö...

НИКÖН. Абу тэнад шог.

ФОТИНЬЯ. Кыдзи абу? Ме выlö уськöдчин: könі козъяс? Коні черыд? А ноко висьтав, könі зонкаясыс? Коні вёрса Туныс?

НИКÖН и ПАХОМ (öтлаын). Кутшöм Тун?

ФОТИНЬЯ. Ме повзи да муртса эг кув. Тун танi вöl! Тун!

НИКÖН. Вöтъястö мунигён висьталан. Онi некор кызвыныс.

ФОТИНЬЯ. Сё ей бог! Тун вöl! Сïйö кимöститчis!..

НИКÖН (Пахомлы). Тупкы сылысь вомсö! А чертö вай мем.

**Пахом сетё ассыыс черсö.**

**ФОТИНЬЯ.** Да збыль ёд! Сё збыль! Тані вölі Тун! Тун!.. Сiйö...  
**ПАХОМ** (*түпкө сылысъ вомсö*). Шойччöдышт вомтö.

**НИКОН.** Кутшöм коз сюрас, сiйöс и кералам. (*Öвтыштчö*  
чертас.)

**Черыс** сынöдас джёмдiс. Никён нетшкö сiйöс, но оз вермы.

**ФОТИНЬЯ.** Со!.. Мекöд тадзи жё вölі. Черёй сибдylis сынöдас... Адзан öni? Мыi ме висыталi? Тун танi, Тун! Пышыйны колö.

**НИКОН.** Сё дивö!.. Пахом, лок отсав нетшыштныс.

**ФОТИНЬЯ.** Ме тэд шуи!.. Ti кыздзи кужанныд, а ме мёдi.

**Фотинья да Пахом уськодчисны пышыйны, но петö Т у н.**

**ТУН.** Кынмёй-измö!.. Кынмёй-турдöй!..

**Фотинья да Пахом кынмёны.** Тун перйö чипсан.

**ТУН.** Чипсан, ворсышт, чипсан, йöктöд!.. (*Пöлялö-ворсö*  
чипсанöн.)

**Чипсан ворсö, а Фотинья да Пахом ньёжийоникён босытчöны йöктыны.**

**Ворсöм öддзö, öддзöны и йöктыны.** Никён суалö шемöс.

**ФОТИНЬЯ.** Ой!.. Мыi нö тайö?.. Коkъяс ассыыс йöктöны...

**ПАХОМ.** Ок, тэ... Ук, тэ... Ик, тэ...

**ФОТИНЬЯ.** Мыi нö тi, коkъясöй? Мыила... йöктад?

**ТУН** (*Никёнлань*). Ловзы-вöр! Йöкты!..

**Никён тшöтш кутiс йöктыны.** Тун оз нин пöляв чипсанас, но сiйö ворсö  
и ворсö, вочасöн öддзö.

**ФОТИНЬЯ.** Коkъясöй!.. Сувтыштлöй!.. Муртса кöть...

**ПАХОМ.** Ук, тэ... Ак, тэ... Вот тайö да!.. Эг чайтлы, мыi тадзи  
кужа.

**ФОТИНЬЯ.** Ме сэssя ог вермы! Сё зöлötä! Дона Тун. Дугды  
нин...

**ПАХОМ.** Вот тайö да! Нэм чöж тадзи эг йöктыв! Ук, тэ!.. Ак,  
тэ!..

**ТУН.** Кутаннид он сэssя гусясъны?.. Понöльсö керавны?..

**ФОТИНЬЯ.** Ог нин сэssя, ог, зарни глыза.

**ПАХОМ.** Эк, тэ!.. Ук, тэ!..

**ТУН** (*Никёнлань*). А тэ кыздз?

**НИКОН.** Ог нин... Сэssя некор ог...

**ФОТИНЬЯ.** Зарни лола Тун... Дугды нин... Сьёлём потас...

**Петёны Т ö л y с ь н y в, И n n a, F e d j a i S e n j a.**

**ТÖЛЫСЬ НЫВ.** Тырмас сэssя, Тун. Шань.

**ИННА.** Да-да... Тырмас. Чайтам, мёрччис нин сьёлёмöдзыс.

**ТУН.** Мед тi ног лоö. (*Кинас бертыштö*.) Öвсы-ланьт.

**Музыка лöньё.** Фотинья шиёп усьё, Никён суалö улö лэдзöм юра, а Пахом  
водзö сизьдö-йöктö.

**ПАХОМ.** Ук, тэ!.. Некор эг йöктыв, а öni велали. Айда, ме! Ук,  
и ме.

**НИКОН.** Пахом! Дугды!

**ПАХОМ.** Адзан, кыздзи ме велали?!. Адзан? (*Дугдiс*.)

**ТУН.** Мунöй! Но мёдьсъ эн локтöй. Сэки кокния он мынöй!

**Наян котыр мунё.**

ТУН. Но, вёр-ва дорыйсьяс, аттьё тіянлы.

ФЕДЯ. Эврика! Менам чужис мёвп.

СЕНЯ да ИННА (чуймыштёны). Бара! Кутшём?

ФЕДЯ. Тунлы коло сетны «Вёр-валён другъяс» обществоса почётной членлысь ним.

СЕНЯ да ИННА. Ура! Ме — соглас!

ФЕДЯ. Нёшта сетны сылы обществоса членъяслысь турунвиж галстук!..

**Сеня да Инна «ура» горзіг клопайтёны, а Федя разьё ассыыс турунвиж галстукса да көртало сійёс Тун сыліо.**

ТУН. Аттьё! Видзны да дорыйны вёр-ва ме пыр дась!

ТӨЛЫСЬ НЫІВ. Вот тадзи ставыс и волі, дона челядь! А ті вёр-васо видзанныд?

**СТАВОН (сылённы).**

Зільой жё, мед нёшта на мичаджык лоины  
Миянёс кытшалысь вёр-ва, сикт-кар!  
Мед эсько чужан му миян эз гольмы,  
Мед эсько мичаммис, сёмис му шар!

**З А Н А В Е С.**



---

## Андреян ТУРЬЕВ

\* \* \*

Полойё сибдома пурйоёй,  
Эжёрыс — синнад он судз;  
Визулыс водзё оз кылёт,  
Кёсийёмös унзільтö мудз.

Ыркыдыс йирмёга. Состом  
Сынёдыс вёрзьёдö дой.  
Ыргён таз симгёрда востым  
Шуштёма югзьёдö вой.

Тöрыт да, талун да, аски —  
Юкалö сартассö кад.  
Войпуга том пöра. Асыв —  
Пельськай гёлёса сад.

Вунлытöм, кёкъяса войё  
Тöдмалí, мый сэтшом койт —  
Чужавысь юмовджык, ойя,  
Визъётис зарава войт.

Ыллýс матын — оз пöръясь,  
Личёдö рытгорув шог.  
Абу на ставыс медбörъя,  
Сюрас на кутшöмkö мог...


Ыркыдыс йирмёга состом  
Сынёдыс — зэлалём ньёв.  
Вежёрös садьмёдö-öзтö  
Вильшасысь зонка кодь тёв.

\* \* \*

Збыльсь оломыд абу тай кочамач,  
Абу пöчёлён паччёр выв мойд:  
Ворыйн бергалö юрпöла тёчила.  
Коркö гёгрёсён, дерт, сийёс вöчлёмны,  
Öні быттьёкö шлёпиктысь морт.

\* \* \*

Вошом ёз кывиён некод оз сёрнит,  
Лымтёг, зэръястёг косьмыло шор.  
Кыв оз бергöдчы асынымös ёрны.  
Гашкö, Енмыслысь колё нин корны,  
Ловиён коляс мед комилён гор...



Тавося декабрын пасъям Василий Ильич Лыткин (Илля Васть) чужан лунсянь 105 во. Сий — мир пасьта нималана учёной, ёгра-финн кывъяс туялысь, профессор да тшотш и коми гижись, классик, кодлысь гиждъяссö велёдёны школаясын. Со, тёд выло усьёда быдёнлы тёдса строкаяс:

«Ошиң вылын шонді водзын  
Шёвк тупыль көдь шань  
Еджыд уска, куньса синма  
Куткырвидзö кань.  
Сюркнялома улас бёжсо,  
Копыртёма юр,  
Зумыштчома, вомгорулас  
Мыйкё мойдö: «куррр».

Ачыс Илля Васть казтылё, ме по волі тёда, мый весиг детсадъясын кывбуроц велёдлісны да уна гёлөсөн гораа лыддылісны, но гижисьсö эз гаравны. Оз по волі позь.

Да, унаён эз и тёдны — Илля Вастьос дыр кежлө ланьтöдлісны сізд шусяна «личностылён культ» воясö. А мыйысь? Оні гырысьдыхык классъясын велёдчысъяс нимкодясьбыны съёлёмöдз йиджан кывъясон восьтом Коми мулён мичлунён.

«Дзирадав жё, Коми му, коляоз дзоридзöн,  
Съёлаоз синъясон, гёрд лежнöг чвельясон!  
Быдмы жё, парма шёр коз,  
Кисьмы жё, керёсдор оз!..»

Тайö — «Мунёны» поэмась строкаяс. Поэмас — коми литературын медтöдчана гиждъясысь öти, но ас кадо гижисьсö чорыда мыжавлісны — вывті по кыпöдан-лэптан Комитö, тайö по национализм...

Кор оланныгыс небзис, Илля Васть воис самолётöн Сыктывкарö, ёгра-финн кывъяс туялысъяслöн конференция вылö. Самолётыс лючки-ладнö пуксис и..., мый лои водзö, сылён казтылёмъяс серти ме тадзи гижи:

«Ас мүын,  
Коді олём сетіс,  
Кён бурас эсқиг, волі збой...  
Ме самолётты муртса петi,  
Друг кыла — күтö кодкö сой.

И век на казтылёмыс сотö  
Сы йылысь, кыдзи — наян, ён —  
Бёр йёткис менё самолётö  
Сыв пасьта пельпомъяса зон.

Дерт, зонлы кодкö сетіс индöд,  
Мед — враг не враг — но мунiс тась.  
И со нин бергалёны винтъяс —  
Бёр тёвзьё-лэбё Илля Васть».

Йиджыд коми учёнойлы ас му вылас весиг тувччывнысö абу сетёмайс. А некымын во мысти нин Сыктывкарын пасайисны Илля Вастьлыс 75 арös тырём. Президиум пызан вылас си водзö тэчалісны дзоридз дорö дзоридз, козин дорö козин, а Илля Васть долыда нюмъялiс да аттьёалана кывъяс шуалiс, но, кор сетiсны сылы кыв, виччысътöг бёрддзис синваён да минут кык-куим кыв эз вермы шуны. Сэсся и

казтыліс, öні пö со кыдзи чоломалоны, а дзик на быттьö неважён ас  
му вылö тувчывны эз сетны — бöр тодмышкалісны самолётö.

Нöшта öти казтылантор эм, сы йылысь эг на гижлы ни эг висъастас  
некытён... Гоститісны ме ордын Илля Вась да Англиясы учёной Джон  
Гордон Коутс. Пызан сайын найö пукалісны öта-мöдислы воча да гораа  
варовитісны. Комиён. Илля Вась съёкыда кыліс да чунъяснас топöдёмөн  
кутіс пель дорас кывзан вугыль. Коутс гораа юаліс:

— Комынöд воясöдз тэ уна гижин, а сэсся ланьтöдчин. Мыйла?

— А сы вöсна, дона Коутс,— вочавидзис Илля Вась,— мый  
Европын кутісны сукмыны кымбрьяс, миянлань матысмис война грöz,  
та вöсна лои лирика эновтны да вöчны коланаджык уджyяс.

Коутс довкнитіс юрнас и чöв уси, а Илля Вась бöрындыхык, миянöс  
нин гёгёрвойдіс: «Ме öд абу йöй, медым збыльсö висъставны рубеж  
сайысь воём мортлы — сiйö гортас мунас, а ме татчö коля...»

Илля Вась ёна тöждысыліс коми литература сöвмөм вöсна. 20-öд вo-  
яс помын сiйö гижліс:

«Роч книгаясын, кодъяс серти ми велöдчылім школаясын, эмöсль  
гижöдъяс Пушкинлён, Гогольлён, Толстойлён, Некрасовлён да мукöд  
гырысь роч гижыссыаслон. Коми йöзлён литератураыс абу на, сэтшом  
нимъяс, кодъяссоs казтыштім рочлысь, миян абу жö, ниномён ошиысыны,  
нином на весиг и лыддыны миянлы.

Огö жуғыльтчой, коми пиян! Коркö и рочлён некутшом литература  
эз вöв, коркö и рочнас унаторъяс йылысь оз позь вöлі сёрнитны, роч  
кывыйс вöлі кын. Но сiйö дырён босытчис, и лоины Пушкинъяс...

Сiдз жö и миян, бур вокъяс. Миян вермас жö лоны литература,  
сöмын колö сiйöс ёндыхыка кыпöдны, босытчыны тайö уджас ставлы,  
коди мый вермас. Уджалöй, лöсöдöй коми кыв, том войтыр, асланыд  
посни чой-воклы...»

Сетам некымын кывбур, кодъяс шоцджыка вöлісны печатын.

Илля ВАСЬ

## Менам музга

Менам музга сьöд вöр шöрын  
Кöдзыд лунö чужи;  
Айыс, пöльыс сылён вöлі  
Прöстöй коми мужик.  
Гажа ягын черлысь тотшкöм,  
Пила нязгöм кывліс;  
Видзъяс вылын турун шульсийг  
Сыланкыв мем сывліс.  
Меным сыліс, кыдзи йöзыд  
Кынöмпöтла пессьö,  
Кыдзи пöссыс коми мортлён  
Ведраясь моз лäччö.  
Кыдзи юяс, видзъяс, парма —  
Ставыс морт моз олö.  
Кыдзи сэтчö коми мортыс  
Пальöдчыны волö...  
Мукöддырий пемыд рытын  
Пуксяс сiйö дорам.  
Збоя... нора сывны тшöктас.  
Сыла... Сёрёдз-сёрёдз.

# Ас чужан му

Олан жё вылан тэ,  
Ас чужан му —  
Веж еджыд яг нöрыс,  
Дзирдалан ю!

Олад жё вылад,  
Енэжлён лöз,  
Кыпыда сыылысь  
Уджалысь ёöz!  
Сыктывкар нöрыс,  
Йи море дор,  
Тракторён гёрём,  
Поездлён гор!

Öтувъя мус,  
Тундра и кöр,  
Дон югыд юяс,  
Парма и вöр.

Олан жё вылан тэ,  
Ас чужан му —  
Веж еджыд яг нöрыс,  
Дзирдалан ю!

# Коми ёрт чукёрлы

(Сии коми гижысь чукёртчылёмлы)

Кыпыда чукортчой,  
Топыда топöдчой,  
Сьёлёмма ёртьяс.  
Выль юёр ваяиныд  
Комилы — сы понда  
Ошкана мортъяс.

Пёрласьём пу вомён,  
Мыр вывті, нюр кузя —  
Мунан туй веськыд.  
Голь ёзлань банаöс!  
Выниёрныд ыджыддыхык  
Вöлі кё эськё!..

Мед кёть и онöдз на  
Рочмёдём сьёкыда  
Выланыд водö,—  
Коми ёрт чукёрлон  
Выниёррыс котырмё,  
Лунысь-лун содö.

Сьёлёмсянь косясьёй  
Рочмёдан ўйлункöд,  
Коми ёрт чукёр!  
Сьёд, пемыд ўзнымлы  
Тиян пыр матысмас  
Выль кыа югöр.

1926.

Дасытіс **В. Тимин.**



Помасьё фашистской Германия вылын Великой Победа ше-дöдöмсянь 55-öд во. Пыр ётарё чинё войналён съёкыд изкияс пыр мунём ветеранъяслён лыдыс. Йирым (октябрь) тёлышыз за-водитчигён Сыктывкар колльёдис мёдар югыдö нёшта ётиёс на пиыс — Н.И.Козловс. Николай Ивановичос ыдждöдлিসны «на-родной учительён». Сий гижис да лэдзис школалын велöдьысыяслы отсöг вылö нелямын книга, кутліс топыд ийтöд газетъяскöд, «Войывив кодзув» журналкёд. Күвсыйтöдзыс кык вежонён водз-джык пыртис журналия ассыыс медбörя гижöд. Вöзж-ял сийёс лыддьысыяслы. Тайё лоё и гижысысö казтылёмён.

Н.И.КОЗЛОВ

## Кудинса Одиссей\*

1933 воё ме помалі Емдінын педтехникум. Мёдöдисны велöдьысыён Удораё, Важгорт сиктса сизим класса школаё. Ёттшётш тыртисны и мукöд, обществен-нöйён шусян, уджён: индисны йозёс вежёрöдьысыён (агитаторён) Кудин деревняё да лекторён Путшкымдін сиктö.

Вежон-мёд мысти муні Кудинё. И медводдза мортён, код-кёд сэн паныдаси, вёлі Дмитрий Ильич Плаксин. Воим сёрию. Вёлёмкё, сийё тёдё нин, мый Важгортö воёмаёс куим выль учитель: Моисеев, Поповцев да Козлов.

Сэкся кадё Удораын тёдисны район пасыталыс став йöсö, кёть эсько деревня-грездъясыс вёліны ёта-мёдсяныс зэв ылынöс: Кослансянь Коптыёдз (Вашка кузя медылі грездöдз) — кыксё километр, а Мозын кузя Макар-Ыбöдз — сёйсъ унджык.

Дмитрий Ильич висытасис, кыдзи олё, мый вёчё. Уджала по-кылодчысыён. Ме висыталі сылы Эжва пёлонса крестьяна йылыс, кодъяс пёвстын быдми. Мырдён кёвъялём колхозъясад овсис налы съёкыда. Янсöдчигён нин Дмитрий Ильич индис аслас ыджыд керка вылö да шуис: «Пыр любой кадё, гösထён лоан».

Кыдзкё артмис сидз, мый Важгортын ме дорö велалисны волывлыны школалын ётлаын уджалысыяс. Сёрнитлім велöдöм йылыс, юксим мёвпъясан, а сэсся ме понді висыставлыны лыд-



\* Одиссей — важся эллинъяслён мифъяс серти, сюсъ вежёра, повтöм сар. Одиссеяён нимтöны повтöмлунöн да сюсъ вежёрён венöм уна съёкыдлунъяса кузя туй.

дём книгаяс йылысь. А лыддыси уна, и паметтой бур вёлі. Надзёнікён миян ордö кутісны волывлыны сэсся поштавывса, сельпоса, больничаса, вый вёchan заводса уджалысья — чукёрмывлім 20—25 мортодз. Сэк ёд весиг радио ээ на вёв (медводдза антеннасö сувтöдісны Важгортын, буретш школа дорын, 1934 воö).

Отчыд сиктын мен паныдасис Дмитрий Ильич. Кори сійös волыны рытпукны. Локтіс. Сіё рытнас ме лыдди-висъставлі Марк Твенлысь «Принц и нищий». Мыйён помалі, Дмитрий Ильич чеччис да яра шүö:

— Ме кё эсько вёлі принцон, петкёдлі, коді сэтшом коми мужиқыс!

Чукортчысыяс гора сероктісны, а кодкё и юаліс сэсся:

— Но тэ көть миянлы бур ногён висъстав — коді да и кутшом сійö, коми мужиқыс?

Дмитрий Ильич, а вёлі сэк сылы ар комын нин, веськыда юаломсызд шай-паймунліс, но ёдйө веніс родыштёмсö да во-чавидзис:

— Ме, дерт, помёдз эг на мёвпышты та йылысь, но кута тёд вылын сійös, мый коми морт зэв уджач, веськызд, оз куж гусясыны, повтём, чорыда кутё быд сетём кыв, некор некутшом сьокызд лунъяс понда оз йёрмы, век корсью да аддзё петан туй...

Разöдчигён сыён шуём кывъяс гёгёр и гарчис став сёрниным. Водзё сэсся миян «литературной» рытъяс вылёт Дмитрий Ильич ээ волывлы — оліс ёд бокын, Кудінöдз верст вит лоё, но быд паныдасылгё юасыліс, мый да кутшом книгаяс йылысь нин сёрнитлам.

Ме пыри сэсся заочной велöдчыны Ленинградса университетö, быд гожём ветлі экзаменъяс сдайтавны. 1941 воö муні водзджык, мед эштöдны велöдчомёс да босытны диплом. Но ставсö торкис война. Велöдчом дугöдісны, ме веськалі ополчениеö. Вёлі косьясын, ранитчи да бурдöдчыны бёр вайисны Ленинградö. Бурдом бёрын индісны начальникöн көрт туйвывса эшелонö, медым нуны ленинградса детдомъясысь челядьёс Киров карё. Пöрті тайё могсö. Но бёр Ленинградö ээ лэдзыны. Тшöктісны мунны Удораö да локны сэтчöс военкоматö.

И сэки, 1941 вося сентябрнас, ме бара паныдаси Д.И.Плак-синкёд. Сэк сіё уджаліс да оліс Косланын. Сёрни артмис кузь.

— Мыйся тайё война? — юасис менсым. — Ленинград кытшын. Немеч ырыштчома Москвалань. Минск сетім юнын на. Миянöс ётарё велöдісны, мый кутам кё тышкасыны, то сомын вёрög му вылын. А мый артмё збыль вылас? Тэ вёлін нин косьясас, ад-дзылін и немечёс. Вочавидз меным: Гитлерсö венам али огой?

Ме вочавидзи тадзи:

— Дерт, миян странаён юралысьяс вёчисны, тыдалё, ыджыд öшыбка, но та йылысь сёрнитны оз позь. Война лоас зэв сьокыздон, кыссяс оз öти во. Тэнайд ковмас жё мунны сэтчö. Отитор верма шуны сорсытötг: немечтö венам.

1942 вося апрельын босытöмäсöс армияö и Дмитрий Ильичёс. Вöвлём моряк (действительной службасö сіё нулома флотын) веськалома Ладогаса флотилияö. Тасянъ и колё артавны сылысь «одиссеясö». Буретш Ладога тывывса косьясын морской десантник Д.И. Плаксин шедёдіс медводдза боевой награда — «За оборону Ленинграда» медаль (лöссыдлісны сіёс 1942 вося декабрын — И.К.). А мый вёчсыліс Ладога ты вылас да сы дорын 1941—1943 воясö, паськыда тёдса.

1944 вося апрельын Дмитрий Плаксин, Кронштадтын дженыыд кадся курсъяс вылын велёдчом борын, босытс рулевойлышь специальность, лои мёдёт статьяя старшинаён. Индісны командирён 610 номера тендер выло. Мый сэтшом тендерыс? Десантникъясос новлодлыс нэыджыд корабль.

И тані Удораса Кудін деревнясь петём коми мужик петкодліс, коді сійө сэтшомыс да мый дон сулало!

1944 вося июнь 21 лунё пансис лунывыв Карелияös мездом вёсна тыш, Ладожской да Онежской тыяс костын. Великой Отечественной войналён историяё тайё тышыс пырис Свирско-Петрозаводской операция ним улын. Толысъ мысти Красной Армия петіс Финляндиякод войнаёдса суйёрө.

Финнъяслон войска борынтычны Ладога ты пёлон нюжёдом бур туйясод. Медым орёдны найёс, июнь 23 лунё Ладогаса флотилия, кодён командуйтіс контр-адмирал В.С.Чероков, чеччёдіс прötivnіkly тылас куим сурс морта десант. Сизимдас сайё корабль участвуйтіс десантсо чеччёдомын, на лыдын и 610-од тендер старшина Д.И.Плаксин командуйтөм улын. Финнъяс водзасисны вывті чорыда. Мёд луннас миян флотилия чеччёдіс десантникъяслы отсёг выло нёшта быдса бригада. Нёль лун да вой кыссис кось финнъяслон войска мышкын. Противники ковмис борынтычны вёрса туйясод. Тайё десантсо чеччёдомысъ Ладогаса флотилияös наградитісны Красной Знамя орденён. Кызды и Балтикаса флот, Ладогаса флотилия лои Краснознаменнойён. Наградаяс вичмисны уна моряклы. Старшина Д.И.Плаксинлыс морёссо мичмодіс Красной Знамя орден. Тайё косьяс дырииыс пуля ни осколок ээ весиг сарпышт сійёс.

Ладога ты дорын косьяс лёнисын. Посни корабльяс, на лыдын и Плаксинлысъ тендерсө, тэрыба вуджёдісны Чудской ты выло, кёні діясыс да рыхты берегыс воліны немеч улын на. Дорийсыны дасьтысъомасть крепыда. 1943 вося август 16 лун. Дмитрий Ильичлон некор сійө ээ вунлы. Колі нуны да чеччёдны десант Рака Из (Вороний Камень) ді выло, кёні сизимсё во сайын немечкод жо нүодліс тыш Александр Невский. И оні косьыс муніс сәкся моз жо яра, сомын мёд оружьеён, дер. Чорыда лыйсъом борын десантникъяс пырёдчысны Чудской тылон рыхты берегө, а Рака Из лои весалёма фашистъясысъ. Тайё косяс Дмитрий Ильич ранитчис (ээ нин первойысъ). Петкодліс асьсо кужысъ командирён, збой, повтөм воинён. И флотилияса командуюшой мёдисъ на-градитіс сійёс Красной Знамя орденён.

Бурдочомыс ээ ёна дыр кыссы. Сентябрин Дмитрий Ильич бёр нин волі аслас тендер вылын. Чудской ты дорын косьяс помасъом борын корабльяс — гырысъ и посни — вуджисны Балтика саридзё. Могныс — мездыны фашистъяс улысъ Балтика вывса діяс, медводз Моонзунд архипелаг, кёні медся ыджыд діыс — Эзель (Сааремаа).

Немечьяслон тан волі уна гырысъ и посни корабль — миноносецъяс, торпедной катеръяс. Оти кось дырии Д.И.Плаксинлон тендерыс муртса ээ кач... енэжё. Фашистъяс лэдзисны торпеда. Сійө веськыда уйис тендерлань. Оти матрос уськодчис пидзёсчань вылас да пондіс кевмысъны Енлы. А командир ээ шёйёваш. Отчыд чеччыштёмён лои ичёт калибра пушка дорын. И пондіс лыйлыны тендерлань уйись торпедаё. Веськал! Торпеда взорвичис катеродз вотодз.

1944 вося октябрин пансис Моонзунд нима десантной опе-

рация. Немечъяслы виччысътöг октябрь витöд лунö миян десант чеччис Эзель (Сааремаа) дi войвылö. Морякъясöс нинöм эз вермы кутны. Фашистъясöс сэн лои веськыда пасьвартöма. Тайö косяс кужёмлун петкöдлöмьсь да повтöмлуньсь Дмитрий Ильич Плак-синёс коймёдысь наградитисны Красной Знамя орденён.

Моонзунд архипелаг мездöм бöрын первой статья старшина Плаксинлы вичмис воюйтны дыр на. Война сылён эштис Данцигын (полякъяс ног оня нимыс — Гданьск).

И сiйö жö арнас йирим (октябрь) тöльись бергöдчис гортас Удораса Кудiн деревняö.

Войнаöдз Дмитрий Ильич эз колхозын уджавлы, а пыр вöлi кылöдчысъён да мый, а сэсся велöдчис да бухгалтерён уджалис Леспродторгын. Аддзылiс воюйтiгас да война бöрас, кыздзи олöны немечъяс.

— Быттьö мойдын кодь мöд му шар вылö веськалан. Мый налы абу тырмылöма?!

Дмитрий Ильичёс, гортас воёмён тшötш, бöрайисны «Пламя» колхозса председательён. Ёна эсько пыксис, да мый вöchan: фронт вылас пырис партияö, а коммунисты, кыздзи велöдлiсны, колöлоны сэнi, кöni сьокыдджык и кöni коланаджык.

Олöма йöз помнитöны — войнабöрса вояс Комиын, торъя нин войывланыын, вöлiны вывтi сьокыдöс. 1946 вося гожёмнас зэр тусь эз усылы — ставсö косытис. Сы бöрын сэсся кык во помся вывтi зэрис, тулыс и ар кынталис. Нянь ни кöрым — йöзлы сёйны нинöм, и скöтлы кöрым абу. Мösъясöс да вöвъясöс тулыстявыв ковмылiс гезийн кörтавлöмён кутны кок выланыс. А начкыны эз позь — тайö лыддыссылiс вредительствоён. Кор скöтинаыс тшыглы кулö — бара жö преступлениеён арталöны. Колхозъясса председательяс тшöкыда эз тöдны, мый и вöчны: либо мыйтакö начкыны скöтсö, мед мукöд скöтинаыс эз кувны, либо тшыгла воштыны став юр лыдсö.

«Пламя» колхозса председатель Д.И.Плаксин бöрайис воддза петан туйсö. Омольджык скöтсö начкисны, мед этшаджык юр лыдöн тöвийны, но тшыгla пемöсъясöс не кувсööдны. Колхозникъяслы яя вölöга вичмыштis трудоденьяс вылö — бара жö мед эз тшыгъявны. Но председательös таысъ эз малыштны юрöдys. Кыздзи вредительлы швачкисны пукавны дас во лагерын. Нинöм эз босытны тöд вылö, весиг и сiйöс, мый коммунист Плаксин фронт вылысъ воис морöс вылас куим Красной Знамя орденён! А тайö орденсö, кодi 1930 воöдз вöлi странаын медся ыджыд наградаён, сетлiсны, кыздзи пасиёма статусас, налы, кодъяс вöчисны тöдчана подвиг, петкöдлiсны вöрёгкöд косын торъя повтöмлун, тышкисисны ассыныс олöмсö жалиттöг... Морöс вылын сiйö новлыссис Ленин орден бöрын мöдöн.

И нöшта. Великой Отечественной война дырии коми воинъяс пыясь Красной Знамя орденён куимысь наградитлiсны Д.И.Плак-синёс дзик öтнассö. Вöлiны Сöветской Союзса Геройяс, Слава ордена тыр кавалерьяс, а куим Красной Знамя орден — сöмын сылён. А Дмитрий Ильич эз вöв весиг офицерён — флотса первой статья старшина öтвесьтын пехотаса сержанткöд.

Вит во ковмис винтовка улын, тшыг ниссö пётöн, пöрёдны вöр Емва пöлöнын. Сталин кулöм бöрын кык во мысти на сöмын лэдзисны дзескыддiнысъ гортас. Ладнö кöть боевой наградаяссö эз мырддьыны судитöм бöрас...

Коми Республикалён Казьтылан Книгасын (5-öд юкён) пас-

йыштöма Д.И.Плаксин йылысь. И гижома, мый войнавывса дойяс дженъдöдисны сылысь олёмсö — 1957 воын Дмитрий Ильич кувсис ас чужанiнас. Книгас тайё петалiс 1997 воё, кор воддза йывсыс позылiс нин висыставны да гижны восьсён, кытшлаттöг да дзеблавтöг. Д.И.Плаксин кувсис ветымын куим арёсён эз сымда войнавывса дойясысь, мыйта вит во чёж мыжтöг лагерын пукодомысь. Со конi збыль помкаыс.

Колины вояс, и артмис сiдз, мый ме матöджык тöдмасылi Дмитрий Ильичлён челядькёд.

Медводдзаён тöдмасылi ыджыдджык нылыскöд — Нина Дмитриевнакöд. Сизим класс помалём бöрын сiёй мёвпыштöма велöдчыны педагогö. Батьсö сэк пуксöдомаёс нин. Шыасяс мамыс дорö, а сiёй и кывзыны оз кёсйи нылыслён водзö велöдчöм йылысь: некодлы по гортын ни колхозын уджсö бергöдны, да и нинём вылö велöдчынысö — грёш деньга абу. Колхоз правленньёын бара жё паныдöс. Но Нина вöлi асныра, батьыслён кодь жё чорыд оласнога. Кута, шёю, велöдчыны — и ставыс. Тöдмалёма, мый Разгортланын дzonьтталёны да вылымёдёны мир туй. Мунас сэтчöдз подён сё кыз верст, медасяс канава кодыны. Тöльись мысти арталасны, мый дон уджалёма. Нажёвитöма сёмын сымда, мый дон сёйёма. Мый вöчны? Шудыс вылö паныдасяс сэн Женя вокыс — локтö гортас подён Сыктывкарын фельдшерско-акушерской школа помалём бöрын. Шыасяс сы дорö отсöгла, а вокыслён и аслас грёш абу. Но удждысяс ёртыслысь — öкмис шайт сюрё. Та мында сёёмён и мёддöчес водзö туйё дас квайт арёса нывка. Емдiнöдз воас.

Локтас педтехникумö, а сэнi висыталёны, мый велöдчыны пырысьяслы экзаменъяс лоасны тöльись мысти на. Емдiнсянь сизим верстён улынджык Эжва кузя Чернояр кылöдчанiн. Нина мунiс сэтчö. Удж вылö босытисны. Туй дzonьтталанiн серти тан бурджыка мынтысисны. Нажёвитыштiс мыйтакö. А недыр мысти пырис сэсся педтехникумö.

Велöдчис эз прöстö бура, а веськыда яра. И тадзи нёльнан во чёжыс. Гожёмнас — ас колхозас да кылöдчанiнын, тёвнас — велöдчан пызан сайын.

1954 воын, батьсö лагерысь лэдзтöдз на, помалiс педтехникум медбур оценкаясён. И мёддöдисны удж вылö аслас районса медся ылi школаö — Нёбдiнö (некымын во мысти тайё деревняыс быри). А сэк Косланöдз кывсис, мый Нёбдiнын пüёмён пüю октябрятакöд да пионеръяскöд удж, чужома весиг тимуровской команды. Райцентрын татшöм водзмёстчысь велöдьсяссыд колоны жё. И регыд Нина Дмитриевнаöс вуждöдисны Косланса шöр школаö.

Ме сэк уджалi Сыктывкарын просвещениеса министрös вежыссыён. Вони командировкаö Косланö. Нина Дмитриевна и тани нин нималiс. 1958 воё сiёйс индисны школаса директорös вежыссыён (пединститутын велöдчис заочнöя) — велöдчомысь отдор челядькёд удж котыртём кузя. И Косланса школа та боксянъ пондiс нимавны республика пасытала. Нина Дмитриевна быдлаö вевъявлiс, быдтор сяммылiс котырты да вöчны. Нейджыд гижöдын ёна унасö он вермы пасыны. Дас сизим во помся Н.Д.Плаксина вöлi Кослан школаса директорös вежыссыён. Сiёйс наградилiсны «Знак Почета» орденён, став весытаса почет грамотаясён, «Отличник народного просвещения СССР» значокён, сетлiсны уна дас благодарность. Но 1981 воё Нина Дмитриевналён оломуыс нем виччыссытöг ори...

Эз ёна торъяв ыджыдджык чойсыс и ичётджыкыс, Манефа.

Кёкъямыс класс помалём бёрын пырис уджавны тшётёводён Важгорт сельпоö. А сэсся вуджис Косланö, помаліс сэн рытъя шёр школа. Нейджыд кадколаст мысти пырис велёдчыны советской торговля Ленинградса институтö, кодös помалём бёрын локтис уджавны товароведён Удорской леспромхозлён орсо. 1969 восянь Манефа Дмитриевна велёдö том вузасысыясöс советской торговлялён Сыктывкарса техникумын. И сылон бара жö, кыдзи и ыджыддыхык чойыслён, бур уджысь куд тыр награда. Кöть эсько Манефа Дмитриевналы важён локтö пенсия, а шойччом йылысь оз на мёвпав.

Но Дмитрий Ильич да сылон гöтыр Анна Алексеевна Плаксинъяслён медводдза быдтасён воли Евгений пи. Пасий нин, мый сий помавліс Сыктывкарын фельшерско-акушерской школа. Сы бёрын — Архангельскса медицинской институт да Ленинградса клинической ординатура. Уджавны заводиліс фельшерён аслас Удора районын, институт бёрас нёль во воли хирургон да главной врачон Абъячойса райбольничайын. А ординатураны велёдчом бёрын 34 во нин уджало Сыктывкарын — и медводдза лунсяныс челядьлён хирургон. Мукöддырии лыдпасъяс висьталёны кузь гижёд серти унджык. Евгений Дмитриевич комын сайё вонас вöчис сизим сюрсись унджык операция. Сийос позьё лыддыны Комиын челядьлы хирургия чужтысыён. Он вермы артавны, кымын ичöt олысъос ловзьёдисны сылон киясис. Евгений Дмитриевичос, Республикаса заслуженней врачос, тёдёны Комилён быд пельёсын. Матысмё сылы сизимдас, но онёдз пошти быд лун операция вöчан пызан дорын.

Дмитрий Ильичлы эз мойви аддзывны пи-нывъясылысь верстё олёмсö. Күтшёма эсько нимкодясис аслас быдтасъясон. Од ставныс найё босытисны оласногсö сий «коми мужикиыслысь», кодös сэтшом ясыда серпасавліс вежёрнас бёро кольём 34-öд воин. А муса гöтырыс, Анна Алексеевна, вуджис кузь олан нэм, кувсис окмысадас арёсён Сыктывкарын, ныв-пиыслён тёждён кытшаломён.

И медбörятор. Д.И.Плаксин кодь коми геройыс Ыджыд война вылын воли этша. Красной Знамя куим орден мичмёдліс сылысь мороссо дзик öтнаслысь. Сомын война бёрас ёна сёрен нин, уна во мысти, вётёдисны сийос та боксянь куим коми генерал — Д.Г.Дубровский, А.И.Калинин да А.И.Одинцов. Но Дмитрий Ильичлон военной чиныс воли дзоляник — младшой командир, первой статья старшина. И куим орденсö сылы сетисны дзик öти во джынийён! Ме думыссы, Д.И.Плаксинлысь нимсö коло пасыны зарни гижёдон, тайё повтём воиныс онёдз нимётём на. Воли эсько зэв лёсялананаён, кутас кё новлыны Д.И.Плаксинлысь нимсö Важгорт сиктса шёр школа. Мед бурджыка мёвпыштласны та йылысь Удора районаса юралысьяс.



# Йёзёдёма «Войыв кодзув» журналын 2000 воын

Романъяс, повестьяс, висльтъяс, поэмаяс,  
кывбуръяс, пьесаяс

АЛЕКСЕЕВА А. Няня, легендаяса сикт. 1.

АНУФРИЕВ В. Вильыш Руська. Висльт. 1.

АФАНАСЬЕВ А. Ме ичёт чужан мүөс вошті. «Шондіа нывбаба...». «Кытчёдз менё радейтан...». «Мусайй, донайй...». Кывбуръяс. 1. Пони Вань. Висльт. 9.

БАБИН В. Асыв. Оти войся шуд. Кывбуръяс. 9.

ВАНЕЕВ А. Выль кывбуръяс. 2. Лысва войтьяс. Дженызыдик кывбуръяс. 5. «Төлгөться шюмъялсы тулыс кодь волін...». «Енмыс нывъяслы сиома...». «Пасъызд ю вомён...». Кывбуръяс. 7. Рытъя кыя. «Сәки некодос эг на ме радей...». «Эз эта морт...». Ытва. Кывбуръяс. 11.

ВАСЮТОВ Ю. Кывбуръяс. 4. Шыр кывтö-катö. Повесть. 11; 12.

ВЫОХИН В. Чукостана гор. Кодк. Официантка. Кывбуръяс. 2.

ГАБОВА Е. Антон, гөрд пон да сюсь нывкаяс. Повесть. 5.

ГОНЕВ Н. Тұвсов ий вылын. Висльт. 1.

ГОРЧАКОВ Г. Нянь көрыш. Висльт. 2. Сюсь зонъяс да наян понъяс. Пьесамайд. 12.

ДЕМИНА Н. «Мыйла нё съёлёмös...». Кывбур. 11.

ЕЛФИМОВА А. Выль кывбуръяс. 1; 3; 6. Тулыс. «Тэ менам астья зэр...». «Ме век на тэнад...». «Но тэ менё бара на ылдлан...». «Мед кё олёмой...». Кывбуръяс. 9; 12.

ИГУШЕВА М. «Тэ сылпін...». Кывбур. 11.

КАЛЕВАЛА. Карел-финнъяслён эпос. 1; 2; 4; 6; 7.

КАНЕВ А. Еджыд крыса. Висльт. 6.

КОРЕЦКИЙ А. Сöмын олой. Кывбур. 11.

КУРАТОВ В. Ковтём жёник. Висльт. 3.

КУРАТОВА Н. Пöсъ пывсян. Висльт. 2.

КЫЗЪЮРОВА Т. Радейтчом ылдысъ. Кывбуръяс. 9.

ЛАПШИНА В. Үджыд, зумыд овмёсён. 1.

ЛОДЫГИН В. Кывбуръяс. 4. «Радейта васö и мусö...». «Съёлём гажёдчыны корё...». «Дзик на еджыдён озыйс...». «Олёмыд — збыльсъ ёд олём...». Кывбуръяс. 9.

ЛУЖИКОВ А. Кывбуръяс. 4.

ЛЫТКИН В.И. (Илля ВАСЬ). Нимтём поэма. 6. Кывбуръяс. 12.

МАЛЬЦЕВА А. Выль кывбуръяс. 3.

МИШАРИНА А. Мам ылдысъ кыв. Кывбур. 3. Чужан мүой — съёлёмын. Кывбур. 8. Тима Венълы. Кывбур. 10.

НАПАЛКОВ В. Эзысъ перна. Роман. 8; 10.

НЕКРАСОВ А. (Гамса). Пöлльён висльт. Сюзъяслён койт. Вöвъяслён «дед». Висльтъяс. 7. Мöдар юғыд съём. Висльт. 11.

ОБРЕЗКОВА Н. «Өні олам тэкöд карын...». «Бордъяс вылын...». «Сізд и коля...». «Мужичойяс...». «Оз кё артмыны...». Кывбуръяс. 8.

ОДИНЦОВ А. Ошкод кольпасьём. Шыши. Висльтъяс. 9.

ПАНЮКОВ А. Тюрнинъяс. Документъяса повесть. 6; 9.

ПАРНАЧЕВ А. Козин. Висльт. 2. «Сони» телевизор. Висльт. 4. Кык висльт. 6.

ПОПОВ А. Грезд. Повесть. 1; 2. Вежа кытш. Кык юкона теш. 4. Кытчö нö тэ, Микулай. Повесть. 7; 9.

РАКИН А. Ичёт бочкаын. Мыйла чеги. Муслун. Кывбуръяс. 3.

РАСТОРГУЕВ А. «И арлыд чуймёдана овлö...». «Быд войтын кылö...». Үдждалысъ Музалы. Кывбуръяс. 7.

СИЛИН В. Вöралысылён висльтъяс. 5.

СМИРНОВ В. Валя-Валентина. Висът. 9.  
СУВОРОВ А. «Вой...». Гожом. «Катшасинъяс...». «Бара пывсян...». Кывбуръяс. 11.  
ТИМИН В. Выль кывбуръяс. 2. «Кёнкё кёдзыд...». «Ак, ёна жё нин паськыд мирыс...». «Тэ со прёст...». «Миян ичёт грекъяс...». «Весьшёрö ме восси...». Кывбуръяс. 10.

ТИМУШЕВ Э. Выль кывбуръяс. 1. Шатинъяс. Висът. 9.  
ТУРЬЕВ А. Кывбуръяс. 12.  
УЛЯШОВ В. Натёг олёмас — ньёр. Туйё корё. Тёлысь — тун. «Ме ола, мыйта шуис Енимыс...». Сомын виччысь. «Мортлон чужём...». «Олёмад кё коля югыд пасён...». Кывбуръяс. 1. Кывбуръяс. 5. Менам вояс. «Воддза олёмас...». Юкмёсъяс. Кывбуръяс. 8.

ХОЗЯИНОВА Е. Менам ордну. 1.  
ЧЕХОВ А.П. Пёлян. Зонкаяс. Шуштёмлун. Шмонь. Налим. Госпожа НН-лон висът. Дась нянь сёйысъяс. Висътъяс. 3.  
ЧИСТАЛЕВ В. (Тима ВЕНЬ). Югыд вой, кёдзыд вой. Ок, эськё! Кантеле лоём йылысь. Йöz мүни. «Сідзи сылёмнас...». Кывбуръяс. Тёлө. Висът. 10.  
ЧУПРОВ О. Кывбуръяс. 5.  
ШАХОВ Б. Клим Самарин да мукёд. Висътъяс. 3; 4; 10.  
ШОМЫСОВА Н. «Сэтшом гежёда...». Чужтём кывбур. Мам. Кывбуръяс. 11.  
ЮШКОВ Г. И менам тась вирёй и лолёй. Кывбуръяс. Кыкысь олём. Вемёс нисьё шемёс. 4. Любита он? Ичётик драма. 7. Вайёй меным ёшкамёшка. Сыланкывъяс. 8. Сыланкывъяс. 12.  
ЯКОВЛЕВ Ю. Дженыыдик висътъяс. 5. Вёр-ва серпасъяс. 11.


## Публицистика

АРСЕНЬЕВ Ф. Вёралысь попадья. 6.  
БЫКОВСКАЯ Н. «Коми мулён» — аслас чужёмбан. 11.  
ВАНЕЕВ А. Велёдысь, гижысь, учёной. 6.  
ДИКОЕВ Е. Муса нимъяс. 3.  
ЖДАНОВ Л.А. Пединститутлон медводдза воськовъяс. 8.  
ИГНАТОВ М.Д. Сардор карлён нимъяс. 4.  
ИГУШЕВ Е. «Кутшъяс, йёраяс, ошъяс». 6. Сёдз ва — сёстём муслун. 11.  
КОВРИЖНЫХ Ю. Нэм кежёл ёртъяс. 6.  
КОЗЛОВ Н.И. Вёвлім вит вок. 1. Кудінса Одиссей. 12.  
КОЗЛОВА Е. Олём. Школа. Литература. 8.  
КОРОЛЕВ К.С. Дона изъяс. 2. Медводдза археолог С.Е.Мельников. 9.  
КОТЕЛЬНИКОВ В.М. Некодёс вундётг. 1.  
КОЮШЕВ И.А. Войналён гугыс дзебасын на. 5.  
КУДРЯШОВА В.М. Оліс поэзияён. 7. Из сайысь Венё Ярко Юрё. 10.  
КУДРЯШОВА В.М., ЦИВИЛЕВ А.А. Кык юдорса кар. 7.  
КУЗНЕЦОВА Т. «Грездысь босытё олан вынис...». 5.  
КУРМАНОВА Г.Д. Пёрысъяс вёсна тёждлунён. 4.  
ЛАРЕВ А.К. — 70 арёс. Аддзис ассыс кодзув. 1.  
ЛЮОСЕВА Л.Д. Медводдза аптека. 8.  
МАГИЙ М. «Лун югдо асывсянь...». 11.  
НАПАЛКОВ В. «Медводдза повестьös сёйис... кёза». 2.  
НЕСТЕРОВ Е.А. Коми печатьлон медшёр вежтасъяс. 7. Усть-Сысолыск —  
лыддысысь кар. 8.  
ПАНЕВ З.В. Мед дзъяс би! 9. Сыктывкар. 1937 во. 11.  
ПЕТРУНЕВ А. Война жальлун ээ тёдлы. 3.  
ПЛОСКОВ И.А. Важ небёгъяс, обрядъяс... 9.  
ПОПОВ И. Кывийй, эн виш дой пытшкё... 6.  
ПРУЧКИН В.Д. КАРАКЧИЕВ С.А. Кык удж — оти мог. 10.  
ПЫСТИН С. Орден — Буденный киысь. Онёдз «мынтысьё» регланысь. 4.  
РАЗМАНОВА О. Радио — биа воясё. 5.  
СЕМЯШКИН Т. Изъва Гамса лекар. 7.

- СМИРНОВ В.И. Колё лэдзын ыджыд небёгён. 1.  
СПИРИДОНОВ Ю.А. Аския лунным — ас саяним. 8.  
СТЕПАНОВ В.А. Ловнад кывны вужтö. 1.  
ТОРЛОПОВ Г. Нэмён вунёдлытöм друг. 3.  
ХАТАНЗЕЙСКИЙ Н. Унаториёй велалим. 2.  
ЦЫПАНОВ Е.А. Комиёндкык сёрнитны-гижны. 3. Уна на кёсья ме  
уджавны, ёртöй. 6.  
ШАХОВ Б. Литературао кыскис челядьдырсянъ. 6.  
ШЛОПОВА Л.Н. Тятей ни касей. 3.  
ЩАНОВ А. Би пыр и ва пыр. 7.  
ЮШКОВА Ю. Олёмас донаыс. 5.

## Сыланкывъяс

ЛЫТКИН Л., КОЗЛОВ И. Коми гор. 2.  
ПОПОВ С., КОЗЛОВ И. Мед дзирдалас шондi. 7.



Журнал петö «Сыктывкара ЛПК»  
акционеръяс восьса котырлон бумага вылын.

---

Журналын йёзöдтöм гиждöдъяс  
редакция оз рецензируйт и авторыслы найöс оз мёддöд

---

Техн. редактор А. Одинцов.

Корректор Е. Панюкова.

Адрес редакции: 167610, г. Сыктывкар, Дом печати, комн. 26  
Телефоны редакции: 42-47-52 (гл. редактор), 42-51-52 (отв. секретарь).

---

Подписано к печати 08.12.2000. Формат 70x108<sup>16</sup>. Печать офсетная. Усл. печ. л. 7; усл. кр.-отт. 5,64; учетно-изд. л. 7,54. Тираж 1326. Заказ № 7391. Регистр. № Ф0095.

ОАО «Коми республиканская типография», 167610, г. Сыктывкар, ул. Первомайская, 70.

**2001**

	УРАСЬЁМ				МОЗ				
Выльун	5	12	19	26		6	13	20	27
Вторник	6	13	20	27		7	14	21	28
Середа	7	14	21	28	1	8	15	22	29
Четверг	1	8	15	22	2	9	16	23	30
Пекница	2	9	16	23	3	10	17	24	31
Субота	3	10	17	24	4	11	18	25	
Воскресеньё	4	11	18	25	5	12	19	26	

	РАКА					КОЧ				
Выльун	5	12	19	26		3	10	17	24	
Вторник	6	13	20	27		4	11	18	25	
Середа	7	14	21	28		5	12	19	26	
Четверг	1	8	15	22	29	6	13	20	27	
Пекница	2	9	16	23	30	7	14	21	28	
Субота	3	10	17	24	31	1	8	15	22	29
Воскресеньё	4	11	18	25		2	9	16	23	30

	КОС МУ					ЙИРЫМ				
Выльун	2	9	16	23	30	1	8	15	22	29
Вторник	3	10	17	24		2	9	16	23	30
Середа	4	11	18	25		3	10	17	24	31
Четверг	5	12	19	26		4	11	18	25	
Пекница	6	13	20	27		5	12	19	26	
Субота	7	14	21	28		6	13	20	27	
Воскресеньё	1	8	15	22	29	7	14	21	28	

	ОДА КОРА				ВОЛЬГЫМ			
Выльун	7	14	21	28		5	12	19
Вторник	1	8	15	22	29		6	13
Середа	2	9	16	23	30		7	14
Четверг	3	10	17	24	31	1	8	15
Пекница	4	11	18	25		2	9	16
Субота	5	12	19	26		3	10	17
Воскресеньё	6	13	20	27		4	11	18

	ЛОДДЗА-НОМЪЯ					ЁШЫМ				
Выльун	4	11	18	25		3	10	17	24	31
Вторник	5	12	19	26		4	11	18	25	
Середа	6	13	20	27		5	12	19	26	
Четверг	7	14	21	28		6	13	20	27	
Пекнича	1	8	15	22	29		7	14	21	28
Субота	2	9	16	23	30	1	8	15	22	29
Вёлкросенниё	3	10	17	24		2	9	16	23	30

Индекс 73069

Доныс сёрнитчом серти.